



漾水
汝水
涇水
渭水
陰溝水
睢水
汶水
沂水
沐水
淄水
濰水

丹水
潁水
潁水
渠水
汜水
瓠子水
泗水
洙水
巨洋水
汶水
膠水

水經第五十

東西兩川其受西夷之谷者藉河也

蓋疑曰不信其公也漢并桑未欽撰

以證云來木出後魏酈道元注

莫若多言西夷木在明曰吳承瑄校

南人漾水谷

漾水出隴西氐道縣蟠冢山東至武都沮縣為漢水

常璩華陽國記曰漢水有二源東源出武都氐道

縣漾山為漾水禹貢導漾東流為漢是也西源出

隴西蟠冢山會泉逕葭萌入漢始源曰沔按沔水

出東狼谷逕沮縣入漢漢中記曰蟠冢以東水皆

東流蟠冢以西水皆西流卽其地勢源流所歸故俗以蟠冢爲分水嶺卽此推沔水無西入之理劉澄之云有水從沔陽縣南至梓潼漢壽入大穴暗通罝山郭景純亦言是矣罝山穴小本不容水水成大澤而流與漢合庾仲邕又言漢水自武遂川南入蔓葛谷越野牛逕至開城合西漢水故諸言漢者多言西漢水至葭萌入漢又曰始源曰沔是以經云漾水出氐道縣東至沮縣爲漢水東南至廣魏白水診其泐注似與三說相符而未極西漢之源矣然東西兩川俱受沔漢之名者議或在茲

沔陽宋本作河陽

凡廣魏宋本俱作廣漢

矣班固地理志曰司馬彪袁崧郡國志並言漢有二源東出氐道西出西縣之蟠冢山闕駟云漢或爲漾漾水出崑崙西北隅至氐道重源顯發而爲漾水又言隴西縣蟠冢山在西西漢水所出南入廣魏白水又云漾水出源道東至武都入漢許慎呂忱並言漾水出隴西源道東至武都爲漢水不言氐道然源道在冀之西北又隔諸川無水南入疑出源道之爲謬矣又云漢漾也東爲滄浪水山海經曰蟠冢之山漢水出焉而東南流注于江然東西兩川俱出蟠冢而同爲漢水者孔安國曰

漢地理志源道縣在天水郡應劭云源戎邑也音完

泉始出爲漾其猶濛耳而常濛專爲漾山漾水當是作者附而爲山水之殊目矣余按山海經漾水出崑崙西北隅而南流注于配塗之水穆天子傳曰天子自春山西征至于赤烏氏已卯北征庚辰濟于洋水辛巳入于曹奴之人戲觴天子于洋水上乃獻良馬九百牛羊七千天子使逢固受之天子乃賜之黃金之鹿戲乃膜拜而受余以太和中從高祖北巡狄人猶有此獻雖古今世殊而所貢不異然川流隱伏卒難詳照地理潛閔變通無方復不可全言闕氏之非也雖津流派別枝渠勢懸

配塗山海經作醜塗

曹奴下當又有曹奴二字今穆天子傳亦無此二字

原始要終潛流或一故俱受漢漾之名納方士之稱是其有漢川漢陽廣漢漢壽之號或因其始或據其終縱異名互見猶爲漢漾矣川共目殊或亦在斯今西縣嶓冢山西漢水所導也然微涓細注若通纂歷津注而已西流與馬池水合水出上邽西南六十餘里謂之龍淵水言神馬出水事同徐吾來淵之異故因名焉開山圖曰隴西神馬山有淵池龍馬所生卽是水也其水西流謂之馬池川又西流入西漢水西漢水又西南流左得蘭渠溪水次西有山黎谷水次西有鐵谷水次西有石駝

徐吾當作余吾

漢書元狩二年馬生余吾水中元鼎四年馬生渥注水中應劭注云余吾在朔方

谷水次西有南谷水並出南山揚湍北注右得高
望谷水次西得西溪水次西得黃花谷水咸出北
山飛波南入西漢水又西南資水注之水北出資
川導源四壑南至資峽總爲一水出峽西南流注
西漢水西漢水又西南得峽石水口水出苑亭曰
草里谷三溪西南至峽石口合爲一瀆東南流屈
而南注西漢水西漢水又西南合陽廉川水水出
西谷衆川瀉流合成一川東南流逕南縣故城北
秦莊公伐西戎破之周宣王與其大略大丘之地
爲西垂大夫亦西垂官也王莽之西治矣建武八

亭曰宋本
作亭西

草里宋本
草黑

年世祖至陽河竇融等悉會天水震動隗囂將妻

子奔西城從楊廣廣死蹏孤窮城守時潁川賊起

車駕東歸留吳漢岑彭圍蹏岑等壅西谷水以縑

幔盛土爲堤灌城城未沒丈餘水穿壅不行地中

數丈涌出故城不壞請蜀救至漢等退上邽但廣

廉字相狀後人因以人名名之故習僞爲楊廉也

置楊廉縣焉又東南流右會茅川水水出西南戎溪

東北流逕戎丘城南吳漢之圍西城王捷登城向

漢軍曰爲隗王城守者皆必死無二心願諸將亟

罷請自殺以明之遂刎頸而死又東北流注西谷

孤窮舊本
作愁窮

罷宋本作
還

水亂流東南入于西漢水西漢水又西南逕始昌
峽始昌縣故城西晉書地道記曰天水始昌縣故
城西也亦曰清崖峽西漢水又西南逕巖備戍南
左則巖備水自東南西北注之右則鹽官水南入
焉水有鹽官在嶓冢西五十許里相承營煮不輟
味與海鹽同故地理志云西縣有鹽官是也其水
東南逕巖備戍西東南入漢水漢水又西南合左谷
水水出南山窮溪北注漢水又西南蘭軍水出於
西北至交谷東南歷郊山軍東南入漢水漢水又
西南逕祁山軍南雞水出南雞谷北逕水南縣西

巖備宋本
作宿備

蘭軍宋本
作蘭軍

至交宋本
作五交

北流注于漢漢水又西建安川水入焉其水導源
建威西北山白石戍東南二源水合注東逕建威
城南又東與蘭坑水會水出西南近溪東北逕蘭
坑城西東北注建安水建安水又東逕蘭坑城北
建安城南其地故西縣之歷城也楊定自隴右徙
治歷城卽此處也去仇池一百二十里後改爲建
安城其水又東合錯水水出錯水戍東南而東北
入建安水建安水又東北有雉尾谷水又東北有
太谷水又北有小祁山水並出東溪揚波西注又
北左會胡谷水水西出胡谷東逕金盤歷城二軍

東北下本
有流字

北軍在水南層山上其水又東注建安水建安水
又東北逕塞峽元嘉十九年宋太祖遣龍驤將軍
裴方明伐楊難當將妻子北奔安西參將魯尚期
追出塞峽即是峽矣左山側有石穴洞入言潛通
下辨所未詳也其水出峽西北流注漢水漢水北
連山秀舉羅峯兢峙祁山在蟠塚之西七十里置
山上有城極為巖固昔諸葛亮攻祁山即斯城也
漢水逕其南城有三里有亮故壘壘之左右猶豐
茂宿草蓋亮所植也在上邽西南二百四十里開
山圖曰漢陽西南有祁山溪徑逶迤山高巖嶮九

里置宋本
作許里

州之名岨天下之奇峻今此山於眾阜之中亦非
為傑矣漢水又西南與申谷水合水出西南申谷
東北流注漢水漢水又西逕南岸北中岸之上下
有二城相對左右墳壠低昂且山被阜古語云南
岸北岸萬有餘家諸葛亮表言祁山縣出租五百
有民萬戶矚其丘墟信為殷矣漢水西南逕武植
戍南武植戍水發北山二源奇發合于安民戍南
又南逕武植戍西而西南流注漢水漢水又西南
逕平夷戍南又西南夷水注之水出北山南逕其
戍西南入漢水漢水又西逕蘭倉城南又南右會

申谷宋本
作甲谷

岸字宋本
作呀下同

古語一作
古謔

出租宋本
作去沮

五百下宋
本有里字

流注下一
本有子字

兩溪俱出西山東流注于漢水張華博物志云温
水出鳥鼠山下注漢水疑是此水而非所詳也漢
水又南入嘉陵道而為嘉陵水然世俗名之為皆
陵水非也漢水又東南右得北谷水東南得城階
水又東南得倉谷水右三水並出西溪東流注漢
水漢水又東南逕瞿堆西又屈逕瞿堆南絕壁峭
峙孤嶮雲高望之形若覆壺其高二十餘里羊腸
蟠道三十六迴開山圖謂之仇夷所謂積石嵯峨
嶽岑隱阿者也上有平田百頃煮土成鹽因以百
頃為號山上豐水泉所謂清泉湧沸潤氣上流者

皆陵一作階陵
右得舊本
作名得
城階疑作
武階

也漢武帝元鼎六年開以為武都郡天池大澤在
西故都為目矣王莽更名樂平郡縣曰循虜縣常
璩范曄云郡居河池一名仇池池方百頃即指此
也左右悉白馬氏矣漢獻帝建安中有天水氏楊
勝者世居隴右為氏太師子駒勇健多計徙居仇
池魏拜為百頃氏王漢水又東合洛谷谷有二源
合同注一壑於神蛇戍西左右山溪多五色蛇性
馴良不為物毒洛谷水又南逕虎楸戍東又南逕
仇池郡西瞿堆東西南入漢水漢水又東合洛漢
水水北發洛谷南逕威武戍南又西南與龍門水

洛谷下疑
脫水字

洛漢當作
洛溪下同

按下文數舉武街知階當作街而宋本自誤耳十六國春秋亦作武街

按華陽國志十六國春秋並云氏王楊茂搜子難敵堅頭為劉曜所破奔晉壽守將李稚受其賂遺不送成都遣難敵兄弟還武都遂即叛稚與兄侍中珍攻難敵由白水橋進攻下辨而珍弟玟攻陰平難敵遣軍拒玟而珍稚徑至下辨武街難敵絕其歸路四面攻之深入無繼皆為氏眾所殺此云楊敵堅妻死葬陰平所未詳也後漢書虞詡傳注引續書云以水灌之石皆圻裂因鑄去石

合水出西北龍門谷東流與橫水會東北窮溪即水源也又南逕龍門戍東又東南入洛漢水又東南逕上祿縣故城西脩源濬導逕引北溪南總兩川單流納漢漢水又東南逕濁水城南又東南會平樂水水出武階東北四十五里更馳南溪導東北源流山側有甘泉涌波飛流下注平洛水又逕甘泉戍南又東逕平洛戍南又東入漢謂之會口漢水東南逕脩城道南與脩水合水總二源東北合漢漢水又東南於槃頭郡南與溜水合水出濁城北東流與丁令溪水會其水北出丁令谷南逕

武階宋本作武源

武街城西東南入濁水濁水又東逕武街城南故下辨縣治也李倉李稚以氏王楊敵堅妻死葬陰平襲武街為氏所殺於此矣今廣業郡治濁水又東宏體水注之水北出溪南逕武街城東而南流注于濁水濁水又東逕白石縣南續漢書曰虞詡為武都太守下辨東三十餘里有峽峽中白水生大石障塞水流春夏輒潰溢敗壞城郭詡使燒石以水灌之石皆碎裂因鑄去焉遂無泛溢之害濁水即白水之異名也濁水又東南渥陽水北出渥谷南逕白石縣東而南入濁水濁水又東南與仇

宏體宋本作弘休

白水一作當水

碎裂舊本作淬裂

鳩水合水發鳩溪南逕河池縣故城西王莽之樂平亭也其水西南流注濁水濁水又東南與河池水合水出河池北谷南逕河池戍東西南入濁水濁水東南兩當水注之水出陳倉縣之大散嶺西南流入故道川謂之故道水西南逕故道城東魏征仇池築以置戍與馬鞍山水合水東出馬鞍山歷谷西流至故道城東西入故道水西南流北川水注之水出北洛嶺山南南流逕唐倉城下南至困冢川入故道水故道水又西南歷廣香交合廣香川水水出南田縣利喬山南流至廣香川謂廣

利喬一作穆喬

香川水又南注故道水謂之廣香交故道水又西南入秦岡山尚婆水注之山高入雲遠望增狀若嶺紆曦軒峯駐月駕矣懸崖之側列壁之上有神象若圖指狀婦人之容其形上赤下白世名之曰聖女神至於福應愆違方俗是祈水源北出利喬山南逕尚婆川謂之尚婆水歷兩當縣之尚婆城南魏故道郡治也西南至山入故道水故道水右又合黃盧山水水出西北天水郡黃盧山腹歷谷南流交注故道水故道水南入東益州之廣業郡界與沮水枝津合謂之兩當溪水上承武都沮縣

尚婆水出河池縣故城西王莽之樂平亭也其水西南流注濁水濁水又東南與河池水合水出河池北谷南逕河池戍東西南入濁水濁水東南兩當水注之水出陳倉縣之大散嶺西南流入故道川謂之故道水西南逕故道城東魏征仇池築以置戍與馬鞍山水合水東出馬鞍山歷谷西流至故道城東西入故道水西南流北川水注之水出北洛嶺山南南流逕唐倉城下南至困冢川入故道水故道水又西南歷廣香交合廣香川水水出南田縣利喬山南流至廣香川謂廣

尚婆水出河池縣故城西王莽之樂平亭也其水西南流注濁水濁水又東南與河池水合水出河池北谷南逕河池戍東西南入濁水濁水東南兩當水注之水出陳倉縣之大散嶺西南流入故道川謂之故道水西南逕故道城東魏征仇池築以置戍與馬鞍山水合水東出馬鞍山歷谷西流至故道城東西入故道水西南流北川水注之水出北洛嶺山南南流逕唐倉城下南至困冢川入故道水故道水又西南歷廣香交合廣香川水水出南田縣利喬山南流至廣香川謂廣

後漢書作燒石翦木
開漕船道以人僦直
雇借傭者於是水運
通利歲省四十餘萬

之沮水瀆西南流注于兩當溪虞詡為郡漕穀布
在沮從沮縣至下辨山道嶮絕水中多石舟車不
通驢馬負運僦五致一詡乃於沮受僦直約自致
之即將吏民按行皆燒石植木開漕船道水運通
利歲省萬計以其僦廩與吏士年四十餘萬也又
西南注于濁水濁水南逕槃頭郡東而南合鳳溪
水水上承濁水於廣業郡南逕鳳溪中有二石雙
高其形若闕漢世有鳳凰至故謂之鳳凰臺北去
郡三里水出臺下東南流左注濁水濁水又南注
漢水漢水又東南歷漢曲逕挾崖與挾崖水合水

至舊本作
上疑當作
止

西出檐潭交東流入漢水漢水又東逕武興城南
又東南與北谷水合水出武興東北而西南逕武
興城北謂之北谷水南轉逕其城東而南與一水
合水出東溪西流注北谷水又南流注漢水漢水
又西南逕關城北除水出西北除漢東南流入于
漢漢水又西南逕通谷通谷水出東北通溪上承
漾水西南流為西漢水漢水又西南寒水注之水
東出寒川西流入漢漢水又西逕石亭戍廣平水
又西出百頃川東南流注漢又有平阿水東山西流
注漢水漢水又逕晉壽城西而南合漢壽水水源

一本少漢
水二字

出東山西逕東晉壽故城南而西南入于漢水也
又東南至廣魏白水縣西又東南至葭萌縣東北與
羌水合羌水出西流人葭萌水又西逕葭萌平水

白水西北出于臨洮縣西南西傾山水色白濁東
南流與黑水合水出羌中西南逕黑水城西又西
南入白水白水又東逕洛和城南洛和水西南出
和溪東北流逕南黑水城西而北注白水白水又
東南逕鄧至城南又東南與大夷祝水合水出夷
祝城西南而窮溪北注夷水又東北合羊洪水出
東南羊溪西北逕夷祝城東又西北流屈而東北

廣魏宋本
作廣漢

按漢紀平帝有元
始後漢安帝有永
初

注于夷水夷水又東北入白水白水又東與安昌
水會水源發衛大西溪東南逕鄧至安昌郡南又
東南合無累水無累水出東北近溪西南入安昌
水安昌水又東南入白水白水又東南入陰平得
東維水水出西北維谷東南逕維城西東南入白
水白水又東南逕陰平故城南王莽更名推虜矣
即廣漢之北部也廣漢屬國都尉治漢平帝永初
三年分廣漢蠻夷置有白馬水出長松縣西南而
白馬漢東北逕長松縣北而東北注白水白水又
東逕陰平大城北蓋其渠帥自故城徙居也白水

馬漢一作
馬溪

又東偃庶水出西南偃溪東北流逕偃城西而東
北流入白水白水又東逕偃城北又東北逕橋頭
昔姜維之將還蜀也雒州刺史諸葛緒邀之於此
後期不及故維得保劔閣而鍾會不能入也白水
又與羌水合自下羌水又得其通稱矣白水又東
逕郭公城南昔郭淮之攻寥化於陰平也築之故
因名焉白水又東雒川水出西南雒漢東北注白
水白水又東合空冷水傍溪西南窮谷即川源也
白水又東南與南五部水會水有二源西源出五
部溪東南流東源出郎谷西南合南注白水白水

雒州宋本
作雍州

又東南逕建陽郡東而北與一水合二源同注其
成三溪西南流入于白水白水又東南逕白水縣
故城東即白水郡治也經云漢水出其西非也白
水又東南與西谷水相得水出西溪東流逕白水
城南東南入白水白水又南左會東流水東入極
溪便即水源也白水又南逕興城東又東南左得
刺稽水口溪東北出便水源矣白水又東南清水
左注之庾仲雖曰清水自邪山來合白水斯為孟
浪也水出於平武郡東北矚累亘下南逕平武城
東屈逕其城南又西歷平洛郡東南屈而南逕南

入極上二本
無東字
興城上疑
脫武字

陽僑郡東北又東北逕新巴縣東北又東南逕始平僑郡南又東南逕小劔戍北西去大劔三十里連山絕嶮飛閣涌衢故謂之劔閣也張載銘曰一人守嶮萬夫趨起信然故李特至劔閣而歎曰劉氏有如此地而面縛於人豈不奴才也小劔水西南出劔谷東北流逕其戍下入清水清水又東南注白水白水又東南於吐費城南即西晉壽之東北也東南流注漢水西晉壽即蜀王弟葭萌所封為苴侯邑故遂城為葭萌矣劉備改曰漢壽太康中又曰晉壽水有津關段元章善風角弟子歸元

又東北宋本作東南

涌一作通

東南下疑脫逕字

後漢書廉范字叔度京兆杜陵人父丹王莽嘗為大司馬庸部牧客死於蜀范遂流寓西州後歸鄉里年十五辭母西迎父喪歸葭萌載船觸石破沒范抱持棺柩遂俱沈溺眾傷其義鉤求得之瘞救僅免於死

章封筒藥授之曰路有急難開之生到葭萌從者與津吏諍打傷其破頭者可以此藥裹之生乃歎服還卒業焉亦廉叔度抱父柩自沈處也東南流又東南過巴郡閬中縣

巴西郡治也劉璋之分三巴此其一焉闕駟曰強水出陰平西北強山一曰強川姜維之還也鄧艾遣天水太守王頌敗于強川即是也其水東北逕武都陰平梓潼南安入漢水漢水又東南逕津渠戍東又南逕閬中縣東閬水出閬陽縣而東逕其縣南又東注漢水昔劉璋之攻霍峻於葭萌也自

敗字下宋本有之字

後魏地形志益州有
宋熙郡領縣二曰興
樂元壽與巴州相比

此水出巴嶺南歷獠中謂之東遊水李壽之
時獠自牂牁北入所在諸郡布在山谷其水西南
逕宋熙郡東又東南逕平城東又東南逕巴西郡
東又東入漢水漢水又東與濩溪水合水出獠中
世亦謂之為清水也東南流注漢水漢水又東南
又逕宕渠縣東又東南合宕渠水水西北出鄭縣南
巴嶺與槃余水同源派注南流謂之北水東南流
與難水合水出東北巴山西南注之又東南流逕
宕渠縣謂之宕渠水又東南入漢

史記地理志益州有
後魏地形志益州有

此水上張達范強害張飛於此縣漢水又東南得
東水口水出巴嶺南歷獠中謂之東遊水李壽之
時獠自牂牁北入所在諸郡布在山谷其水西南
逕宋熙郡東又東南逕平城東又東南逕巴西郡
東又東入漢水漢水又東與濩溪水合水出獠中
世亦謂之為清水也東南流注漢水漢水又東南
又逕宕渠縣東又東南合宕渠水水西北出鄭縣南
巴嶺與槃余水同源派注南流謂之北水東南流
與難水合水出東北巴山西南注之又東南流逕
宕渠縣謂之宕渠水又東南入漢

又東南入漢州江津縣東南入于江

涪水注之故仲雍謂涪內水者也

丹水出京兆上洛縣西北冢嶺山

名高猪山也丹水東南流與清池水合水源東北

出清池山西南流入于丹水

東南過其縣南

又縣故蜀京兆晉分為郡地通記曰郡在洛上故以

為名竹書紀年晉烈公三年楚人伐我南鄙至于

上洛楚水注之楚水出上洛縣西南楚山昔四皓

隱于楚山即此山也其水兩源合舍於四皓廟東

故蜀疑作
故屬

合下家本
無合字

御覽高士傳高車山
上有四皓碑及祠皆
漢惠帝所立也漢高
后使張良詣南山迎
四皓之處因名高車
山

史記高祖降折縣因
罷攻武關破之

又東逕高車嶺南翼帶衆流北轉入丹嶺土有四
皓廟丹水自倉野又東歷兔和山即春秋所謂左
師軍於兔和右師軍於倉野者也外楚南嶺至于
又東南過商縣南又東南至于丹水縣入于沔沔水
東契始封商魯連子曰在大華之陽皇甫謐闕駟並
以爲止洛商縣也殷湯之名起於此矣丹水自商
縣東南流注歷少習出武關應劭曰秦之南關也
丹通南陽郡春秋左傳哀公四年楚左司馬使謂陰
地之命大夫士農曰晉楚之盟好惡同之不然將
又通於少習以聽命者也京相璠曰楚通上洛阨道

丹水本
有水守本

之盟當作
有盟

也漢祖下浙酈攻武關文頰曰武關右浙縣西一
百七十里弘農界也丹水又東南流入白口歷其
戍下又東南浙水出浙縣西北弘農盧氏縣大嵩
山南流逕脩陽縣故城北縣即浙之北鄉也又東
入浙縣統結成潭謂之龍淵清深神異者舊傳云
漢祖入關逕觀是潭其下若有府舍焉事既非恒
難以詳矣其水又東逕其縣故城北蓋春秋之白
羽也左傳昭公十八年楚使王子勝遷許於浙是
也郭仲產云相承言此城漢高所築非也余按史
楚襄王元年秦出武關斬衆五萬取浙一十五城

浙當作浙
右疑作在

統結宋本
作流結

籍之在關也
史記高祖紀注

漢祖入關亦言下浙酈非無城之言循之則可矣
浙水又歷其縣東王莽更名縣為古亭也而南流
入丹水縣注于丹水故丹水會洑有浙口之稱丹
水又東南逕一故城南名曰三戶城昔漢祖入關
王陵起兵丹水以歸漢祖此城疑陵所築也丹水
又逕丹水縣故城西南縣有密陽鄉古商密之地
昔楚申息之師所戍也春秋之三戶矣杜預曰縣
北有三戶亭竹書紀年曰士寅孫何侵楚入三戶
郭者是也水出丹魚先夏至十日夜伺之魚水郭
側赤光上照如火網而取之割其血以塗足可以

步行水上長居淵中丹水東南流至其縣南黃水
出北予山黃谷南逕丹水縣南注于丹水黃水北
有墨山山石悉黑績彩奮發黝焉若墨故謂之墨
山今河南新安縣有石墨山斯其類也丹水南有
丹崖山山悉頽壁霞舉若紅雲秀天二岫更為殊
觀矣丹水又南逕南鄉縣故城東北漢建安中割
南陽石壤為南鄉郡逮晉封宣帝孫暢為順陽王
因為立順陽郡而南鄉為縣舊治鄴城永嘉中丹
水浸沒至永和中徙治南鄉故城城南門外舊有
郡社栢樹大三十圍蕭欣為郡伐之言有大蛇從

予山一作
子山

樹腹中墜下。大數圍。長三丈。羣小蛇數十。隨入南山。聲如風雨。伐樹之前。見夢於欣欣。不以厝意。及伐之。吏少日果死。丹水又東。逕南鄉縣北。興寧末。太守王靡之。改築今城。城北半據在水中。左右夾溪深長。及春夏水漲。望若孤洲矣。城前有晉順陽太守丁穆碑。郡民范甯立之。丹水逕流兩縣之間。歷於中之北。所謂商於者也。故張儀說楚絕齊。許以商於之地。六百里。謂以此矣。呂氏春秋曰。堯有丹水之戰。以服南蠻。卽此水也。又南合洧水。謂之浙水。

水經第二十一

史疑作更
夾溪宋本作夾澗

汝水

汝水出河南梁縣勉鄉西天息山。地理志曰。出高陵山。卽猛山也。亦言出南陽魯陽縣之大孟山。又言出弘農盧氏縣還歸山。博物志曰。汝出燕泉山。並異名也。余以永平中。蒙除魯陽太守。會上臺。下列山川圖。以方志參差。遂令尋其

汝水

漢桑欽撰

後魏酈道元注

明吳瑄校

汝州中大孟山在魯山縣西五十里山頂低窪四圍若城

高陵一作高陸
大孟一作還歸山一作還歸也

神仙傳云尹軌字公度博學五經尤明天文星氣河洛讖緯晚乃學道常服黃精華日三合許年數百歲腰佩漆竹筒十數枚中皆有藥言可辟兵疫又能銷鉛為銀銷錫為金後到太和山中仙去

源流此等既非學徒難以取悉既在遘見不容不述今汝水西出魯陽縣之大孟山黃柏谷巖鄣溪高山岫邃密石徑崎嶇人跡裁交西即盧氏界也其水東北流逕太和城西又東流逕其城北左右溪松列植筠柏交蔭尹公度之所棲神處也又東屈堯山西嶺下水流兩分一水東逕堯山南為滢水也即經所言滢水出堯山矣一水東北出為汝水歷蒙柏谷左右岫壑爭溪山阜競高夾水層松茂柏傾山蔭渚故世人以名也津流不已北歷長白沙口狐白谿水注之夾岸沙漲若雪因以取名

蒙柏疑作黃柏

其水南山狐白川北流注汝水又東北趣狼臯山者也

東南過其縣北

汝水自狼臯山東出峽謂之汝阨也東歷麻解城北故鄴鄉城也謂之蠻中左傳所謂單浮餘圍蠻氏蠻氏潰者也杜預曰城在河南新城縣之東南伊洛之戎陸渾蠻氏城也俗以為麻解城非也蓋蠻麻讀聲近故也汝水又逕周平城南京相璠曰霍陽山在周平城東南者也汝水又東與三屯谷水合水出南山北流逕石碣東柱側刊云河南界

石碣一作石碣下石碣同

馬融上廣成頌序云
陛下履有虞烝烝之
孝外舍諸家每有憂
疾聖恩普勞遣使交
錯稀有曠絕時時寧
息又無以自娛樂殆
非所以逢迎太和禪
助萬福也臣愚以為
方涉冬節農事間隙
宜幸廣成覽原隰觀
宿麥勸收歲因講武
校獵使寮庶百姓復
觀羽旄之美聞鐘鼓

之音

又有一碣題言洛陽南界碑柱相對既無年月竟
不知何代所表也其水又北流注于汝水汝水又
東與廣成澤水合水出狼臯山北澤中安帝永初
元年以廣成遊獵地假與貧民元初二年鄧太后
臨朝鄧騭兄弟輔政世士以為文德可興武功宜
廢寢蒐狩之禮息戰陣之法于時馬融以文武之
道聖賢不墜五才之用無或可廢作廣成頌云大
漢之初基也揆厥靈囿營于南郊右轡三塗左枕
嵩嶽百據衡陰背箕王屋浸以波澹演以滎洛金
山石林殷起乎其中神泉側出丹水湟池怪石浮

園一作圃

磬燿焜于其陂相帝延熹元年校獵廣成遂幸函
谷關其水自澤東南流逕溫泉南與溫泉水合溫
水殷源揚波於川左泉上華宇連蔭茨薨交池石
沼錯落其間順道者多歸之其水東南流注廣成
澤水澤水又東南入于汝水汝水又東得魯公水
口水上承陽人城東魯公陂城古梁之陽人聚也
秦滅東周徙其君於此陂水東南流合乎澗水水
出北山南流注之又亂流注于汝水汝水之右有
霍陽聚汝水逕其北東合霍陽山水水出南山杜
預曰河南梁縣有靈山者霍也其水東北流逕霍陽

殷源一作
數源

合乎宋本
作合于

史記秦取九鼎寶器而遷西周公於愚狐徐廣曰愚音憚愚狐聚在洛陽南百五十里梁新城之間

聚東世謂之華浮城非也春秋左傳哀公四年楚侵梁及霍服虔曰梁霍周南鄙也建武二年世祖遣征虜將軍祭遵攻蠻中山賊張滿時厭新柏率餘賊合攻得霍陽聚即此水又逕梁城西按春秋周小邑也於戰國為南梁矣故經云汝水逕其縣北俗謂之治城也非以北有注城故也今置治城縣治霍陽山水又東北流注于汝水汝水又右合三里水水北出梁縣西北而東南流逕其縣故城西故單孤聚也地理志云秦滅西周從其君於此因乃縣之杜預曰河南縣西南有梁城即是縣也

侵梁在傳作襲梁率舊本作華

右合一作左合

單孤當作愚狐

水又東南逕注城南司馬彪曰河南南梁縣有注城史記魏文侯三十二年敗秦于注者也又與一水合水發注城東坂下東南流注三里水三里水又亂流入于汝汝水又東逕成安縣故城北按地理志潁川郡有成安縣侯國也史記建元以來功臣侯者年表曰漢武帝元朔五年校尉韓千秋擊南城歿封其子韓延年為成安侯即此邑矣世謂之白泉城非也俗謬耳汝水又東為周公渡藉承休之徽號而有周公之嘉稱也汝水又東黃水注之水出梁山東南逕周承休縣故城東為承休水縣

據檀弓衛將軍文子名彌牟

自按汲冢古文至而稱君也六十字皆史記周子南君臣瓚注中語括地志云周承休城一名梁雀鳴在汝州梁縣東北二十六里

故子南國也漢武帝元鼎四年幸雒陽巡省豫州觀于周室邈而無祀詢問耆老乃得孽子嘉封為周子南君以奉周祀按汲冢古文謂衛將軍文子為子南稱矣其後有子南勁紀年勁期于衛後惠成王如衛命子南為侯秦并六國衛最後滅疑嘉是衛後故氏子南而稱君也初元五年為周承休邑地理志曰侯國也元帝置元始二年更曰鄭公王莽之嘉莢也故汝渡有周公之名蓋藉邑以納稱也謂之黃城水曰黃水皆非也其水又東南逕白茅臺東又南逕梁瞿鄉西世謂之期城非也按

稱矣一作彌牟

漢書世祖自潁川往梁瞿鄉馮魴先詣行所即是邑也水積為陂世謂之黃陂東轉逕其城南東流右合汝水

行所當作行在所

又東南潁川邾縣南

汝水又東與張磨泉合水發北阜春夏水盛則南注汝水汝水又東分為西長湖湖水南北五十餘步東西三百步汝水又東扈澗水北出大劉山南逕水蓼堆東邾城西南流入于汝汝水又右迤為湖湖水南北八九十步東西四五百步俗謂之東長湖湖水下入汝古養水也水出魯陽縣北將孤

山北長岡下數泉俱發東歷永仁三堆南又東逕沙川世謂之沙水歷山符壘北又東逕沙亭南故養陰里也司馬彪郡國志曰襄城有養陰里京相璠曰在襄城郊縣西南養水名也俗以是水為沙水故亦名之為沙城非也又城處水之陽而以陰為稱更用惑焉但流襍閒居梨漑平移致令川渠異容津途狀改故物望疑焉又右會董溝水水出沛公壘西六十許步蓋漢祖入關往征是由故地擅斯目矣其水東北注養養水又東北入東長廸湖亂注汝水縣汝水又逕郊縣故城南春秋昭公

梨漑平移一作築漑頻移宋本移裂既互董溝宋本往征一作東長下一無迪字水縣宋本作水也

十九年楚令尹子瑕之所城也激水注之水出魯陽縣之將孤山東南流許慎云水出南魯陽入父城從水敖聲呂忱字林亦言在魯陽激水東入父城縣與柏水會柏水出魯陽北山水有二源竒導於賈復城合為一瀆逕賈復城北復南擊郟所築也俗語訛謬謂之寡婦城水曰寡婦水北瀆水有窮通故有枯渠之稱焉其水東北流至父城縣北右注激水亂流又東北至郊入汝汝水東南左合藍水水出陽翟縣重嶺山東南流逕紀氏城西有增臺記紀氏臺續漢書曰世祖車駕西征盜賊羣

柏水宋本作桓水下同

按漢地理志潁川有父城縣而沛郡有城父縣此注自說潁川之父城乃忽引楚平王城父事故并舉說苑襄城君與黃帝襄城問塗以實杜注豈父城城父本為一耶

說苑云襄城君衣翠衣帶玉劍履編為立於遊水之上楚大夫莊辛過而說之遂拜謂曰臣願把君之手其可乎襄城君念而不言莊辛曰君獨不聞鄂君子皙有感於越人之歌乎襄城君乃奉手而進之

起邾令馮魴為賊延裒所攻力屈上詣紀氏羣賊自降。即是處在邾城東北十餘里其水又東南流逕黃阜東而南入汝水汝水又東南流又與白溝水合水出亭城西而南逕夏亭城西又南逕龍城西城西北即摩陂也縱廣可一十五里魏青龍元年有龍見于邾之摩陂明帝幸陂觀龍於是改摩陂曰龍陂其城曰龍城其水又南入于汝水又東南與龍山水會水出龍山龍谿北流際父城縣故城東昔楚平王大城城父以居太子建故杜預曰即襄城之城父縣也馮異據之以降世祖用報巾

宋本疊汝水二字

城父下一本無縣字

車之恩也其水又東北流與二水合俱出龍山北流注之又東北入于汝水汝水又東南逕襄城縣故城南王隱晉書地道記曰楚靈王築劉向說苑曰襄城君始封之日服翠衣帶玉佩徙倚於流水之上。即是水也楚大夫莊辛所說處後乃縣之呂后元年立孝惠後宮子義為侯國王莽更名相成也黃帝嘗遇牧童於其野故嵇叔夜讚曰奇矣難測襄城小童倦遊六合來憇茲邦也其城南對汜城周襄王出鄭居汜即是城地也春秋襄公二十六年楚伐鄭涉汜而歸杜預曰涉汝水於汜城下

也。晉襄城郡治京相璠曰周襄王居之。故曰襄城也。今置關於其下。汝水又東南流。逕西不羹城南。春秋左傳昭公十二年楚靈王曰昔諸侯遠我而畏晉。今我大城陳蔡不羹。賦皆千乘。諸侯其畏我乎。東觀漢記曰車騎馬防以前參藥勤勞省閹。增封侯國襄城羹亭千二百五十戶。卽此亭也。汝水又東南逕繁丘城南而東南出也。
又東南過定陵縣北。

湛水出犇縣北魚齒山西北東南流歷魚齒山下爲湛浦方五十餘步春秋襄公十六年晉伐楚報

楊梁之役楚公子格及晉師戰于湛阪楚師敗績遂侵方城之外今水北悉枕翼山阜於父城東南

湛水之北山有長陂蓋卽湛水以名陂故有湛陂

長陂宋本作長阪下同

之名也湛水又東南逕蒲城北京相璠曰昆陽縣北有蒲城蒲城北有湛水者是也漢水又東於汝水九曲北東入汝杜預亦以是水爲湛水矣周禮荊州其浸潁湛鄭玄云未聞蓋偶有不照也今考地則不乖其土言水則有符經文矣汝水又東南逕定陵縣故城北漢成帝元延三年封侍中衛尉淳于長爲侯國王莽更之定城矣東觀漢記曰光

武擊王莽二公還到汝水上於涯以手飲水澡頰
塵垢謂傳俊曰今日疲倦諸君寧憊也卽是水也
水右則澧水左入焉左則百尺溝出矣溝水夾岸
層崇亦謂之爲百尺隄也自定陵城北通潁水於
襄城縣潁盛則南播汝佚則北注溝之東有澄潭
號曰龍淵在汝北四里許南北百步東西二百步
水至清溪嘗不耗竭佳饒魚筍湖溢則東注潏水
矣汝水又東南昆水注之水出魯陽縣唐山東南
流逕昆陽縣故城西更始元年王莽徵天下能爲
兵法者選練武衛招募猛士旌旗輜重千里不絕

汝佚當作汝失似不誤

又驅諸獷獸虎豹犀象之屬以助威武自秦漢出
師之盛未嘗有也世祖以數千兵激之陽關諸將
見尋邑兵盛反走入昆陽世祖乃使成國上公王
鳳廷尉大將軍王常留守夜與十三騎出城南門
收兵於鄧尋邑圍城數千里雲車十餘丈瞰臨城
積弩亂發矢下如雨城中人負戶而汲王鳳請降
不許世祖帥營部俱進頻破之乘勝以敢歿三千
人徑衝尋邑兵敗其中堅於是水之上遂殺王尋
城中亦鼓譟而出中外合勢震呼動天地會大雷
風屋瓦皆飛莽兵大潰昆水又屈逕其城南世祖

激之宋本作邀之

數千里本紀作數十

建武中封侍中傅俊為侯國故後漢郡國志有昆陽縣蓋藉水以氏縣也昆水又東逕定陵城南又東注汝水汝水又東南逕奇維城西北今南潁川郡治也瀆水出焉世亦謂之大瀝水爾雅曰河有雍汝有瀆然則瀆者汝別也故其下夾水之邑猶流汝陽之名是或瀆瀝之聲相近矣亦或下合瀝潁兼統厥稱耳

又東南過鄆縣北

汝水逕奇頷城西東南流其城衿帶兩水側背雙流汝又東南流逕鄆縣故城北故魏下邑也史記

奇維作奇頷

耳一作矣

楚昭陽伐魏取鄆是也汝水又東得醴口水水出南陽雉山亦云導源雉衡山即山海經云衡山也郭景純以為南嶽非也馬融廣成頌曰面據衡陰指謂是山在雉縣界故世謂之雉衡山依山海經不言有水焉然醴水東流歷唐山下即高鳳所隱之山也醴水又東南與臯水合水發臯山郭景純或作章山東流注于醴水醴水又東南逕唐城北南入城而西流出城城蓋因山以即稱矣醴水又屈而東南流逕葉縣故城北春秋昭公十五年許遷于葉者也楚盛周衰控霸南土欲爭強中國多

築列城於北方以逼華夏故號此城爲萬城或作
方城唐勒奏土論曰我是楚也世霸南土自越以
至葉垂弘境萬里故號曰萬城也余按春秋屈完
之在邵陵對齊侯曰楚國方城以爲城杜預曰方
城山名也在葉南未詳孰是楚惠王以封諸梁子
號曰葉公城卽子高之故邑也葉公好龍神龍下
之河東王喬之爲葉令也每月望常自詣朝堂帝
怪其來數而不見車騎顯宗密令太史何望之言
其臨至輒有雙鳧從東南飛來於是候鳧至舉羅
張之但得一隻鳧乃詔尚方診視則四年中所賜

詣朝堂後漢書作詣臺朝帝

尚書官屬履也每當朝時葉門下鼓不擊自鳴聞
於京師後天下玉棺於堂前吏民推排終不搖動
喬曰天帝獨欲召我耶乃沐浴服飾寢其中蓋使
立覆宿昔葬於城東土自成墳其久縣中牛皆流
汗喘乏而人無知者百姓爲立廟號葉君祠牧守
每班錄皆先謁拜之吏民祈禱無不如應若有違
犯亦立能爲祟帝乃迎取其鼓置都亭下略無復
聲焉或云卽古仙人王喬也是以于氏書之於神
化醴水又逕其城東與燒車水合水西出苦菜山
東流側葉城南而下注澧水澧水又東逕葉公廟

澧水舊本作醴水

北廟前有公子高諸梁碑舊秦漢之世廟道有雙
闕几筵黃中之亂殘毀頽闕魏太和景初中令長
修飾舊宇後長汝南陳晞以正始元年立碑碑字
破落遺文殆存事見其碑醴水又東與葉西陂水
會縣南有方城山屈完所謂楚以方城以為城者
也山有湧泉北流畜之以為陂故塘方二里陂水
散流又東逕葉城南而東北注醴水醴水又東注
葉陂陂東西十里南北七里二陂並諸梁之所竭
也陂水又東逕濩陽縣故城北又東定陵城南東
與芹溝合其水道源葉縣東逕濩陽城北又東逕

積闕一作頓闕

楚以一作楚國

竭也舊本作竭地

山海經注云或曰視宜為瀕觀水今在南陽也

山海經注云濩音武今在南陽舞陽縣

定陵縣南入東南流注澧其水逕流昆醴之間纏
絡四縣之中疑即吕忱所謂澆水也今於定陵更
無別水唯是水可當之澧水東逕郟縣故城南左
入汝山海經曰澧水東流注于澆水也汝水又東
南流逕鄧城西春秋左傳桓公二年蔡侯鄭伯會
于鄧者也汝水又東南流濩水注之
又東南過汝南上蔡縣西
汝南郡楚之別也漢高帝四年置王莽改郡曰汝
濱縣故蔡國周武王剋殷封其弟叔度於蔡世本
曰上蔡也九江有下蔡故稱上竹書紀年曰魏章

視山海經作視

高帝一作高祖

魏都賦云信都之
東固安之粟注云
固安屬范陽出御
粟

率師及鄭師伐楚取上蔡者也建安元年安帝封
鄧騭為侯國汝水又東逕玄瓠城北王智深云汝
南太守周祿起義於玄瓠者是矣今豫州刺史汝
又南郡治城之西北汝水枝別左出西北流又屈西
東轉又西南會汝形若垂瓠者彥云城北名焉灣
中有地數頃上有栗園栗小殊不並固安之實也
然歲貢三百石以充天府水渚即栗州也樹木高
茂望若屯雲積氣矣林中有栗堂射埽甚閑敞牧
宰及英彥多所遊薄其城上西北隅高祖以太和
中幸懸瓠平南王肅起高臺於小城建層樓於隅

北名疑作
比名

高臺一作
高齋

阿下際水竭降粟渚左右列榭四周參差競踣奇
為嘉觀也

水竭一作
水涓

按漢書地志汝南
有平輿縣與音豫
注同

又東南過平輿縣南

一作平輿

溱水出浮石嶺北青衣山亦謂之表衣水也東南
逕朗陵縣故城西應劭曰西南有朗陵山縣以氏
焉世祖建武中封城門校尉成宮為侯國也溱水
又南屈逕其縣南又東北逕北宜春縣故城北至
王莽更名之為宣孱也豫章有宜春故加北矣永
元三年安帝封后父侍中閻暢為侯國溱水又東
北逕馬香城北又東北入汝汝水又東南逕平輿

漢地理志汝南郡
有宜春縣後漢郡
國志作北宜春

城北下本
無全字

縣南安成縣故城北王莽更名至成也漢武帝元
光六年封長沙定王子劉蒼為侯國矣汝水又東
南汶水注之水首受慎水於慎陽縣故城南陂陂
水兩分一水自陂北逕慎陽城四固城塹潁川荀
淑遇縣人黃叔度於逆旅與語移日曰子吾師表
也范曄論曰黃憲言論風旨無所傳聞然士君子
見之者靡不深服遠去疵吝將以道周性全無得
而稱乎塹水又自瀆東北流注七陂一水自陂東
北流積為同陂陂水又東北又結而為陂世謂之
窖陂陂水上承慎陽縣北陂東北流積而為土陂

汶水當作陂水

北逕東本作北逕

深服遠後漢書作服深遠

陂水又東為窖陂陂水又東南流注壁陂陂水又
東北為太陂陂水又東入汝汝水又東南逕平陵
亭北又東南逕陽遂鄉北汝水又東逕樂亭北春
秋之棘櫟也杜預曰汝陰新蔡縣東北有櫟亭今
城在新蔡故城西北半淪水汝水城北又東南逕
新蔡縣故城南昔管蔡間王室放蔡叔而遷之其
子胡能率德易行周公舉之為魯卿士以見于王
王命之以蔡中呂地也以奉叔度祀是為蔡仲矣
宋忠曰故名其地為新蔡王莽所謂新遷者也世
祖建武元年封吳國為侯國汝南先賢傳曰新蔡

卿士上宋本無魯字

郡國志云汝南郡新蔡縣有大呂亭故呂侯國也此中呂未詳

後漢書鉅期傳云
期卒謚忠侯子丹
嗣復封丹弟統為

建平侯似非平與
或別有據也

張熹乃桂陽郡臨
武縣人吳本誤

神仙傳云壺公以
一竹杖與費長房
騎之到家以杖棄
葛坡中視之乃青
龍耳後後到東海
值大旱三年謂請

鄭敬字次都為郡功曹都尉高懿廳事前有槐樹
白露類甘露者懿問掾屬皆言是甘露敬獨曰明
府政未能致甘露但樹汁耳懿不悅託疾而去汝
水又東南左會潏水水上承汝水別流於奇額城
東東南流為練溝逕邵陂縣西東南流注至上蔡
西岡北為黃陵陂陂東流於上蔡岡東為蔡塘又
東逕平與縣故城南為潏水縣舊沈國也有沈亭
春秋定公四年蔡滅沈以沈子嘉歸後以為縣史
記曰秦將李信攻平與敗之者也建武三十年世
祖封姚統為侯國于汝南郡治昔費長房為市吏

于宋本作
本

見王壺公懸壺郡市長房從之因而自退同入此
壺隱淪仙路骨謝懷靈無會而返雖能役使鬼神
而終同物化城南里餘有神廟世謂之張明府祠
水旱之不節則禱之廟前有石碑文字紊碎不可
復尋碑側有小石函按信陽先賢畫讚臨武張熹
字季智為平與令時天下大旱熹禱雩未獲應熹
乃積柴自焚主簿崇小史張化從熹焚焉俟火既
燎天靈感應即澍雨此熹自焚處也潏水又東南
左迤為葛陂陂方數十里水物舍靈多所苞育昔
費長房投杖於陂而龍變所在也又効東海君於

自退舊本
作自遠

石碑舊本
作圭碑

信陽舊本
作桂陽

未獲下宋
本有嘉祥

小史宋本
作小吏

侯舊本作
矣宋本無
矣字

雨者曰東海神君
前來淫葛陂夫人
吾係之故久旱今
當赦之令其行雨
即使大雨

三十二卷注云楚
人謂家為琴六安
縣都陂中有大家
民傳曰公琴即皋
陶家也

鄭語史伯語鄭桓
公曰當成周者南
有荆蠻中呂應鄧
陳蔡隨唐

是陂矣。陂水東出為鰲水，俗謂之三丈陂，亦曰三
嚴水。水逕銅陽縣故城南，應劭曰：縣在鰲水之陽。
漢明帝永平中，封衛尉陰與子慶為侯國也。縣有
葛陵城，建武十五年更名，封經侯姚丹為侯國。城
之東北有楚武王家，民謂之楚王瑟城。城北祝社
里，下土中得銅鼎，銘曰：楚武王是知，武王塚也。鰲
陂東注為富水，水積之處謂之陂塘。津渠交絡，枝
布川隰矣。澠水自葛陂東南逕新蔡縣故城東，而
東南流注于汝水。又東南逕下桑里，左迤為橫塘。
陂又東為北清陂者也。汝水又東南逕壺丘城北。

經侯宋本
作經侯
瑟城當作
琴城

故陳也。春秋左傳：文公九年，楚侵陳，剋壺丘，以其
服于晉是也。汝水又東與溝陂合，水上承慎水於
慎陽縣之上。慎陂，右溝北注馬城陂。陂西有黃丘
亭，陂水於東逕新息亭北，又東為網陂。陂水又東
逕新息縣，結為墻陂。陂水又東逕遂鄉南，東而為
壁陂。又東為青陂。陂東對大呂亭。春秋外傳曰：當
成周時，南有荆蠻，中呂姜姓矣。蔡平侯始封也。西
南有小呂亭，故此稱大也。側陂南有青陂廟，廟前
有阪。漢靈帝建寧三年，新蔡長河南緱氏李言上
請修復青陂。司徒臣訓尚書臣龔奏可。洛陽宮於

網陂一作
網陂

青陂東塘南樹碑碑稱青陂在縣坤地源起桐柏
 淮川別流入于潺湲逕新息墻坡衍入褒信界灌
 漑五百餘頃陂水又東分為二水一水南入淮一
 水東南逕白亭北又東逕吳城南史記楚惠王二
 年子西召太子建之子勝於吳勝入居之故曰吳
 城也又東北屈逕壺丘東而北流注于汝水世謂
 之薄谿水汝水又東逕褒信縣故城北而東注矣
 又東至原鹿縣具如古書汝水之西有黃立
 汝水又東南逕縣故城西杜預所釋地曰汝陰有
 原鹿縣也汝水之東有壺丘以其

牆坡宋本
作牆阪

南入于淮

所謂汝口側水有汝口戍淮汝之交會也

水經第二十一

水經第二十二

漢 桑 欽撰

後魏 酈道元注

明 吳 瑄校

潁水 合 洧水 淇水 淄水 渠水

潁水出潁川陽城縣西北少室山

秦始皇十七年滅韓以其地為潁川郡蓋因水以著稱者也漢高帝二年以為韓國王莽之左隊也

山海經曰潁水出少室山地理志曰出陽城縣陽乾山今潁水有三源奇發右水出陽乾山之潁谷

呂覽作潁水莊子作
桐水司馬注本作洞
水云桐水在潁陽按
潁洞古字通用故禮
穎衣一作穎是其例
也桐洞二字皆誤耳

春秋潁考叔為其封人其水東北流中水導源少
室通阜東南流逕負黍亭東春秋定公六年鄭伐
馮滑負黍者也馮敬通顯志賦曰求善卷之所在
遇許由于負黍京相璠曰負黍在潁川陽城縣西
南二十七里世謂之黃城也亦或謂是水為灑水
東與右水合左水出少室南谿東合潁水故作者
乃舉二三言水所發也呂氏春秋曰卞隨耻受湯
讓自投此水而死張顯逸民傳嵇叔夜高士傳並
言投洞水而死未知其孰是也

又東南過其縣南

乃舉宋本
作于舉

潁水又東五渡水注之其水導源崇高縣東北太
室東谿縣漢武帝置以奉太室山俗謂之崧陽城
及春夏雨泛水自山頂而迭相灌澍粵流相承為
二十八浦也湯旱輟津而石潭不耗道路遊憇者
唯得食飲而已無敢澡盥其中苟不如法必數日
不豫是以行者憚之山下大澤周數里而清深肅
潔水中有立石高十餘丈廣二十許步上甚平整
緇素之士多泛舟昇陟取暢山情其水東流南陽
城西石溜縈委溯者五涉故亦謂之五渡水東南
流入潁水潁水逕其縣故城南昔舜禪禹禹避商

崇高一作
嵩高

均伯益避啓並於此也亦周公以土圭測日景處
漢成帝永始元年封趙臨爲侯國也縣南對箕山
山上有許由冢堯所封也故太史公曰余登箕山
之上有許由墓焉山下有牽牛墟側潁水有犢泉
是巢父還牛處也石上犢跡存焉又有許由廟碑
闕尚存是漢潁川太守朱寵所立潁水逕其北東
與龍淵水合其水導源龍淵東南流逕陽城北又
東南入于潁潁水又東平洛谿水注之水發玉女
臺下平洛澗世謂之平洛水呂忱所謂勺水出陽
城山蓋斯水也又東南流注于潁潁水又東出陽

巢父一作樊父

城關歷亭康城東南魏明帝封尚書右僕射衛臻爲康
鄉侯此卽臻封邑也
又東南過陽翟縣北

潁水東南流逕陽關聚聚夾水相對俗謂之東西
二土城也潁水又逕上棘城西又屈逕其城南春
秋左傳襄公十八年楚師伐鄭城上棘以涉潁者
也縣西有故堰堰石崩禡頽基尚存舊遏潁水枝
流所出也其故瀆東南逕三封山北今無水渠中
又有泉流出焉時人謂之嶠水東逕三封山東東
南歷大陵西連山亦曰啓筮亭享神於大陵之上

即鈞臺也春秋左傳曰夏啓有鈞臺之饗是也杜預曰河南陽翟縣南有鈞臺其水又東南流水積為陂陂方十里俗謂之臺陂蓋陂指鈞臺取名也又西南流逕夏亭城西又屈而東南為郊之靡陂靡陂疑作陽翟下本無縣字潁水自竭東逕陽翟縣故城北夏禹始封於此為夏國故武王至周曰吾其有夏之居乎遂營洛邑徐廣曰河南陽城陽翟則夏地也春秋經書秋鄭伯突入于櫟左傳曰桓公十五年突殺檀伯而居之服虔曰檀伯鄭守櫟大夫櫟鄭之大都宋忠曰今陽翟也周末韓景侯自新鄭徙都之王隱曰翟

靡陂疑作陽翟下本無縣字

本櫟也故潁川郡治也城西有郭奉孝碑側水有九山祠碑叢柏猶茂北枕川流也

側水一作水側

又東南過潁陽縣西又東南過潁陰縣西南

應劭曰縣在潁水之陽故邑氏之按東觀漢記漢封車騎將軍馮防為侯國防城門校尉位在九鄉

上絕席潁水又南逕潁鄉城西潁陰縣故城在東北舊許昌輿農都尉治也後改為縣魏明帝封侍

中辛毘為侯國也潁水又東南逕柏祠曲東歷置臺臨水方百步袁術所築也汝水別溝又東逕西

門城即南利也漢書宣帝封廣陵王厲子劉昌為

昌下一本有寶字作寶

後漢書馬援次子馬防貴寵最盛與九卿絕席封潁陽侯

東歷置下當依宋本以本卷第九頁後十行蓋至北陂至會淮也一百二十三字移在於此按漢書王子侯表云宣帝本始元年七月

封廣陵厲王子昌為南利侯

侯也縣北三十里有孰城號曰北利故瀆出於二利之間關女陽之縣世名之歿汝縣取水名故汝陽也又東逕南頓縣故城又東南逕銅陽城北又東逕邱鄉城北又東逕固始縣故城北地理志縣故寢也寢丘在南故藉丘名縣矣王莽更名之曰治孫叔敖以土浸薄取而為封故能綿嗣城北猶有叔敖碑建武二年司空李通又慕叔敖受邑故又光武以嘉之更名固始別汝又東逕蔡岡北岡上有平陽侯相蔡昭冢昭字叔明周后稷之冑冢有石闕闕前有二碑碑字淪碎不可復識羊虎傾低

侯也疑作侯國

故城下疑有脫字

殆存而已枝汝又東北流逕胡城南而東歷汝陰縣故城西北東入潁水潁水又東逕汝陰縣故城北史記高祖功臣侯者年表曰高祖六年封夏侯嬰為侯國王莽更名之曰汝濱也縣在汝水之陰故以汝水納稱城西有一城故陶丘鄉也汝陰郡汝城外東北隅有舊臺翼城若丘俗謂之女郎臺雖經頽毀猶自廣崇上有一井疑故陶丘鄉所未詳

鄉也一本作縣也

此下當以本卷第十頁前七行經文接之又東南至慎縣云云當接在本卷第十頁前六行注文之後

又東南至慎縣東南入于淮潁水東南流左合上吳百尺二水俱承次塘細陂

水經

卷之二十二

五

南流注于潁潁水又東南江陂水注之水受大崇
 又丘城南故汾丘城也春秋左傳襄公十八年楚子
 庚治兵於汾司馬彪曰襄城縣有汾丘杜預曰在
 襄城縣之東北也逕繁昌故縣北曲蠡之繁陽亭
 也魏書國志曰文帝以漢獻帝延康元年行至曲
 蠡登禪于是地改元黃初其年以潁陰之繁陽亭
 為繁昌縣城內有三臺時人謂之繁昌臺壇前有
 二碑昔魏文帝禪於此自壇而降曰舜禹之事吾
 知之矣故其石銘曰遂於繁昌築靈臺也於後其
 碑六字生金論者以為司馬金行故曹氏六世遷

大崇舊本作大崇

魏而事晉也潁水又東南流逕青陵亭城北北對
 青陵陂陂縱廣二十里潁水逕其北枝入為陂陂
 西則澗水注之水出褒城縣之邑城下東流注于
 陂陂水又東入臨潁縣之狼陂潁水又東南流而
 歷臨潁縣也曰華亭潁水出東言西也
 又東南過臨潁縣南又東南汝南潁強縣北洧水從
 河南密縣東流注之

臨潁舊縣也潁水自縣西小潁水出爾雅曰潁別
 為沙郭景純曰皆大水溢出別為小水之名也亦
 猶江別為沱也潁水又東南逕澤城北即古城臯

亭矣春秋經書云冬諸侯盟于臯鼬者也臯澤字相侶名與字垂耳潁水又東逕潁陽城南竹書紀年曰孫何取潁陽潁強城在東北潁水不得逕其河北也潁水又東南潁水入焉非洧水也

又東過西華縣北南又東南大南潁縣北王莽更名之曰華望縣也有東故言西也世祖光武皇帝建武中封鄧晨為侯國漢濟北戴封字平仲為西華令遇天旱慨治功無感乃積柴坐其上以自焚火起而大雨暴至遠近歎伏永元十三年徵太常也縣北有習陽城潁水經其南也經所謂

洧水流注之也

又南過汝陽縣北

縣故城南有汝水枝流故縣得厥稱矣闕駟曰本汝水別流其後枯竭號曰死汝水故其字無水余按汝女乃方俗之音故字隨讀改未必一如闕氏之說以窮通損字也潁水又東大潁水注之又東又南逕博陽縣城東城在南頓縣北四十里漢宣帝封邴吉為侯國王莽更名樂嘉

又東南過南頓縣北潁水從西來流注之潁水於樂嘉縣入潁不至于頓頓故頓子國也周

之同姓春秋僖公二十五年楚伐陳納頓子于頓
是也俗謂之潁陰城非也潁水又東南逕陳縣南
又東南左會交口者也

又東南至新陽縣北蕩蕩渠水從西北來注之

經云蕩蕩渠者百尺溝之別名也南合交口新溝
自是東出潁上有堰謂之新陽堰俗謂之山陽堰
非也新溝自潁北東出縣在水北故應劭曰縣在
新水之陽今縣故城在東明潁水不出其北蓋經
誤耳潁水自東堰南流逕項縣故城北春秋僖公
十七年魯滅項是矣潁水又東右合谷水水上承

于寶晉紀凌到項見
賈逵祠呼曰賈梁道
王凌固忠於魏之社
稷者唯汝有神知之
其年八月宣王有疾
夢凌達為癘遂薨

平鄉諸陂東北逕南頓縣故城南側城東注春秋
左傳所謂頓迫于陳而奔楚自頓徙南故曰南頓
也今其城在頓南三十餘里又東逕項城中楚襄
王所郭以為別都都內西南小城項縣故城也舊
潁州治谷水逕小城北又東逕刺史賈逵祠北王
隱言祠在城北非也廟在小城東昔王凌為宣王
司馬懿所執屈廟而嘆曰賈良道王凌魏之忠臣
唯汝有靈知之遂仰鳩而歿廟前有碑碑石金生
于寶曰黃金可采為晉中興之瑞谷水又東流出
城東注潁潁水東側潁有公路城袁術所築也故

世因以術字名城矣。潁水又東逕監潁城北。城臨水，闕南面。又東逕雲陽二城間。南北翼水，並非所具。又東逕丘頭，丘頭南枕水。魏書郡國志曰：宣王軍次丘頭，王凌面縛水次，故號武丘矣。潁水又東南流於故城北，細水注之。水上承陽都陵陂水，枝分東南出為細水，東逕新陽縣故城北，又東南逕宋公縣故城北。縣鄴丘者也。秦伐魏，取鄴丘，謂是邑矣。漢成帝綏和元年，詔封殷後於沛，以存三統。平帝元始四年，改曰宋公國。王莽之新延矣。細水又此故號，新鄴為宋公國也。王莽之新延矣。細水又

枕水一本無南字

於故上本無流字

南逕細陽縣，新溝注之。新溝首受交口，東北逕新陽縣故城南。漢高帝六年，封呂清為侯國。王莽更名曰新明也。故應劭曰：縣在新水之陽，今無水，故渠舊道而已。東入澤渚而散，流入細細水，又東南逕細陽故城南。王莽更之曰樂慶也。世祖建武中，岑彭子遵為侯國，細水之東南積而為陂，謂之次塘。公私列裂以供田，溉又東南流，屈而西南入潁。地理志曰：細水出細陽縣東南，入潁。潁水又東南流，逕胡城故東，胡子國也。春秋定公十五年，楚滅胡，以胡子豹歸是也。杜預釋地曰：汝陰縣西地有

細水之宋本作細水又列裂宋本作裂

東逕公路下據宋本
當以本卷第四頁前
九行臺臨水至所未
詳三百六十二字移

在於此
臺北陂起至會淮也
止當移在本卷第四
頁前八行之後

此下當以本卷第五
頁前九行經文接之
洧水出河南云云當
接在本卷第五頁前
八行注文之後

胡城也。潁水又東南汝水枝津之水上承汝水別
瀆於奇頌城東三十里世謂之大瀝水也。東南逕
召陵縣故城南。春秋左傳僖公四年齊桓公師于
召陵責楚貢不入。即此處也。城內有大井徑數丈
水至清深闕駟曰召者高也。其地丘墟井深數丈
故以名焉。又東南逕征羌縣故邵陵縣之安陵鄉
安陵亭也。世祖建武十一年以封中郎將來歙歙
以征定西羌功故更名征羌也。闕駟引戰國策以
為秦昭王欲易地謂此也。汝水別瀆又東逕公路
臺北陂。陂水南流積為江陂。南逕慎城西側城南

流入于潁。潁水又逕慎縣故城南。縣故楚邑。白公
所居以拒吳。春秋左傳哀公十六年吳人伐慎。白
公敗之王莽之慎治也。世祖建武中封劉賜為侯
國。潁水又東南逕蜩螭郭東。俗謂之鄭城矣。又東
南入于淮。春秋昭公十二年楚子狩于州來次于
潁尾。蓋潁水之會淮也。

洧水出河南密縣西南馬領山。水出上下亦言出潁川陽城山。山在陽城縣之東
北。蓋馬領之統目焉。清水東南流逕一故臺。南俗
謂之陽子臺。又東逕馬領塢。北在山上塢下泉流

北注亦謂洧別源也而入于洧水洧水東注綏水
會焉水出方山綏谿卽山海經所謂浮戲之山也
東南流逕漢弘農太守張伯雅墓塋四周壘石爲
垣隅阿相降列於綏水之陰庚門表二石闕夾對
石獸於闕下冢前有石廟列植三碑碑云德字伯
雅河內密人也碑側樹兩石人有數石柱及諸石
數矣舊引綏水南入瑩城而爲池沼沼在丑地皆
蟾螭吐水石隍承溜池之南又建石樓石廟前又
翼列諸獸但物謝時淪凋毀殆盡矣富而非義比
之浮雲况復此乎王孫士安斯爲達矣綏水又東

石獸下二本無矣字

南流逕上郭亭南東南注洧洧水又東襄荷水注
之水出北山子節谿亦謂之子節水東南流于洧
洧水又東會瀝滴水出深谿之側泉流丈餘懸
水散注故世士以瀝滴稱南流入洧水也

又東南過其縣南

洧水又東流南與承雲二水合俱出承雲山二源
雙導東南流注于洧世謂之東西承雲水洧水又
東微水注之水出微山東北流入于洧洧水又東
逕密縣故城南春秋謂之新城左傳僖公六年會
諸侯伐鄭圍新密以鄭不恃城也今縣城東門南

側有漢密令卓茂祠茂字子康南陽苑人溫仁寬雅恭而有禮人有認其馬者茂與之曰若非公馬幸至丞相府歸我遂挽車而去後馬主得馬謝而還之任漢黃門郎遷密令舉善而徵口無惡言教化大行道不拾遺蝗不入境百姓爲之立祠享祀不輟矣洧水又左會瓌泉水水出王亭西北流注于洧水水又東南與馬關水合水出王亭下東北流歷馬關謂之馬關水又東北注于洧洧水又東合武定水水出北武定岡西南流又屈而東南流逕零鳥塢西側塢東南流塢側有水懸流赴壑一

匹有餘直注澗下淪積成淵嬉遊者矚望奇爲佳觀俗人覩此水挂于塢側遂目之爲零鳥水東南流入于洧洧水又東與虎牘山水合水發南山虎牘谿東北流入洧洧水又東南赤澗水注之水出武定岡東南流逕皇臺岡下又歷岡東東南流注于洧洧水又東南流澗水注之洧水又東南逕鄆城南世本曰陸終娶于鬼方氏之妹謂之女漬是生六子孕三年啓其左脅三人出焉破其右脅三人出焉其四曰求言是爲之鄆鄆人者鄭是也鄭桓公問於史伯曰王室多難子安逃死乎史伯曰

世本云陸終娶鬼方氏之妹謂之女漬生子六人

女漬大戴禮帝繫篇作女階宋本作女漬

號鄆公之民遷之可也鄭氏東遷號鄆獻十邑焉
劉禛云鄆在豫州外方之北北鄰於鄆號熒之南
左濟右洛居陽鄭兩水之間食溱洧焉徐廣曰鄆
在密縣妘姓矣不得在外方之北也洧水又東逕
陰坂北水有梁焉俗謂是濟為參辰也左傳襄公
九年晉伐鄭濟于陰坂次于陰口而還是也杜預
曰陰坂洧津也服虔曰登南曰陰口者水口也參
陰聲相近蓋傳呼之謬耳入晉居商參之分實沈
之士鄭虔辰火之野闕伯之地軍師所次故濟得
其名也

又東過鄭縣南鄆水從西北來注之

當采藥於山野

鄆宋本作
潛即鄭詩
溱字

洧水又東逕新鄭故城中左傳襄公元年晉韓厥
荀偃帥諸侯伐鄭入其郛敗其徒兵於洧上是也
竹書紀年晉文侯二年同惠王子多父伐鄆克之
乃居鄭父之丘名之曰鄭是曰桓公皇甫士安帝
王世紀云或言縣故有熊氏之墟黃帝之所都也
鄭氏徙居之故曰新鄭矣城內有貴祠名曰章乘
是也洧水又東為洧淵水春秋傳曰龍鬪于時門
之外洧淵則此潭也今洧水自鄭城西北入而東
南流逕鄭城南城之南門內舊外蛇與內蛇鬪內

王子多本
無惠字

貴祠一作
遺祠

鄭語史伯謂鄭桓公曰鄆蔽補丹依緊歷莘君之土也
靈異志崧中散嘗西南志洛數十里有亭名華陽投宿一更中

操琴聞空中稱善中散呼與相見乃出見形以手持其頭共論音聲因授以廣陵散

蛇死六年大夫傅瑕殺鄭子入厲公自是徵也水南有鄭莊公望母臺莊姜惡公寤生與段京居段不弟姜氏無訓莊公居夫人故城頽誓曰不及黃泉無相見也故城臺以望母用伸在心之思感考叔之言忻大隧之賦洩洩之慈有嘉融融之孝得常矣洧水又東與黃水合經所謂澮水非也黃水出太山南黃泉東南流逕華城西史伯謂鄭桓公曰華君之土也韋昭曰華國名矣史記秦昭王三十三年白起攻魏拔華陽走芒卯斬首十五萬司馬彪曰華陽亭名在密縣嵇叔夜常采藥於山澤

城臺疑作成臺

華字疑誤

學琴於古人即此亭也黃水東南流又與上水合水出兩塘中一源兩分泉流派別東為七虎澗水西流即是水也其水西南流注于黃水黃即春秋之所謂黃崖也故杜預云死陵縣西有黃水者也又東南流水側有二臺也謂之積粟臺臺東即二水之會也捕章山水注之水出東捕章山西流注于黃水黃水又南至鄭城北東轉於城之東北與黃溝合水出捕章山東南流至鄭城東北入黃水黃水又東南逕龍淵泉東南七里溝水注之水出隙候亭東南平地東注又屈而南流逕升城東又

其南歷燭城西即鄭大夫燭之武邑也又南流注于浦水也浦水南受諸山泉東南十里斷水或云木出又東南過長社縣北山東南流至滎水東北入黃水洧水東南流南濮北濮二水入焉洧水又東南與龍淵水合水出長社縣西北有故溝上承洧水水盛則通注龍淵水減則律渠輟流其瀆中滋泉南注東轉為淵淥水平潭清潔澄深俯視游魚類若乘空矣所謂淵無潛鱗也又東逕長社縣故城北鄭之長葛邑也春秋隱公五年宋人伐鄭圍長葛是也後社樹暴長故曰長社魏潁川郡治也余以

水減宋本作水減

景明中出宰茲郡於南城西側修立客館版築既興於土下得一樹根甚壯大疑是故社怪長暴茂者也稽之故說縣無龍淵水名蓋出近世矣京相璠春秋土地名曰長社北界有稟水但是水導於隍壑之中非北界之所謂又按京社地名並云長社縣北有長葛鄉斯乃縣徙于南矣然則是水即稟水也其水又東南逕棘城北左傳所謂楚子伐鄭救齊次于棘澤者也稟水又東左注洧水洧水又東南分為二水也其枝水東北流注沙一水東逕許昌縣故許南國也姜姓四岳之後矣穆天子

按史記年表朱漢封
鄆陵侯

傳所謂天子見許男于洧上者也漢章帝建初四年更封馬光為侯國春秋助期曰漢以許昌失天下及魏承漢曆遂改名許昌也城內有景福殿基魏明帝太和中造准價八百餘萬洧水又東入汶倉城內俗以是水為汶水故有汶倉之名非也蓋洧水之邸閣耳洧水又東逕隱陵縣故城南李竒曰六國為安陵也昔秦求易地唐且受使於此漢高帝十二年封都尉諸濞為侯國王莽更名左亭洧水又東隱陵陂水注之水出隱陵南陂東西南流注于洧水也

又東南過新汲縣東北

洧水自隱陵東逕桐丘南俗謂之天井陵又曰岡

非也洧水又屈而南流流水上有梁謂之桐門橋

又藉桐丘以取稱亦言取桐門亭而目焉然不知亭

之所在未之詳也洧水又東南逕桐丘城春秋左

傳莊公二十八年楚伐鄭鄭人將奔桐丘即此城

也杜預春秋釋地曰潁川許昌城東北京相璠曰

鄭地也今圖無而城見存西南去許昌故城可三

十五里俗名之曰隄其城南即長隄因洧水之北

防也西面桐丘其城邪長而不方蓋憑丘之稱即

一本無鄭地也三字

城之名矣。洧水又東逕新汲縣故城北。漢宣帝神
雀二年置於許之汲鄉。曲洧城以河內有汲縣故
加新也。漢宣帝建初四年封執金吾馬光爲侯國。
城在洧水南隄上。又東洧水右迤爲濩陂。洧水又
逕匡城南扶溝之匡亭也。又東洧水左迤爲鴨子
陂也。謂之大穴口也。水又東南逕尉立城。亦稱五
又東南過茅城邑之東北。水又東南逕尉立城。亦稱五
洧水自穴口東南逕洧陽城西南。逕茅城東北。又
南左合庾溝。溝水上承洧水於大穴口東北。枝分
東逕洧陽故城南。俗謂之復陽城。非也。蓋洧復字

類音讀變。漢建安中封司空祭酒郭奉孝爲侯國。
其水又東南爲鴨子陂。陂廣一十五里餘。波南入
甲庾溝。西注又東北瀉沙。洧水又南逕一故城西。
世謂之思鄉城。西去洧十五里。洧水又右合濩陂。
水上承洧水。新汲縣南逕新汲故城東。又南積而
爲陂。陂之西北卽長舍城。陂水東翼洧隄。西面茅
邑。自城北門列築昆道。迄於此岡。世尚謂之茅岡。
卽經所謂茅邑地也。陂水北出東入洧津。西納北
異流。水又東南逕尉立城。亦稱五
又東過習陽城西。折入于潁。水又東南逕尉立城。亦稱五

又洧水又東南逕辰亭東俗謂之田城非也蓋田辰
聲相近城亭音韻聯故也經書魯宣公十一年楚
子陳侯鄭伯盟于辰陵也京相璠曰潁川長平有
故辰亭杜預曰長平縣東南有辰亭今此城在長
平城西北長平城在東南或杜氏之謬傳書之誤
耳長平東南淋陂北畔有一阜東西減里南北五
十許步俗謂之新亭臺又疑是杜氏所謂辰亭而
未之詳也洧水又南逕長平縣故城西王莽之長
正也洧水又南分爲二水枝水東出謂之五梁溝
逕習陽城北又東逕赭丘南丘上有故城郡國志

曰長平故屬汝南縣有赭丘城卽此城也又東逕
長平城南東注滂陂洧水南出謂之雞籠水故水
會有籠口之名矣河水又東逕習陽城西西南折
入潁地理志曰洧水東南至長平縣入潁者也

潁水出河南密縣大騮山

大騮卽具茨山也黃帝登具茨之山升于洪堤上
受神芝圖于黃蓋童子卽是山也谿水出其阿而
流爲陂俗謂之玉女池東逕陘山北史記魏襄王
六年敗楚于陘山者也山上有鄭祭仲冢冢西有
子產墓累石爲方墳墳東有廟並東北向鄭城杜

谿水疑作
潁水

元凱言不忘本際廟舊有一枯柏樹其塵根故株
之上多生雉柏列秀青青望之奇可嘉矣澗水又
東南逕長社城林城西北南澗北澗二水出焉劉
澄之著水初記云水經澗水源出大騮山東北流
注泗衛靈聞音於水上殊為乖矣余按水經為澗
水不為澗也是水首受澗水川渠雙引俱東注有
洧與之過沙枝流脉亂牙得通稱是以春秋昭公
九年遷城父人於陳以夷澗西田益之京相璠云
以夷之澗西田益也杜預亦言以夷田在澗水西
者與城父人服虔曰澗水名也且字類音同津澗

林城當作故城

邈別不得為北澗上源師氏傳音於其上矣澗水
又南逕鍾亭西又南逕皇帝^臺又東南逕關亭西又
東南逕宛亭西鄭大夫宛射犬之故邑也澗水又
南分二水一水南出逕胡城東故潁陰縣之狐人
亭也其水南結為陂謂之胡城陂澗水自枝渠東
逕曲強東皇陂水注之水出西北皇臺七女岡北
皇陂即古長社縣之濁澤也史記魏惠王元年韓
懿侯與趙成侯合軍伐魏戰于濁澤是也其陂水
北對雞鳴城即是社縣之濁城也陂水又南流逕
胡泉城北故潁陰縣之狐宗鄉也又東合狐城陂

又南流舊本作東南流

水水上承陂水而東南流注于黃水謂之合作口而東逕曲強城北東流入潁水時人謂之勅水非也勅潁音相類故字從聲變耳渭水又東逕武亭間兩城相對疑是古之岑門史遷所謂走犀首于岑門者也徐廣曰潁陰有岑亭未知是否潁水又南逕射犬城東即鄭公孫射犬城也蓋俗謬耳潁水又南逕潁陰縣故西魏明帝封司空陳羣為侯國俱水城西又東逕許昌城南又東南與宣帝陂水合陂上承狼陂於潁陰城西南陂南北二十里東西十里春秋左傳曰楚子伐鄭師于狼是也其

宣帝當作宣梁

水東南入許昌縣逕臣陵城北鄭地也春秋左氏

臣陵一作巨陵下同

傳莊公十四年鄭厲公獲傅瑕于大陵京相璠曰潁川臨潁縣東北二十五里有故臣陵亭古大陵也其水又東積而為陂謂之宣梁陂也陂水又東南入潁水潁水又西南流逕陶城西又東南逕陶陂東

東南入于潁潴水出鄭縣西北平地

鄆水出鄆城北西雞絡塢下東南流逕賈復城西

雞絡東本御覽作雞洛

東南流左右澁水水出賈復城東南流注于潴潴水又南左會承雲山水水出西北承雲山東南歷

鄭語主莽駝而食溱
洧韋昭云莽駝山名
在密縣

渾于江東注世謂岡峽為五鳴口東南流注于漕
漕水又東南流歷下田川逕鄆城西謂之為柳泉
水也故史伯荅相公曰君以成周之眾奉辭伐罪
若剋虢鄆君之土也如前莘後河左洛右濟主不
驪而食漕洧循典刑以守之可以少固即謂此矣
漕水又南懸流奔壑崩注丈餘其下積水成潭廣
四十許步淵深難測又南注于洧詩所謂溱與洧
者也世所謂之為鄆水也
東過其縣北又東南過其縣東又南入于洧水
自鄆漕東南更無別瀆不得逕新鄭而會洧也鄭

城東入洧者黃堦水也蓋經誤證耳

渠出滎陽北河東南過中牟縣之北

風俗通曰渠者水所居也渠水自河與沛亂流東

滎澤北東南分沛歷中牟縣之圃田澤北與陽武

分水澤多麻黃草故述征記曰踐縣境便覩斯卉

窮則知踰界今雖不能然諒亦非謬詩所謂東有

圃艸也皇武子曰鄭之有原圃猶秦之有具圃澤

在中牟縣西西限長城東極官渡北佩渠水東西

四十許里南北二百許里中有沙岡上下二十四

浦津津流逕通淵潭相接各有名焉有大斬小斬

御覽引此
注斬作漸

大灰小灰義魯練秋大白楊小白楊散味禹中牟
園大鵠龍澤鬯罷大哀小哀大長小長大縮小縮
伯丘大蓋牛眠等浦水盛則北注渠溢則南播故
竹書紀年梁惠成王十年入河水于甫田又為大
溝而引甫水者也又有一瀆自酸棗受河道自漢
瀆歷酸棗逕陽武縣南出世謂之十字溝而屬於
渠或謂是瀆為渠惠之年所開而不能詳也斯浦
乃水澤之所鍾為鄭隰之淵藪矣渠又右合玉池
溝上承澤水中流渠謂之五池口魏嘉平二年司
馬懿帥中軍討太尉王凌於壽春自彼而還帝使

馬作焉
年作羊
大鵠下有
小鵠
鬯罷作密
羅

侍中韋誕勞軍于五池者也今其地為五池鄉矣
渠又東不家溝水注之出京縣東南梅山北谿春
秋襄公十八年薦子馮公子格率銳師侵費右廻
梅山杜預曰在密東北即是山也其水自谿東北
流逕管城西故管國也周武以封管叔矣成王幼
弱周公攝政管叔流言曰公將不利於孺子公賦
鴟鶚以伐之即東山之詩是也左傳宣公十二年
晉師救鄭楚次管以待之杜預曰京縣東北有管
城者是也俗又謂之為管水東北分為二水一水
東北流注黃雀溝謂之黃淵淵周一百步其一水

不家宋本
作十家

東越長城東北流水積為淵南北二里東西百步
謂之百尺水北人圃田澤分為二水一水東北逕
東武強城北漢書曹參傳斬擊羽嬰於昆陽追至
業還攻武強因至滎陽薛瓚云按武強城左陽武
縣即斯城也漢高帝六年封騎將莊不識為侯國
又東北流左注于渠為不家水口也一水東流又
屈而南轉東南注白溝也渠又東清池水注之清
池水出清陽亭西南平地東北流逕清陽亭南東
流即故清人城也詩所謂清人在彭彭為高剋邑
也故杜預春秋釋地云中牟縣西有清陽亭是也

新擊漢書作稱擊至業漢書作至業

不家宋本作士家

清水又屈而北流至清口澤七虎澗水注之水出
畢城南岡一源兩派津川趣別西入黃崖溝東為
七虎谿亦謂之為華水也又東北流紫光溝水注
之水出華陽城東北而東流俗名曰紫光澗又東
北注華水華水又東逕棐城北即北林亭也春秋
文公與鄭伯宴于棐林子家賦鴻鴈者也春秋宣
公元年諸侯會于棐林以伐鄭楚救鄭遇于伯林
服虔曰北林鄭南地也京相璠曰今滎陽苑陵縣
有故林鄉在新鄭北故曰伯林也余按林鄉故城
在新鄭北東如北七十許里苑故城東南五十許

東南上疑脫存字

里不得在新鄭北也考京服之說並為疎矣杜預云滎陽中牟縣西南有林亭在鄭北今是亭南去新鄭故城四十許里蓋以南有林鄉亭故杜預據是為北林最為密矣又以林鄉為棊亦或疑焉諸侯會棊楚遇于此寧得知不在是而更指他處也積古之傳事或不謬矣又東北逕鹿臺南岡北出為七虎澗東流期水注之水出期城西南平地世號龍淵水東北流又北逕期地城西又北與七虎澗合謂之虎谿水亂流不注逕期城北東會清口水司馬彪郡國志曰中牟有清口水即是水也清水

水南出合
太山宋木
作南水屈
合太水

又東北白溝水注之水有二源北水出密之梅山東南而東逕靖城南與南水合水南出合太山西北流至靖城南左注北水即承水也山海經曰承水出太山之陰東北流注于没水者也世所謂之靖澗水也又東北流太水注之水出太山東平地山海經曰太水出于太山之陽而東南流注于没水世謂之澧水也東北逕武陵城西東北流注于承水又東北入黃羗澗北逕中陽城西城內有舊臺甚秀臺側有陂池池水清深澗水又東屈逕其城北竹書紀年梁惠成王十七年鄭釐侯來朝中

澧水舊本
作禮水

陽者也其水東北流爲白溝又北東逕伯禽城北蓋伯禽之魯往逕所由也屈而南流東注于清水卽潘岳都碑所謂自中牟故縣以西西至于清溝指是水也亂流東逕中牟宰魯恭祠南漢和帝時右扶風魯恭字仲康以太尉掾遷中牟令政專德化不任刑罰吏民敬信蝗不入境河南尹袁安疑不實使部掾肥親按行之恭隨親行阡陌坐桑樹下雉止其傍有小兒親曰兒何不擊雉曰將雛親起曰蟲不入境一異化及鳥獸二異豎子懷仁三異久留非優賢請還是年嘉禾生縣庭安美其治

以狀上之徵博士侍中車駕每出恭常陪乘上顧問民政無所隱諱故能遺愛自古祠饗來今矣清溝水又東北逕沈清疑卽博浪亭也服虔曰博浪陽武二水沙名也今有亭所未詳也歷博浪澤昔張良爲韓報仇於秦以金椎擊秦始皇不中中其副車於此又北分於二水枝津東注沒水清水自枝流北注渠謂之清溝口渠又左逕陽武縣故城南東爲官渡水又逕曹太祖壘北有高臺謂之官渡臺渡在中牟故世又謂中牟臺建安五年太祖營官渡袁紹保陽武紹連營稍前依沙堆爲屯東

西數十里公亦分營相禦合戰不利紹進臨官渡
起土山地道以逼壘公亦起高臺以捍之卽中牟
臺也今臺北土山猶在山之東悉紹舊營遺臺並
存水又東逕田豐祠北袁本初慙不納其言害之
時人嘉其誠謀無辜見戮故立祠於是用表袁氏
覆滅之宜矣又東沒水注之水出苑陵縣西隙候
亭東世謂此亭爲却城非也蓋隙卻聲相近耳中
平陂世名之泥泉也卽古役水矣山海經曰役山
役水所出北流注于河疑是水也東北流逕苑陵
縣故城北東流北逕焦城東陽丘亭西也謂之焦

卻疑作却

溝水竹書紀年梁惠成王十六年秦公孫壯武鄭

武當作伐
朱本作率

圍焦城不尅卽此城也俗謂之驛城非也役水自
陽丘亭東流逕山氏城北爲高榆淵竹書紀年梁
惠成王十六年秦公孫壯率師城上枳安陵山氏
者也又東北爲酢溝又東北魯溝水出焉役水又
東北泥溝水出焉又東北爲八丈溝又東清水枝
津注之水自沈城東派注于役水又東逕曹公壘
南東與沫水合山海經云沫水所出北流注于役
今是水出中牟城西南疑卽沫水也東北流逕中
牟縣故城昔趙獻侯自耿都此班固云趙自邯鄲

徙焉趙襄子時佛肸以中牟叛置鼎於庭不與已者烹之田英將褰裳赴鼎處也薛瓚注漢書云中牟在春秋之時之爲鄭之堰也及三卿分晉則在魏之邦土趙自漳北不及此也春秋傳曰衛侯如晉過中牟非衛適晉之次也汲郡古文曰齊師伐趙東鄙圍中牟此中牟不在趙之東也按中牟當在濕水之上矣按春秋齊伐晉夷儀晉車千乘在中牟衛侯過中牟中牟人欲伐之衛褚師固亾在中牟曰衛雖小其君在未可勝也齊師尅城而驕遇之必敗乃敗齊師服虔不列中牟所在杜預曰

田英說苑作田基新序作田卑

今滎陽有中牟迴遠疑爲非也然地理參差土無常域隨其疆弱自相吞并疆理留移寧可一也兵車所指逕紆難知自魏徙大梁趙以中牟易魏故趙之南界極于浮水匪直專張也趙自西取後正中牟齊師伐其東鄙於空無嫌而瓚逕濕水空言中牟所在非論證也漢高帝十一年封單父聖爲侯國沫水又東北注于役水昔魏太祖之背董卓也間行出中牟爲亭長所錄郭長公世語爲縣所拘功曹請釋焉役水又東北逕中牟澤卽鄭太叔攻蘆蒲之盜於是澤也其水東流北屈注渠水征

蘆蒲左傳作蘆符征當作伍

續記所謂自醬魁城到酢溝十里者渠水又東流而左會淵流其水上承聖女陂陂周二百餘步水無耗竭湛然清滿而南流注于渠渠水又東南而注大梁也

又東至浚儀縣

水東南逕西赤城北戴延之所謂西北有大梁亭非也竹書紀年梁惠成王二十八年穰苴率師及鄭孔夜戰于梁赫鄭師敗逋即此城也左則故瀆出焉秦始皇二十年王賁斷故渠引水東南出以灌大梁謂之梁溝又東逕大梁城南本春秋之陽

穰苴今竹書作穰與

武高陽鄉也於戰國為大梁周梁伯之居也梁伯好土功大其城號曰新里民疲而潰秦遂取焉後魏惠王自安邑徙都之故曰梁耳竹書紀年梁惠成王六年四月甲寅徙都于大梁是也秦滅魏以為縣漢文帝封孝王於梁孝王以土地下濕東都睢陽又改曰梁自是置縣以大梁城廣居其東城夷門之東夷門即侯嬴抱關處也續述征記曰以此城為師曠城言郭緣生曾遊此邑踐夷門升吹臺終古之跡緬焉盡在余謂此乃梁氏之臺門魏惠之朝居非吹臺也當是誤證耳西征記論儀封

朝居舊本作即居疑作所居

人即此縣又非也竹書紀年梁惠成王三十一年三月為大溝於此郭以行圃田之水陳留風俗傳曰縣北有浚水像而儀之故曰浚儀余謂故汴涉陰溝矣浚之故曰治其猶春秋之浚洙漢氏之儀水又東北逕中牟縣南又東北逕中牟澤與淵水合水出中牟縣城北城有層臺按郭公世語及于寶晉紀並言中牟縣故魏任城王臺下池中有漢時鐵錐長六尺入地三尺頭西南指不可動止月朔自正以為晉氏中興之瑞而今不知所在或言在中陽城池臺未知焉是淵水自池西出屈逕其

此郭一作北郭

浚洙下本有乎字漢氏之儀水一本作浚儀二字

止一作至

城西而東南流注于汜汜水又東逕大梁亭南又東逕梁臺南東注渠渠水又東南流逕開封縣睢渙二水出焉右則新溝注之其水出逢池池上承役水于苑陵縣別為魯溝水東南流逕開封縣故城北漢高帝十一年封陶舍為侯國也陳留志稱阮蘭字茂弘為開封令縣側有劫賊外白甚急數阮方圍棊長嘯吏云劫急阮曰局上有劫亦甚急其耽樂如是故語林曰王中郎以圍棊為坐隱或亦謂之為手談又謂之為棊聖魯溝南際富城東南入百尺陂即古之逢澤也徐廣史記音義曰秦

阮蘭一作阮簡阮方一作簡方下同

孝公會諸侯于逢澤陂陂汲郡墓竹書紀年作逢澤斯其處也故應德璉西征賦曰鸞衡東指弭節逢澤其水東北流為新溝新溝又東北流逕牛首鄉北謂之牛建城又東北注梁即沙水也音蔡許慎正作沙音言水散石也從水少水沙見矣楚東有沙水謂此水也無佗也皆變名矣其國多池沼時池中出神劍到今其民像而作之號大梁氏之劍也渠又北屈分為二水續述征記曰汴沙到浚儀而分也汴東注沙南流其水更南流逕梁王吹臺東陳畱風俗傳曰縣有蒼頡師曠城上有列仙

注梁一作渠

行一陂字

之吹臺北有牧澤中出蘭蒲土多儻髦衿帶牧澤方一十五里俗謂之蒲關澤即謂此矣梁王增築以為吹臺城隍夷滅畧存故跡今層臺孤立於牧澤之右矣其臺方一百許步即阮嗣宗詠懷詩所謂駕言發魏都南向望吹臺簫管有遺音梁生安在哉晉世喪亂乞活憑居削墮故基遂成二層上基猶方四五十步高一丈餘世謂之乞活臺又謂之婆臺城梁水於此有陰溝鴻溝之稱焉項羽與漢高分王指是水以為東西之別故蘇秦說魏襄王曰太王之地南有鴻溝是也故尉氏縣有波鄉

亭波亭鴻溝鄉鴻溝亭皆藉水以立稱也今蕭縣西亦有鴻溝亭梁國睢陽縣東有鴻溝亭先後談者亦指此以為楚漢之分王非也蓋春秋之所謂紅澤者矣渠右與汜水合其水上承役水于苑陵縣故鄭都也王莽之左亭縣也役水枝津東派為汜水者也而世俗謂之汜溝水也春秋左傳僖公三十年晉侯秦伯圍鄭晉軍函陵秦軍汜南所謂東汜者也

又屈南至扶溝縣北

沙水又東南逕牛首鄉東南魯渠水出焉亦謂之

汜溝舊本作泥溝

扶溝下本無縣字

宋溝也又逕陳畱縣故城南孟康曰留鄭邑也後為陳所并井故曰陳畱矣魯溝又東南逕圍縣故城北縣苦楚難修其干戈以圍其患故曰圍也或曰邊陲之號矣歷萬人散王莽之篡也東郡太守翟義興兵討莽莽遣奮威將軍孫建擊之於圍北義師大敗尸積萬數血流溢道號其處為萬人散百姓哀而祠之又歷魯溝亭又東南至陽夏縣故城西漢高祖六年封陳豨為侯國魯溝又南入渦今無水也沙水又東南逕斗城西左傳襄公三十年子產殯伯有尸其臣葬之於是城也沙水又東南逕

牛首亭東左傳桓公十四年宋人與諸侯伐鄭東
郊取牛首者也俗謂之車牛城矣沙水又東南八
里溝出焉又東南逕陳畱縣裘氏鄉裘氏亭西又
逕澹臺子羽冢東與八里溝合按陳畱風俗傳曰
陳畱縣裘氏鄉有澹臺子羽冢又有子羽祠祈禱
焉京相璠曰今泰山南武城縣有澹臺子羽冢縣
人也未知孰是因其方志所叙就記纏絡焉溝水
上承沙河而西南流逕牛首亭南與百尺陂水合
其水自波南逕開封城東三里岡左屈而西流南
轉注八里溝又南得野兔水口水上承西南兔氏

亭北野兔陂鄭地也春秋傳云鄭伯勞屈生于兔
氏也陂水東北入八里溝八里溝水又南逕右倉
城西又南逕兔氏亭東又南逕邵亭西東入沙水
沙水南逕扶溝縣故城東縣卽潁川之數平鄉也
有扶亭又有洧水溝故縣有扶溝之名焉建武元
年漢光武封平狄將軍朱鮪爲侯國沙水又東與
康溝水合水首受洧水於長社縣東東北逕向岡
西卽鄭之向鄉也後人過其上口水盛則北注
水耗則輟流又有長明溝水注之水出苑陵縣故
城西北縣有二城此則西城也二城以東悉多陂

澤卽古制澤也京相璠曰鄭地杜預曰澤卽滎陽苑陵縣東卽春秋之制田也故城西北平地出泉謂之龍淵泉淵水流逕陵丘亭西又西重泉水注之水出西城北平地泉湧南流逕陵丘亭西西南注龍淵水龍淵水又東南逕凡陽亭西而南入白鴈陂陂在長社東北東西七里南北十里在林鄉之西南司馬彪郡國志曰苑陵有林鄉亭白鴈陂又引瀆南流謂之長明溝東轉北屈又東逕向城北城側向岡左傳襄公十一年諸侯伐鄭師于向者也又東右迤爲染二陂而東注于蔡澤陂長明

染二陂疑作染工陂宋本作染澤

弊獄謂斷獄也見周禮秋官注應劭曰古獄官曰尉氏鄭之別獄也

溝又東逕尉氏縣故城南園稱云尉氏鄭國之東鄙弊獄官名也鄭大夫尉氏之邑故欒盈曰盈將歸歿于尉氏也溝瀆自是三分北分爲康溝東逕平陸縣故城北高后元年封楚元王子禮爲侯國建武元年以戶不滿三千罷爲尉氏縣之陵樹鄉又有陵樹亭漢建安中封尚書荀攸爲陵樹鄉侯故陳留風俗傳曰陸樹鄉故平陸縣也北有天澤名曰長樂廡康溝又東逕城溝縣之白亭北陳留風俗傳曰扶溝縣有帛鄉帛亭名在七鄉十二亭中康溝又東逕少曲亭陳留風俗傳曰尉氏縣有

水經 卷之三十三

前漢地志潁川郡有
偽陵縣後漢郡國志
作陽陵

少世亭俗謂之為小城也又東南逕扶溝縣故城
東而東南注沙水沙水又南會南水其水南流又
分為二水一水南合關亭東又東南流與左水合
其水自枝瀆南逕召陵亭西疑即扶溝之亭也而
東南合右水世以是水與隱陵陂水雙導亦謂之
雙溝又東南入沙水沙水南與蔡澤陂水合水出
隱陵城西北春秋成公十六年晉楚相遇于鄢陵
呂錡射中共王目王召養由基使射殺之亦子反
醉酒自斃處也陂東西五里南北十里陂水東逕
匡城北城在新汲縣之東北即扶溝縣之巨亭也

隱陵當作陽陵
扶溝下一
本無縣字

亭在匡城郭春秋文公元年諸侯朝晉衛成公不
朝使孔達侵鄭伐縣訾及匡即此邑也今陳畱長
垣縣南有匡城即平丘之匡亭也襄邑又有承匡
城然匡居陳衛之間亦往往有異邑矣陂水又東
南至扶洛城北又東南入沙水沙水又南逕小扶
城西而流也城即扶溝縣之平周亭東漢順帝永
平中封陳敬王孫子恭為侯國沙水又東南逕大
扶城西城即扶鄉故縣也城北二里有袁梁碑云
其梁陳扶樂人後漢世祖建武十七年更封劉隆為
扶樂侯即此城也渦水於是分焉不得在扶溝北

永平一作
永元

便分爲二水也。也鄧木飲具令謂不野武并對也

也疑作北

其一者東南過陳縣也。脈數短七十步更姓陰劉
沙水又東南逕東華城西又東西沙水枝瀆西南
達洧謂之甲更溝庚今無水沙水又南與廣漕渠合
上承龐官陂云鄧艾所開也雖水流廢興溝瀆尚
夥昔賈逵爲魏豫州刺史通運渠二百里餘亦所
謂賈侯渠也而川渠逕復交錯畛陌無以辨之沙
水又東逕長平縣故城北又東南逕陳城北故陳
國也伏羲神農並都之城東北三十許里猶有羲
神實中舜後媯滿爲周陶正城王賴其器用妻以

羲神當作
羲城
城王當作
武王

元女太姬而封諸陳以備三恪太姬好祭祀故詩
所謂坎其擊鼓死丘之下也死丘在陳城南道東
王隱云漸欲平今不知所在矣楚討陳殺夏徵舒
於栗門以爲夏州後城之東門內有池池水東西
七十步南北八十許步水至清潔而不耗竭不生
魚草水中有故臺處詩所謂東門之池也城內有
漢相王君造四縣邸碑文字剥落不可悉識其畧
曰唯茲陳國故曰淮陽郡云云王清惠著聞爲百
姓畏愛求賢養士千有餘人賜與田宅更舍自損
俸錢助之成邸五官掾西華陳騏等二百五人以

之下下本
無也字

延熹二年云云故其頌曰修德立功四縣內附今碑之左右遺壙尚存基礎猶在時人不復尋其碑證云孔子廟學非也後楚襄王為秦所滅徙都於此文頹曰西楚矣三楚斯其一焉城南郭裏又有一城名曰淮陽城子產所置也漢高帝十一年以為淮陽國王莽更名新平縣曰陵陳故豫州治王隱晉書地道記云城北有故沙名之為歿沙而今水流津通漕運所由矣沙水又東而南屈逕陳城東謂之百尺溝又南分於二水沙水出焉溝水東南流谷水注之水源上承潞陂陂在陳城西北南

內附舊本作回附疑作向附

高帝一作高祖

分於宋本作分為

暨華城皆為陂矣陂水東流謂之谷水東逕潞城北王隱曰犖北有谷水是也犖即檉矣經書公會齊宋于檉者也杜預曰檉檉即犖也在陳縣西北為非檉小城也在陳郡西南谷水又東流逕陳城南又東流入于沙沙水又東南流注于頹謂之交口水次有大堰即古百尺堰也魏書國志曰司馬宣王討太尉王凌大軍至百尺堰即此場也今俗呼之為山陽堰非也蓋新水首受頹於百尺溝王莽名郡為新平故堰兼有新陽之名也以是推之悟故俗謂之非也

非也一作非矣

又東南至汝南新陽縣北

沙水自百尺溝東逕寧平縣之故城南晉陽秋稱
晉太傅東海王越之東奔也石勒追之憤尸於此
數十萬衆斂手受害勒縱騎圍射尸積如山王夷
甫歿焉余謂俊者所以智勝羣情辨者所以文身
祛惑夷甫雖體荷雋令口擅雌黃汗辱君親獲罪
羯勒史官方之舉正諒為褒矣沙水又東積而為
陂謂之陽都明水注之水上沙水之津東出逕汝
南郡之宜祿縣故城北王莽之賞都亭也明水又
東北流注于陂陂水東南流謂之細水又東逕新

舉正一作華正

陽縣北又東高陂水東出焉沙水又東分為二水
即春秋所謂夷濮之水也枝津北逕譙縣故城南
側城入渦沙水東南逕城父縣西南枝津出焉俗
謂之章水也一水東注即注水也俗謂之欠水也
東逕城父縣之故城南東流注之

城南宋本作城西

又東南過山桑縣北

山桑故城在渦水北沙水不得逕其北明矣經言

東南一作東南

過北誤也

又東南過龍亢縣南

沙水故城北又東南逕白鹿城北而東注也

又東南過義城縣西南入于淮淮水北而東出
 又義城縣故屬沛後隸九江沙水東流注于淮謂水
 沙汭京相璠曰楚東地也春秋左傳昭公二十七
 年楚令尹子常以舟師及沙汭而還杜預曰沙水
 又名也沙山桑縣北

東至潁父縣之姑水南東流注之
 隋之章水也一水東至唯水也隋之次水也
 潁水入潁水東南至潁父縣西南注潁水出潁水
 潁水出潁水東南至潁父縣西南注潁水出潁水
 潁水出潁水東南至潁父縣西南注潁水出潁水
 水經第二十三高如木東出潁水又東入潁水

水經第二十三式也潁水與潁水合潁水南流同受潁水

漢桑欽撰

後魏酈道元注

關水亭南又東潁水明吳瑄校

官曰陰溝水又曰汲水又東

陰溝水出河南南陽武縣蒗穡渠音也潁水南流同受潁水

陰溝首受於大河卷縣故瀆東南逕卷縣故城南

又東逕蒙城北史記秦莊襄王元年蒙騫擊取成

臯蒙陽初置三川郡疑即騫所築也於是未詳故

瀆東分為二世謂之陰溝京相璠以為出河之濟

又非所究俱東絕濟隊右溝東西逕陽池城北東
南絕長城逕安亭北又東北會左瀆左瀆又東絕
長城逕垣雍城南昔晉文公戰勝于楚周襄王勞
之於此故春秋書甲午至于衡離作王宮於踐土
呂氏春秋曰尊天子於衡離者也郡國志曰卷縣
有垣離城即史記所記韓獻秦桓公是也又東逕
開光亭南又東逕清陽亭南又東合右瀆又東南
逕封丘縣絕濟瀆東南至大梁合滾蕩渠梁溝既
開滾蕩渠故瀆實兼陰溝浚儀之稱故云出武陽
大逕大梁城北左屈溝與梁合俱東南流同受鴻溝

沙水之也故目其川流之會左瀆東導者即汲水也蓋津
源之變名矣故經云陰溝出滾蕩者也

東南至沛為過水

陰溝始亂滾蕩終別於沙而過水出焉過水受沙
於扶溝縣爾雅曰過為洵郭景純曰大水溢出別為
水也呂忱曰洵過水也過水逕大扶城西城之東
北悉諸袁舊基基碑字傾低羊虎碎折唯司徒滂蜀
郡太守騰博平令光碑字所存唯此自餘殆不可
尋過水又東南逕陽夏縣西又東逕邈城北城實中
而西有瓌郭過水又東逕大棘城南故鄢之大棘

者也一作渠也

受沙下
本有水字

鄉也春秋宣公二年宋華元與鄭公子歸生戰于大棘獲華元左傳曰華元殺羊食士其御羊斟不與及戰曰疇昔之羊子為政今日之事我為政遂御入鄭故見獲焉後其地為楚莊所并故圈稱曰大棘也地有楚太子建之墳及伍員釣臺池沼具存過水又東逕安平縣故城北陳留風俗傳曰大棘鄉故安平縣也士人敦養易以統御過水又東逕鹿邑城北世謂之虎鄉城非也春秋之鳴鹿矣杜預曰陳國武平西南有鹿邑亭是也城南十里有晉中散大夫胡均碑元康八年立過水之北有

為楚下本無莊字

漢溫令許續碑續字嗣公陳國人也舉賢良拜議

郎遷溫令延熹中立過水又東逕武平縣故城城

之西南七里許有漢尚書令虞詡碑碑題云虞君

之碑諱詡字定安康仲後為朝歌令武都太守文

字多缺不復可尋按范曄漢書詡字升卿陳國武

平人祖為縣獄吏治存寬恕嘗曰于公為里門子

為丞相吾雖不及于公子孫不必不為九卿故字

詡曰升卿定安蓋其幼字也魏武王初封於此終

以武平華夏矣過水又東逕廣鄉城北圈稱曰襄

邑有蛇丘亭故鄉矣改曰廣世後漢順帝陽嘉四

尚書下二本無今字

不必不宋本作亦宋

年封侍中摯填爲侯國卽廣鄉也過水又東逕苦
縣西南分爲二水枝流注于東北賴城入谷謂死
過也過水又南東屈逕苦縣故城南郡國志曰春
秋之相也王莽更名之曰賴陵矣城之四門列築
馳道東起賴鄉南自南門越水直指故臺西面南
門列道徑趣廣鄉道西門馳道西屈武平北門馳
道暨于北臺過水又東而北屈至賴鄉谷水注之
谷水首受渙水于襄邑縣東東逕承匡城東春秋
經書夏叔彭生會晉卻缺于承匡左傳曰謀諸侯
之從楚也京相璠曰今陳留襄邑西三十里有故

承匡城谷水又東南逕已吾縣故城西陳留風俗
傳曰縣故宋也雜以陳楚之地故梁國寧陵縣之
徙種龍鄉也以成哀之世戶至八九千冠帶之徒

徒舊本作

後漢書陳王鈞坐殺
人事削西華項新陽
三縣

求置縣矣永元十一年陳王削地以大棘鄉直陽
鄉十二年自隱隸之命以嘉名曰已吾猶有陳楚
之俗焉谷水又東逕柘縣故城東地理志淮陽之
屬縣也城內有柘令許君清德頌石碎字紊唯此
文見碑城西南里許有漢陽種令許叔臺碑光和
中立又有漢故樂成陵令太尉掾許嬰碑嬰字虞
鄉司隸校尉之子建寧六年立餘碑文字碎滅不

一本無十
二年三字

六年一作
元年

復可觀當似司隸諸碑也谷水又東逕苦縣故城
中水泛則四周隍塹耗則孤津獨逝谷水又東逕
賴鄉城南其城實中東北隅有臺偏高俗以是臺
在谷水北其城又謂之谷陽臺非也谷水自此東入
過水過水又北逕老子廟東廟前有二碑在南門
外漢桓帝尼宮管霸祠老子命陳相邊韶作碑北有
雙石闕甚整頓石闕南側魏文帝黃初三年逕譙
所勒闕北東側有孔子廟廟前有一碑西面是陳
相魯國孔疇建和三年立北則老君廟廟東院中
有九井焉又北過水之側又有李老母廟廟在

谷水北一作谷水北

作碑一作換碑

李老下疑脫君字舊本母下有前字

老子廟北廟前有李母冢冢東有碑是永興元年
譙令長沙王阜所立碑云老子生於曲過間許慎
又云過水首受淮陽扶溝縣滾蕩渠不得至沛方
為過水也過水又屈東逕相縣故城南其城卑小
實中邊韶老子碑又云老子楚相縣人也相縣虛
荒今屬苦故城猶存在賴游鄉之東過水處其陽
然即此城也自是無郭以應之過水又東逕譙縣
故城北春秋左傳僖公二十二年楚成得臣帥師
伐陳遂取譙城頓而還是也王莽之延成亭也魏
立譙郡沈州治沙水自南枝分北逕譙城西而北

按左傳僖公二十三年秋楚成得臣帥師伐陳遂取譙城頓而還是也還注譙城夷城父也

按司馬彪續漢書曹節四子長伯興次仲興次叔興騰字季興騰更無弟又騰少除黃門從官自小黃門遷至中常侍大長秋在省闈三十餘年亦未嘗為潁川太守

注過過水四周城側城南有曹嵩冢冢北有碑碑北有廟堂餘基尚存柱礎仍在廟北有二石闕雙峙高一丈六尺椽櫨及柱皆雕鏤雲炬上學魚巴碎闕北有圭碑題云漢故中常侍長樂太僕特進費亭侯曹君之碑延熹三年立碑陰又刊石策二碑文同夾碑東西列對兩石馬高八尺五寸石作粗拙不匹充武隧通所表象馬也有兄騰冢冢東有碑題云漢故潁川太守曹君墓延熹九年卒而不刊樹碑歲月墳北有其元子熾冢冢東有碑題云漢故長水校尉曹君之碑歷太中大夫司馬長史

凡騰疑作騰元

引侍中遷長水年三十九卒熹平六年造熾弟胤冢冢東有碑題云漢謁者曹君之碑熹平六年立城東有曹太祖舊宅所在負郭對廛側隍臨水魏書曰太祖作議郎告疾歸鄉里築室城外習讀書傳秋冬射獵以自娛樂文帝以漢中平四年生於此上有青雲如車蓋終日乃解即是處也後文帝以延康元年幸譙大饗父老立壇於故宅壇前樹碑碑題云大饗之碑碑之東北過水南有譙定王司馬士會冢冢前有碑晉永嘉三年立碑南二百許步有兩石柱高丈餘半下為束竹交文作制乃

碑之東北向有脫誤

作制乃士疑當作制作工巧

士石崩云晉故使持節散騎常侍都督揚州江州諸軍事安東天將軍譙定王河內温公司馬墓之神道過水又東逕朱龜墓北東南流逕冢南冢南枕道有碑碑題云漢故幽州刺史朱君之碑龜字汨靈光和六年卒官故吏別駕從事史石北平無終年化中平二年造碑陰刊故吏姓名悉薊涿及上谷北平等入過水東南逕層丘北丘阜獨秀巍然介立故壁壘所在也過水又東南逕城父縣故城沙水枝分注之水上承沙水於思善縣世謂之漳水故有漳頭之名也東北流逕城父故城西側

年化二字誤

城東北流入於過過水又東逕下父城北郡國志曰山桑縣有下父聚者也過水又屈逕其聚東郎山西又東南屈逕郎山南山東有垂惠聚世謂之禮成表崧郡國志曰山桑縣有垂惠聚即此城也過水又東南逕過陽城北臨側過水魏太和中為州治以蓋表為刺史後罷州立郡衿帶遏戍過水又東南逕龍亢縣故城南漢建武十三年世祖封傳昌為侯國故語曰沛國龍亢至山桑者也過水又屈而南流出石梁梁石崩褫夾岍積石高二丈水歷其間又東南流逕荆山而東流注也

又東南至下邳淮陵縣入于淮

過水又東左合北肥水肥水出山桑縣西北澤藪
東南流左右翼佩數源異出同歸蓋微脉消注耳
山桑侯疑食邑於此城東南有一碑碑文悉破無
驗唯碑背故吏姓名尚存熹平元年義北門生沛
國蕭劉定興立北肥水又東逕山桑縣故城南俗
謂之都亭城非也今城內東側猶有山亭築立陵
阜高峻非洪臺所擬十三州志所謂山生於邑其
庭有桑因以氏縣者也郭城東有文穆冢碑三世

蕭下疑脫
縣字

二千石穆郡戶曹史徵試博士太常丞以明氣候
擢拜侍中右中郎將遷九江彭城陳留四部光和
中卒故吏丞郡太守彭城呂虔等立北肥水又東
積而為陂謂之瑕陂陂水又東南逕瑕城南春秋
左傳成公十六年楚師還及瑕卽此城也故京相
璠曰瑕楚地北肥水又東南逕向縣故城南地理志
曰故向國也世本曰許州向中姜姓也炎帝後京
相璠曰向沛國縣今并屬譙國龍亢也杜預曰龍
亢縣東有向城漢世祖建武十三年更封富波侯
王霸為侯國卽此城也俗謂之圓城非又東南逕

義城南世謂之楮城非又東入于過過水又東注淮經言下邳淮陵入淮誤矣十三至東注富水矣

汧水出陰溝于浚儀縣北

蓋謂國語云汧水出於陰溝

陰溝即菴蕩渠也亦言汧受旃然水又云丹泌亂流於武德絕河南入滎陽合汧故汧兼丹水之稱河沛水新汧承旃然而東自王實灌大梁水出縣南而不逕其北夏水洪泛則是瀆津通故渠即陰溝也於大梁北又曰浚水矣故圈稱著陳留風俗傳曰浚水逕其北者也又東汧水出焉故經云汧出陰溝於浚儀縣北也汧水東逕倉垣城南即大

梁縣之倉垣亭也城臨汧水陳留相畢邈治此征

東將軍荀晞之西也邈走歸京晞使司馬東萊王

讚代據倉垣斷留運漕汧水又東逕陳留縣之鉞

鄉亭北陳留風俗傳所謂縣有鉞鄉亭即斯亭也

汧水又逕小黃縣故城南神仙傳稱靈壽光扶風

人死於江陵胡罔家罔殯埋之後百餘日人有見

光於此縣寄書於罔罔發視之唯有履存汧水又

東逕鳴鴈亭南春秋左傳成公十六年衛侯伐鄭

至于鳴鴈者也杜預釋地云在雍丘縣西北今俗

人尚謂之為白鴈亭汧水又東逕雍丘縣故城北

逕陽樂城南西征記曰城在汜北一里周五里雍丘縣界汜水又東有故渠出焉南通睢水謂之董生決或言董氏作亂引水南通睢水故斯水受名焉今無水汜水又東枝津出焉俗名之為洛架口西征記曰洛架水名也續述征記曰在董生決下二里汜水又逕外黃縣南又東逕莠倉城北續述征記曰莠倉城去大游墓二十里又東逕大齊城南陳留風俗傳曰外黃縣有大齊亭又東逕科城北陳留風俗傳曰縣有科稟亭是則料稟亭也汜水又東逕小齊城南汜水又南逕利望亭南風俗傳

洛架一作落架本卷第二頁前六行作洛架

曰故曰成安也地理志曰陳留舊名漢武帝以封韓延年為侯國汜水又東龍門故瀆出焉瀆舊通睢水故西征記曰龍門水名也門北有土臺高三丈餘上方數十步汜水又東逕濟陽考城縣故城南為留獲渠考城縣周之采邑也於春秋為戴國矣左傳莊公十年秋宋衛蔡伐戴是也漢高帝十一年秋封彭祖為侯國陳留風俗傳曰秦之穀縣也後遭漢兵起邑多災年故改曰留縣王莽更名嘉穀漢章帝東巡過縣詔曰陳留縣其名不善高祖鄙柏人之邑世宗休聞喜而顯獲嘉應亨吉元符

嘉皇靈之故賜越有先列考武王其改留縣曰考
城是瀆蓋因縣以獲名矣汲水又東逕寧陵縣之
沙陽亭北故沙隨國矣春秋左傳成公十六年秋
會于沙隨謀伐鄭也杜預釋地曰在梁國寧陵縣
北沙陽亭是也世以爲堂城非也汲水又東逕黃
蒿塢北續述征記曰堂城至黃蒿二十里汲水又
東逕斜城下續述征記曰黃蒿到斜城五里陳留
風俗傳曰考城縣有斜亭汲水東逕周塢側續述
征記曰斜城東三里晉義熙中劉公遣東超之自
彭城緣泛故溝斬樹穿道七百餘里以開水路停

故宋本作
顧

薄於此故茲塢流稱矣汲水又東逕葛城北故葛
伯之國也孟子曰葛伯不祀湯問曰何爲不祀稱
無以供祠祭遺葛伯葛伯又不祀湯又問之曰無
以供犧牲湯又遺之又不祀湯又問之曰無以供
粢盛湯使亳衆往爲之耕老弱饋食葛伯又率民
奪之不授者則殺之湯乃伐葛葛於六國屬魏魏
襄王以封公子無咎號信陵君其地葛鄉卽是城
也在寧陵縣四十里汲水又東逕神坑塢又東逕
夏侯長塢續述征記曰夏侯塢至周塢各相距五
里汲水又東逕梁國睢陽縣故城北而東歷襄鄉

無忌魏昭王少子昭
王薨安釐王即位封
信陵君此云魏襄王
恐傳寫之謬

四一作西

按嘉平是漢靈帝年

塢南續述征記曰西去夏侯塢二十里東一里即襄鄉浮圖也。汧水逕其南漢熹平君所立死因葬之弟刻石樹碑以進厥德。隧前有師子天鹿累博作百達柱八所荒蕪頽毀凋落略盡矣。又東至梁郡蒙縣為淮水餘波南入淮陽城中。汧水又東逕貫城南俗謂之薄城非也。闕駟十三州志以為貫城也在蒙縣西北春秋僖公二年齊侯宋公江黃盟于貫杜預以為貫也云貫貫字相似貫在齊謂貫澤也是以非此也。今於此地更無他城在蒙西北唯是邑耳。考文准地貫邑明矣非

熹平君向有脫誤
進宋本作

毫可知汧水又東逕違縣故城北俗謂之小蒙城也。西征記城在汧水南十五六里即莊周之本邑也。為蒙之漆園吏郭景純所謂漆園有傲吏者也。悼惠施之沒杜門於此邑矣。汧水自縣南出今無復有水唯睢陽城南側有小水南流入于睢城南二里有漢太傅掾橋載墓碑載字元賓梁國睢陽人也。睢陽公子熹平五年立城東百步有石室刊石漢鴻臚橋仁祀城北五里有石虎石柱而無碑誌不知建也。汧水又東逕大蒙城北自古不聞有二蒙疑即蒙毫也。所謂景薄為此毫矣。椒舉云商

此毫宋本作北毫

據郡國志寧陵當作
寧陵乃葛伯國耳

湯有景亳之命者也闕駟曰湯都也亳本帝嚳之
墟在禹貢豫州河洛之間今河南偃師城西二十
里尸鄉亭是也皇甫謐以爲考之事實學者失之
如孟子之言湯居亳與葛爲隣是卽亳與葛比也
湯地七十里葛又伯耳封域有限而寧陵去偃師
八百里不得童子饋餉而爲之耕今梁園自有二
亳南亳在穀熟北亳在蒙非偃師也古文仲虺之
誥曰葛伯仇餉征自葛始卽孟子之言是也崔駟
曰湯冢在濟陰薄縣北皇覽曰薄城北郭東三里
平地有湯冢冢四方各十步高七尺上平也漢

哀帝建平元年大司空史郤長卿按行水災因行
湯冢在漢屬扶風今徵之迴渠亭有湯地徵陌是
也然不經見難得而詳按秦寧公本紀云二年代
湯三年與亳戰亳王奔戎遂滅湯然則周穆桓王
時自有亳王號湯爲秦所滅乃西戎之國葬于徵
者也非殷湯矣劉向言殷湯無葬處爲疑杜預曰
梁國蒙縣北有薄伐城城中有成湯冢其西有箕
子冢今城內有故冢方墳疑卽杜元凱之所謂湯
冢者也而先謂之王子喬冢冢側有碑題云仙人
王子喬碑曰王子喬者蓋上世之真人聞其仙不

穆字疑行

先謂當作
世謂

蓋一作乃

知興何代也博問道家或言潁川或言產蒙初建
此城則有斯立傳承先民曰王氏墓暨于永和之
元年冬十二月當臘之時夜上有哭聲其音甚哀
附居者王伯怪之明則祭而察焉時天鴻雪下無
人徑有大鳥跡在祭祀處左右咸以為神其後有
人著大冠絳單衣杖竹立冢前呼採薪孺子伊永
昌曰我王子喬也勿得取吾墳上樹也忽然不見
時令太山萬喜稽故老之言感精瑞之應乃造靈
廟以休厥神於是好道之儔自遠方集或絃琴以
歌太一或譚思以歷丹思知至德之兆寔真人之

問一作聞

萬喜一作萬熙

丹思疑作丹田

蔡中郎集載有此碑

祖先延熹八年秋八月皇帝遣使者奉犧牲致禮
祠濯之敬肅如也國相東萊王璋字伯義以為神
聖所興必有銘表乃與長史邊乾遂樹之玄石紀
頌遺烈觀其碑文意似非遠既有經見不能不書
存焉

致禮祠濯一作致祀祇懼

獲水出汲水於梁郡蒙縣北

漢書地理志曰獲水也十三州志曰首受留獲渠
亦兼丹水之稱也竹書紀年曰宋殺其大夫皇緩
于丹水之上又曰宋大水丹水壅不流蓋汲水之
變名也獲水自蒙東山水南有漢故繹幕令匡碑

皇緩竹書作皇緩大水一作大夫

匡字公輔魯府君之少子也碑字碎落不可尋識
竟不知所立歲月也獲水又東逕長樂固北已氏
縣南東南流逕于蒙澤十三州志曰蒙澤在縣東
春秋莊公十二年宋萬與公爭博殺閔公于斯澤
矣汧水又東逕虞縣故城北古虞國也昔夏少康
逃奔有虞為之庖正虞思於是妻之以二姚者也
王莽之陳定亭也城東有漢司徒盛允墓公字伯世
梁國虞人也其先奭氏至漢中葉避孝元皇帝諱
改姓曰盛世濟其美以迄于公察孝廉除郎累遷
司空司徒延熹中立墓中有石廟廟宇傾頽基構

千甲左傳杜預注云
甲士千人

陸璣詩疏云秦人謂
柞為櫟河內人謂木
蓼為櫟

可尋獲水又東南逕空桐澤北澤在虞城東南春
秋哀公二十六年冬公遊于空澤辛巳卒于連中
大尹左師與空澤之士壬午奉公自空桐入如沃
宮者矣獲水又逕龍譙國又東合黃水口上承黃
陂下注獲水獲水又東入櫟林世謂之九里柞獲
水又東南逕下邑縣故城北楚考烈王滅魯頃公
亾遷下邑又楚漢彭城之戰呂后弟周軍於下邑
高祖敗還從周軍子房肇捐地之策收垓下之師
戰陸機所謂即下邑者也王莽更名下洽矣獲水
又東逕碭山縣故城北應劭曰縣有碭山山在東

壬午舊作
千甲吳本
誤改

柞宋本作
柞

下洽舊本
作下洽

出文石秦立碭郡蓋取山之名也王莽之節碭縣也山有梁孝王墓其冢斬山作郭穿石爲藏行一里到藏中有數尺水水有大鯉魚黎萌謂藏有神不敢犯之凡到藏皆潔齋而進不齋者至藏輒有獸噬其足獸難得見見者云佶狗所未詳也山上有梁孝王祠獲水又東穀水注之上承陽陂陂中有香城城在四水之中承諸陂散流謂零水瀼水清水也積而成潭謂之碭水趙人有琴高者以善鼓琴爲康王舍人行彭涪之術浮遊碭郡間二百餘年後入碭水中取龍子與弟子期曰皆潔齋待

於水傍設屋祠果乘赤鯉魚出入坐祠中碭中有千萬人觀之留月餘復入水也破水東注謂之穀水東逕安山北卽碭北山也山有陳勝墓秦亂首兵伐秦弗終厥謀死葬於碭謚曰隱王也穀水又東北注于獲水獲水又東歷藍田鄉郭又東逕梁國杼秋縣故城南王莽之子秋也獲水又東歷洪溝東注之水南北各一溝溝首對獲世謂之洪溝非也春秋昭公八年秋蒐于紅杜預曰沛國蕭縣西有紅亭卽地理志之虹縣高后三年封楚王元子富爲侯國王莽之所謂貢矣蓋溝名是同非楚

漢所分也

又東過蕭縣南

獲水北流注之蕭縣南對山世謂之蕭城南山也
戴延之謂之同孝山云取漢陽城侯劉德所居里
名目山也劉澄之云縣南有冑山未詳孰是也山
有箕谷谷水北流注獲世謂之西流水言水上承
梧桐陂陂水西流因以為名也余嘗逕蕭邑城右
唯是水北注獲水更無別疑即經所謂睢水也城
東西及南三面臨側獲水故沛郡治縣亦同居矣
城南舊有石橋處耗積石為梁高三丈今荒毀殆

盡亦不具誰所造也縣本蕭叔國宋附庸楚滅之

春秋宣公十二年楚伐蕭蕭潰申公巫臣曰師人

多塞王巡三軍拊而勉之三軍之士皆同挾纊蓋

恩使之然矣蕭女媵齊為頃公之母卻克所謂蕭

同叔子也獲水又東歷龍城不知誰所創築也獲

水又東逕同孝山北山陰有楚元王冢上圓下方

累石為之高十餘丈廣百許步經十餘墳悉結石

也獲水又東淨淨溝水注之水上結梧桐陂西北

流即劉中書澄之所謂白溝水也又北入于獲俗

名之曰淨淨溝也

宋本止作淨溝下同上結作上承

又東至彭城縣北東入于泗

漢書王莽遣謁者持
安車印綬即拜楚國
龔勝為太子師友祭
酒勝不應徵不食而
死時年七十九矣有
老父來弔哭甚哀曰

嗟乎薰以香自燒膏
以明自銷龔生竟天
年非吾徒也勝居
彭城廡里後世刻石
表其里門

史記正義云淮南北
沛郡汝南郡為西楚
彭城以東東海吳廣
陵為東楚衡山九江
江南豫章長沙為南
楚
史記楚元王世家地
節二年中人上書告
楚王謀反王自殺國
除入漢為彭城郡

獲水自淨淨溝東逕阿育王寺北或言楚王英所
造非所詳也蓋遵育王之遺法因以名焉與安陂
水合水上承安陂餘波北逕阿育王寺側水上有梁
謂之玄注橋水傍有石墓宿經開發石作工奇殊
為莊構而不知誰冢疑即澄之所謂凌冢也水北
流注于獲獲水又東逕彌黎城北劉澄之永初記
所謂城之西南有彌黎城者也獲水於彭城西南
迴而北流逕彭城城西北舊有楚大夫龔勝宅即
楚老哭勝處也獲水又東轉逕城北而東注泗水

莊構宋本
作特構

北三里有石冢被開傳言楚元王之孫劉向冢未
詳是否城即殷大夫彭祖之國也於春秋為宋地
楚伐宋弁之以封魚石崔子季珪述初賦曰想黃
公於邳圮勒魚石於彭城即是縣也孟康曰舊名
江陵為南楚陳為東楚彭城為西楚文穎曰彭城
故東楚也項羽都謂之西楚漢祖定天下以為楚
郡封弟交為楚王都之宣帝地節元年更為彭城
郡王莽更之曰和樂郡也徐州治城內有漢司徒
表安魏中郎徐庶等數碑並列植於街右咸曾為
楚相也夫城之內有金城東北小城劉公更開廣

彭祖宋本
作老彭

南齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五

齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五
齊書卷之六十五

之皆壘石高四丈列塹環之小城西又一城是大
司馬琅邪王所修因項羽故臺經始卽構宮觀門
閣惟新厥制義熙十二年霖雨驟澍汴水暴長城
遂崩壞冠軍將軍彭城劉公之子也登更築之悉
以塼壘宏壯堅峻樓櫓赫奕南北所無宋平北將
軍徐州刺史河東薛安都舉城歸魏魏違博陵公
尉苟仁城陽公孔伯恭援之邑閣如初觀不異昔
自後毀撤一時俱盡間遺工雕鏤尚存龍雲逞勢
奇爲精妙矣城之東北角起層樓於其上號曰彭
祖樓地理志曰彭城縣故彭祖國也世本曰陸終

之子其三曰籤是爲彭祖彭祖城是也下曰彭祖
冢彭祖長年八百綿壽永世於此有冢蓋亦元極
之化矣其樓之側汴帶泗東此爲二水之會也聳
望川原極目清野斯爲佳處矣

壁川氣赫自散理道者其氣矣

之外矣其勢之側水帶西東也為一水之會也蓋

水經第二十三巨靈長為道脈道脈長也下曰道脈

水經第二十四因少類然因地以佳夏曰絲冉之編

半世脈法正當無矣因也即水漢東桑欽撰

本以會為千系姑自刺留線首後魏酈道元注

挂高陽矣有禮史字文山官至明吳大瑄校

書曰睢水出公汶水

睢水出梁郡鄆縣

睢水出陳留縣西浪蕩渠東北流地理志曰睢水

首受陳留浚儀浪蕩水也經言出鄆非矣又東逕

高陽故亭北俗謂之陳留北城非也蘇林曰高陽

者陳留北縣也按在留使鄉聚名也有漢廣野君

廟碑延熹六年十二月雍丘令董生仰餘徽於千載遵茂美於絕代命縣人萇照爲文用章不朽之德其畧云輟洗分餐諮謀帝猷陳鄴有涿鹿之功海岱無牧野之戰大康華夏綏靜黎物生民以來功盛莫崇今故字無聞而軍碑介立矣陳留風俗傳曰鄴氏居於高陽沛公攻陳留縣鄴食其有功封高陽侯有鄴峻字文山官至公府掾大將軍商有功食邑于涿故自陳留縣有鉞亭鉞鄉建武二年世祖封王常爲侯國也睢水又東逕雍丘縣故城北縣舊杞國也殷湯周武以封夏后繼禹之嗣

楚滅杞秦以爲縣圈稱曰縣有五陵之名故以氏縣矣城內有夏后祠昔在二代享祀不輟秦始皇圖築其表爲大城而以縣爲睢水又東水積成湖俗謂之白羊陂陂方四十里右則姦梁陂水注之其水上承陂水東北逕雍丘城北又東分爲兩瀆謂之雙溝俱入白羊陂陂之東合洛架水口水上承坂水謂之洛架水東南流入于睢水睢水又東逕襄邑縣故城北又東逕雍丘城北睢水又東逕寧陵縣故城南故葛伯國也王莽改曰康善矣歷鄆縣北二城南北相去五十里故經有出鄆之文

城東七里水次有單父令楊彥尚書郎楊禪字文節兄弟二碑漢光和中立也王莽文曰寒善矣

又東過睢陽縣南

北又東至濰立於北邙水又東至

睢水又東逕橫城北春秋左傳昭公二十一年樂大心豐愆華恠禦華向於橫杜預曰梁國睢陽縣南有橫亭今在睢陽縣西南世謂之兗城蓋兗橫聲相近習傳之非也睢水又逕新城北卽宋之新城亭也春秋左傳文公十四年公會宋公陳侯衛侯鄭伯許男曹伯晉趙盾盟于新城者也睢水又東逕高鄉亭北又東逕亳城北南亳也卽湯所都

矣睢水又東逕睢陽縣故城南周武王封微子啓于宋以嗣殷後爲宋都也昔宋元君夢江使乘輜車被繡衣而謁於元君元君感衛平之言而求之于泉陽男子余且獻神龜於此矣秦始皇二十二年年以爲碭郡漢高祖嘗以沛公爲碭郡長天下既定五年爲梁國文帝十二年封少子武爲梁王太后之愛子景帝寵弟也是以警衛貂侍飾同天子藏珍積多擬京師招延豪傑士咸歸之長卿之徒免官來遊廣睢陽城七十里大治宮觀臺苑屏榭勢並皇居其所經構也役夫流唱必曰睢陽創傳

漢藝文志縱橫家有
闕子一篇

由此始也。城西門即寇先鼓琴處也。先好釣居睢
水傍。宋景公問道不告。殺之後十年止此門。鼓琴
而去。宋人家奉事之。南門曰盧門也。春秋華氏
居盧門里。叛杜預曰。盧門宋城南門也。司馬彪郡
國志曰。睢陽縣有盧門亭。城內有高臺甚秀。廣魏
然介立。超焉獨上。謂之蠡臺。亦曰升臺焉。當昔全
盛之時。故與雲霞競遠矣。續述征記曰。迴道似蠡。故
謂之蠡臺。非也。余按闕子稱宋景公使工人為弓。
九年乃成。公曰。何其遲也。對曰。臣不復見君矣。臣
之精盡於弓矣。獻弓而歸。三日而死。景公登虎圈

闕子宋本
作闕子

按御覽與文選鮑照
詩注俱作西霜惟藝
文類聚作孟霜

之臺。援弓東面而射之。矢踰于孟霜之山。集于彭
城之東。餘勢逸勁。猶飲羽于石梁。然則蠡臺即是
虎圈臺也。蓋宋世牢虎所在矣。晉太和中。大司馬
桓温入河。命豫州刺史袁真開石門。鮮卑堅戍此
臺。真頓甲堅城之下。不果而還。蠡南如西。又有一
臺。俗謂之女郎臺。臺之西北城中有涼馬臺。臺東
有曲池。池北列兩釣臺。水周六七百步。蠡臺直東
又有一臺。世謂之雀臺也。城內東西道北有晉梁
王妃王氏陵表。並列二碑。碑云。妃諱粲。字女儀。東
萊曲城人也。齊北海府君之孫。司空東武景侯之

孟霜舊本
作西霜
彭城一作
彭梁

季女咸熙元年嬪于司馬氏泰始二年妃于國太
康五年薨營陵于新蒙之太康九年立碑東卽梁
王之吹宮也基陛階礎尚在今建追明寺故宮東
卽安梁之舊地也廣周五六百步水列釣臺池東
又有一臺世謂之清泠臺北城憑隅又結一池臺
晉灼曰或說平臺在城中東北角亦或言兔園在
平臺側如淳曰平臺離宮所在今城東二十里有
臺寬廣而不甚極高俗謂之平臺余按漢書梁孝
王傳稱王以功親爲大國築東苑方三百里廣睢
陽城七十里大治宮室爲複道自宮連屬於平臺

新蒙之下
有脫誤

廣周舊本
作齊周

三十餘里複道自宮東出楊州之門左陽門卽睢
陽東門也連屬於平臺側近矣屬之城隅則不能
是知平臺不在城中也梁王與鄒枚司馬相如之

側近御覽
引此作則
近

徒極遊於其上故齊隨郡王山居序所謂西園多
士平臺盛賓鄒馬之客咸在伐木之歌屢陳是用
追芳昔娛神遊千古故亦一時之盛事謝氏賦雪
亦曰梁王不悅遊於兔園今也歌堂淪宇律管埋
音孤墓塊立無復曩日之望矣城北五六里便得
漢太尉喬玄墓冢東有廟卽曹氏孟德親酌處操
本微素嘗候於玄玄曰天下將亂能安之者其在

喬玄宋本
作橋玄

君乎操感知已矣後經玄墓祭云操以頑質見納君子士死知已懷此無忘又承約言徂沒之後路有經由不以斗酒隻雞過相沃酹車過三步腹痛勿怨雖臨時戲言非至親篤好胡肯為此辭哉悽愴致祭以申宿懷冢列數碑碑一是漢朝羣儒英才哲士感喬氏德行之美乃共刊石立碑以示後世一碑是故吏司徒博陵崔烈廷尉河南吳整等以為至德在已揚之由人苟不驕述夫何舍焉乃共勒嘉石昭明芳烈一碑是隴西枹罕北次陌碭守長隲為左尉漢陽獮道趙馮孝高以喬公嘗牧涼州

蔡中郎集載此碑作苟不傲述夫何考焉

感三綱之義慕將順之節以為公之勲美宜宣舊邦乃樹碑頌以昭令德允和元年主記掾李反友字仲遼作碑文碑陰有石鼎文建寧三年拜司空又有中鼎文建寧四年拜司徒又有左鼎文允和元年拜太尉鼎名文曰故臣門人相與述公之行咨度體則文德銘于三鼎武功勒于征鉞書于碑陰以昭允懿又有鉞文稱是用鏤石假象作茲征鉞軍鼓陳之于東階亦以昭公之文武之勲焉廟南列二石柱柱東有二石羊羊北有二石虎廟前東北有石駝駝西北有二石馬皆高大亦不甚雕飾

漢書王子表魯恭王子政封瑕丘按地理志瑕丘屬山陽郡而敬丘即太丘屬沛郡注似誤引列仙傳云文賓者太丘鄉人也賣草履為業數取嫗數十年輒

棄之後時故嫗年九十餘續見賓年更壯拜賓問道賓令其至正月朔會鄉亭西社教以服蒨花地膚桑寄生松子嫗亦更壯

郡國志潁川郡有輪氏縣

列仙傳云涓子齊人也涓子接食其精至三百年乃見於齊隱

惟廟頽構粗傳遺壙石鼓仍存鉞今不知所在睢水於城之陽積而為逢洪陂陂之西南有陂又東合明水水上承城南大池池周千步南流會睢謂之明水絕睢注渙睢水又東南流歷于竹圃水次綠竹蔭渚菁菁實望世人言梁王竹園也睢水又東逕穀熟縣故城北睢水又東蘄水出焉睢水又東逕粟縣故城北地理志曰侯國也王莽曰成富睢水又東逕太丘縣故城北地理志曰故敬丘也漢武帝元朔三年封魯恭王子節侯劉政為侯國漢明帝更從今名列仙傳曰仙人文賓邑人賣鞞履

御覽引此陂作澤

為業矣睢水又東逕芒縣故城北漢高帝六年封彭越為侯國王莽之傳治世祖改曰臨睢城西二里水南有豫州從事皇毓碑殞身州牧陰君之罪時年二十五臨睢長平與李君二千石承輪氏夏文則高其行而悼其殞州國咨嗟旌閣表墓昭叙令德式示後人城內有臨睢長左馮翊王君碑善有治功累遷廣漢屬國都尉吏民思德縣人公府掾陳盛孫郎中倪定興劉伯鄜等共立石表政以刊遠績縣北與碭縣分水有碭山芒碭縣之間山澤深固多懷神智有仙者涓子主柱並隱碭山得

平與宋本作平與承當作丞

廊一作廊

於宕山能致風雨受
伯陽九仙法又云主
柱者與道士共上宕
山餉丹砂三年得神
砂飛雪服之五年能
飛行

漢地理志王莽改沛
郡曰吾符改相縣曰
吾符亭

道漢高祖隱之。呂后望氣知之。即於是處也。京房
易候曰何以知賢人隱師曰視四方常有太雲五
色具而不雨其下賢人隱矣。瀨等共立石表
又東過相縣南屈從城北東流當蕭縣南入于睢。
相縣故宋地也。秦始皇二十三年以為泗水郡。漢
高帝四年改曰沛郡治此。漢武帝元狩六年封南
越桂林監居翁為侯國曰湘成也。王莽更名之吾
符縣曰吾符亭也。睢水東逕石馬亭亭西有漢故
伏波將軍馬援墓。睢水又東逕相縣故城南。宋恭
公之所都也。國府園中猶有伯姬黃堂基。堂夜被

亭也舊本
作高亭

火左右曰夫人少避伯姬曰婦人之義保傳不具
夜不下堂遂遇火而死。斯堂即伯姬燬死處也。城
西有伯姬冢。昔鄭渾為沛郡太守於蕭相二縣興
陂堰民賴其利刻石頌之。號曰鄭陂。睢水又左合
白瀆水。水上承梧桐陂。陂側有梧桐山。陂水西南
流逕相城東而南流注于睢。睢盛則北流入于陂。
陂溢則西北注於睢。出入迴環更相通注。故經有
入睢之文。睢水又東逕彭城郡之靈壁東。東南流
漢書項羽敗漢王于靈壁東。即此處也。又云東逼
穀泗。服虔曰水名也。在沛國相界。又詳睢水逕穀

熟兩分而睢水爲蘄水故二水所在枝分通爲兼稱穀水之名蓋因地變然則穀水卽睢水也又云漢軍之敗也睢水爲之不流睢水又東南逕竹縣故城南地理志曰王莽之篤亭也李奇曰今竹邑縣也睢水又東與淠湖水合水上承留丘縣之淠陂南北百餘里東西四十里東至朝解亭西屆彭城留丘縣之故城東王莽更名之曰善丘矣其水自陂南系于睢水睢水又東南入丈故溝水注之水上承蘄水而北會睢水又東逕符離縣故城北漢武帝元光四年封路博德爲侯國王莽之符合也睢

水東逕臨淮郡之取慮故城北昔汝南步遊張少失其母及爲縣令遇母於此乃使良馬踟躕輕軒罔進顧訪病姬乃其母也誠願宿憑而冥感昭徵矣睢水又東合烏慈水水出縣西南烏慈渚潭漲東北流與長直故瀆合溝舊上承蘄水北流八十五里注烏慈水烏慈水又東逕取慮縣南又東屈逕其城東而北流注于睢睢水又東逕睢陵縣故城北漢武帝元朔元年封江都易王子劉楚爲侯國王莽之睢睦也睢水又東與潼水故瀆會舊上承潼縣西南潼陂東北流逕潼縣故城北又東北逕睢

史記年表江都易王子劉定國封睢陵侯索隱曰在淮陽

陵縣下會睢水又東南流逕下相縣故城南高祖十二年封莊侯冷耳爲侯國應劭曰下相水出沛國相縣故此加下也然則下相又是睢水之別名也東南流入于泗謂之睢口經止蕭縣非也所謂得其一而亾其二矣

瓠子河出東郡濮陽縣北河上本謂水北流八十五縣北十里卽瓠河口也尚書禹貢雷夏旣澤雝沮會同爾雅曰水自河出爲雝許慎曰雝者河雝水也暨漢元光之年河水南決漂害民居武帝元封二年上使汲仁郭昌發卒數萬人塞瓠子決河於

是上自萬里沙還臨決河沈白馬玉壁令羣臣將軍以下皆負薪填決河上悼功之不成乃作歌曰瓠子決兮將奈何殫爲河兮地不寧功無已時兮吾山平吾山平兮巨野溢魚沸鬱兮柏冬日正道弛兮離常流蛟龍騁兮放遠遊歸舊川兮神哉沛不封禪兮安知外皇謂河公兮何不仁泛濫不止兮愁苦人齧桑浮兮淮泗滿久不反兮水唯緩一曰河湯湯兮激潺湲北渡迴兮迅流難塞長斐兮湛美玉隕竹林兮捷石菑宣防塞兮萬福來於是卒塞瓠子口築宮於其上名曰宣房宮水亦謂瓠

史記爲我謂河伯子何不仁

子堰為宣房堰而水亦以瓠子受名焉平帝已後未及修理河水東浸日月彌廣永平十二年顯宗詔樂浪人王景治渠築隄起自滎陽東至于乘一千餘里景乃防遏衝要䟽決壅積瓠子之水絕而不通唯溝瀆存焉河水舊東河逕濮陽城東北故衛也帝顓頊之墟昔顓頊自窮桑徙此號曰商丘或謂之帝丘本陶唐氏火正闕伯之所居亦夏伯昆吾之都殷之相又都之故春秋傳曰闕伯居商丘相土因之是也衛成公自楚丘遷此秦始皇徙衛君角於野王置東郡治濮陽縣濮水逕其南故

春秋杜預注東郡濮陽縣東南有鹹城

曰濮陽也沛公守濮陽環之以水張晏曰依河水自固春秋僖公十三年夏會于鹹杜預曰東郡濮陽縣東有鹹城者是也瓠子故瀆又東逕桃城南春秋傳曰分曹地自洮盡曹地也今甄城西南五十里有桃城或謂之洮也瓠瀆又東南逕清丘北春秋宣公十二年經書楚滅蕭晉人宋衛曹同盟于清丘京相璠曰在今東郡濮陽縣東南三十里

陽縣下本無東字 甄城一作野城

魏都尉治

東至濟陰句縣為新溝

瓠河故瀆又東逕句陽之小成陽城北城北側瀆

漢地志濟陰郡句陽縣春秋句瀆之丘也音鈞

一本城北二字不重

帝王世紀曰堯葬濟陰成陽西北四十里是為穀
 墨子以為堯堂高三尺土階三等北教八狄道死
 葬蛭山之陰山海經曰堯葬狄山之陽一名崇山
 二說各殊以為成陽近是堯冢也余按小成陽在
 成陽西北羊里許實牛俗嗙以為囚堯城士安蓋
 以是為堯冢也瓠子北有都關縣故城縣有羊里
 亭瓠河逕其南為羊里水蓋資城地而變名由經
 有新溝之異稱矣黃初中賈逵為豫州刺史與諸
 將征吳於洞浦有功魏封逵為羊里亭侯邑四百
 戶即斯亭也俗名之羊子城非也蓋韻近字轉耳

魏志云賈逵征吳破
 呂範於洞浦進封陽
 里亭侯

西北一作
 西南

又東右會濮水之津水上承濮渠東逕鉏丘城南
 京相璠曰今濮陽城西南十五里有沮丘城六國時
 沮楚同以為楚丘非也又東逕浚城南而北去濮
 陽三十五里城側有寒泉岡即詩所謂爰有寒泉
 在浚之下世謂之高平渠非也京相璠曰濮水故
 道在濮陽南者也又東逕句陽縣西句瀆出焉濮
 水枝渠又東北逕句陽縣之小成陽縣故東垂亭
 西而北入瓠河地理志曰濮水首受沛於封丘縣
 東北至都關入羊里水者也又按地理志山陽郡
 有都關縣今其城在廩丘城西考地志山陽廩丘

故東疑作
 東故

俱屬濟陰則都關無隸山陽理又按地理志邠都亦是山陽之屬縣矣而東杜京相考地驗城又並言在廩丘城南推此而論似地志之悞矣或亦疆理參差所未詳瓠瀆又東逕垂亭北春秋隱公八年宋公衛侯遇于犬丘經書垂也京相璠曰今濟陰句陽縣小城陽東五里有故垂亭者也

又東北過廩丘縣爲濮水

瓠河又左逕雷澤北其澤藪在大城陽縣故城西北一十餘里昔華胥履大跡處也其陂東西二十餘里南北一十五里卽舜所漁也澤之東南卽成

檀馬或謂檀與駮馬詩疏云駮馬梓榆也諺云斫檀不諦得繫迷繫迷尚可得駮馬言三木之相似也

陽縣故史記曰武王封弟季載於成應劭曰其後乃遷于成之陽故曰成陽也地理志曰成陽有堯冢靈臺今成陽城西二里有堯陵陵南一里有堯母慶都陵於城爲西南稱曰靈都鄉曰崇仁邑號修義皆立廟四周列水潭而不流水澤通泉泉不耗竭至豐魚筍不敢採捕前並列數碑枯柏數株檀馬成林二陵南北列馳道逕通皆以磚砌之尚修整堯陵東城西五十餘步中山夫人祠堯妃也石壁階墀仍舊南西北三面長櫟聯蔭扶踈里餘中山夫人祠南有仲山甫冢冢西有石廟羊虎傾

低破碎略盡於城為西南在靈臺之東北按郭緣
生述征記自漢迄晉二千石及丞尉多刊石述叙
堯卽位至永嘉三年二千七百二十有一載記于
堯妃見漢建寧四年五月成陽令管遵所立碑文
云堯陵北山甫墓南二冢間伍員祠晉大安中立
一碑是永興中建今碑祠並無處所又言堯陵在
城南九里中山夫人祠在城南二里東南六里堯
毋慶都冢堯陵北二里有仲山甫墓考地驗狀咸
為踈僻蓋聞疑書疑耳雷澤西南十許里有小山
孤立峻上亭亭巖峙謂之歷山山北有小阜南屬

池澤之東北有陶墟緣生言舜耕陶所在墟阜聯
屬瀆帶瓠河也鄭玄曰歷山在河東今有舜井皇
甫謚或言今濟陰歷山是也與雷澤相比余謂鄭
玄之言為然故楊雄河東賦曰登歷觀而逕望今
聊浮游於河之巖今雷首山西枕大河校之圖緯
於事為允士安又云定陶西南陶丘舜也不言在
此緣生為失瓠河之北卽廩丘縣也王隱晉書地
道記曰廩丘者春秋之所謂齊邑矣實表東海者
也竹書紀年晉烈公十一年田悼子卒田布殺其
大夫公孫公孫以廩丘叛于趙田布圍廩丘翟角

舜也一本
作亭也

實表一作
實大

第二公孫
今竹書作
公孫孫多
一孫字

趙孔肩韓師救廩丘及田布戰于龍澤田布敗遁
是也瓠河與濮水俱東流經所謂過廩丘為濮水者
也縣南瓠北有羊角城春秋傳曰取晉羊角遂襲
我高魚天大雨自竇入介其庫登其城剋而取之
者也京相璠曰衛邑也今東郡廩丘縣南有羊角
城今魯邑也今廩丘東北有故高魚城俗謂之交
魚城謂羊角為角逐城皆非也瓠河又逕陽晉城
南史記蘇秦說齊曰過衛陽晉之道徑于亢父之
嶮者也今陽晉城在廩丘城東南一十餘里與都
關為左右也張儀曰秦下甲攻衛陽晉大關天下

韓師竹書作韓氏

天舊本作有

按史記年表金安上封都成侯又按漢書地志山陽郡有城都縣而無都成不審何在

之匈奴徐廣史記音義云關一作開東之亢父則其
道矣瓠河之北又有邲都城春秋隱公三年邲侯
衛京相璠曰東都廩丘縣南三十里有故邲都地
理志曰山陽鄉也褚先生曰漢封金安上為侯國
王莽更名之曰城穀者也瓠河又東逕黎縣故城
南王莽改曰黎治矣孟康曰今黎陽也薛瓚言按
黎陽在魏郡非此黎陽也世謂黎侯城昔黎侯陽
寓于衛詩所謂胡為乎泥中毛云泥中邑名疑此
城也土地汙下城居小阜魏濮陽郡治也瓠河又
東逕柘縣故城南地理志曰濟陰之屬縣也褚先

生曰漢武帝封金日磾爲侯國王莽之萬歲矣世猶謂之爲萬歲亭也瓠河又東逕鄆城南春秋左傳成公十六年公自沙隨還待于鄆京相璠曰公羊作運字今東郡廩丘縣東八十里故運城卽此城也又曰蔡邕吳孟東曰今蔡邕也又北過東郡范縣東北爲濟渠與將渠合承濟瀆於乘氏縣北逕范縣左納瓠瀆故經有濟渠之稱又北與將渠受河於范縣西北東南逕秦亭南杜預釋地東平范縣西北有秦亭也又東南

逕范縣故城南王莽更名建睦也漢興平中靳允爲范令曹太祖東征陶謙於徐州張邈迎呂布郡縣響應程昱說允曰君必固范我守東阿田單之功可立即斯邑也將渠又東會濟渠自下通謂之將渠北逕范城東俗又謂之趙溝非也

又東北過東阿縣東

瓠河故瀆又東北左合將渠枝瀆上承將渠於范縣東北逕范縣北又東北逕東阿城南而東入瓠河故瀆又北逕東阿縣故城東春秋經書冬及齊侯盟于柯左傳曰冬盟于柯始及齊平杜預曰東

阿即柯邑也按國語曹沫挾匕首劫齊桓公返遂邑於此矣北經東河縣姑蘇東春秋齊桓公返遂

又東北過臨邑縣西又東北過茌平縣東為鄧里渠自宣防已下將渠已上無復有水將渠下水首受

又河自北為鄧里渠

又東北過祝阿縣為濟渠

河水自泗口出為濟水濟水二瀆合而東注于祝

阿也

又東北至梁鄒縣西分為二

脉水尋梁鄒濟無二流蓋經之誤

其東北者為濟河其東者為時水又東北至濟西濟

河東北入于海時水東至臨淄縣西屈南過太山華

縣東又南至費縣東入于沂

時即形水也音而春秋襄公三年齊晉盟于形者

也京相璠曰今臨淄唯有澶水西北入沂即地理

志曰如水矣形如聲相似然則澶水即形水也蓋

以澶與時合得通稱矣時水自西安城西南分為

二水枝津別出西流德會水注之采出昌國縣黃山

西北流逕昌國縣故城南昔樂毅攻齊有功燕昭

王以是縣封之為昌國君德會水又西北五里泉

水注之水出縣南黃阜北流逕城西入德會又西北世謂之滄浪溝又北流注時水地理志曰德會水出昌國西北至西安入湖是也時水又西逕東高苑城中而西注也俗人過令側城南注又屈其城南史記漢文帝十五年分齊爲膠西上國都高邑徐廣音義曰樂安有高苑城故俗謂之東苑也其水又北注故瀆又西蓋野溝水注之源導延鄉城東北平地出泉西北逕延鄉城北地理志曰千乘有延鄉縣世人謂故城爲從城延從字相似其讀隨字改所未詳也西北流世謂之蓋野溝又西

北流逕高苑縣北注時水時水又西逕西高苑縣故城南漢高帝六年封丙倩爲侯國王莽之常鄉也其水側城西注京相璠曰今樂安博昌縣南界有時水西通濟其上源出盤陽北至高苑下有水時中無水杜預亦云時水於樂安枝流旱則竭涸爲春秋之乾時也左傳莊公九年齊魯戰地魯師敗處也時水西北至梁鄒城入于沛非沛入時蓋時來注沛若沛分東流明不得以時爲名尋時沛更無別流南延華費之所斯爲謬矣

汶水出太山萊蕪縣原山西南過羸縣南

萊蕪縣在齊城西南原山又在縣西南六十許里
地理志汶水與淄水俱出原山西南入泲故不得
過其縣南也從征記曰汶水出縣西南流又言自
入萊蕪谷夾路連山百數里水隍多行石澗中出
草藥饒松柏林藿綿濛崖壁相望或傾岑阻徑或
迴巖絕谷清風鳴條山壑俱響凌高降深兼惴慄
之懼危蹊徑過懸度之艱未出谷十餘里有別谷
在孤山谷有清泉泉上數丈有石穴二口容人行
入穴丈餘高九尺許廣四五丈言是昔人居山之
處薪爨煙墨猶存谷中林木緻密行人尠有能至

矣又有少許山田引灌之蹤尚存出谷有平丘面
山傍水土人悉以種麥云此丘不宐殖稷黍而宐
麥齊人相承以殖之意謂麥丘所栖愚公谷也何
其深沈幽翳可以託業怡生如此也余時逕此爲之
踟躕爲之屢眷矣余按麥丘愚公在齊川谷猶傳
其名不在魯蓋誌者之謬耳汶水又西南逕羸縣
故城南春秋左傳桓公三年云會齊侯于羸博婚
于齊也

又東南過奉高縣北
奉高縣漢武帝元封元年立以奉太山郡治也縣

北有吳季札子墓在汶水南曲中季札之聘上國也喪子於嬴博之間卽此處也從征記曰嬴縣西六十里有季札兒冢冢圓其高可隱也前有石銘一所漢末奉高令所立無所述叙標誌而已自昔恒蠲民戶灑掃之今不能然碑石糜碎靡有遺矣唯跌存焉

屈從縣西南流

汶出牟縣故城西南阜下俗謂之胡盧堆淮南子曰汶出弗其高誘曰山名也或斯阜也牟縣故城在東北古牟國也春秋時牟人朝魯故應劭曰魯

附庸也俗謂是水爲牟汶也又西南逕奉高縣故城而西南流注于汶汶水又南右合北汶水出分水谿源與中川分水東南流逕太山東右天門下谿水水出太山天門下谷東流古者帝王升封咸憇此水水上往往有石竅存焉蓋古設舍所跨處也馬第伯書云光武封太山第伯從登山去平地二十里南向極望無不覩其爲高也如視浮雲其峻石壁窅窅仰視巖石松樹鬱鬱蒼蒼如在雲中俯視谿谷碌碌不可丈尺直上七十里天門仰視天門如從穴中視天矣應劭漢官儀云太山東南

今封禪儀記曰不可丈尺遂至天門之下仰視天門窅窅如從穴中視天直上七里賴其羊腸逶迤名曰環道往往有絙索可得而登也

山頂名曰日觀者，雞一鳴時見日始欲出，長三丈許，故以名焉。其水自谿而東，濬波注壑，東南流逕龜陰之龜田山，在博縣北一十五里。昔夫子傷政道之陵遲，故望山而懷操，故琴操有龜山操焉。山北即龜陰之田也。春秋定公十年，齊人來歸龜陰之田，是也。又合環水，水出太山南谿，南流歷中階兩廟間。從征記曰：太山有下中上三廟，牆闕嚴整，廟中柏樹夾兩階，大二十餘圍，蓋漢武所植也。赤眉嘗斫一樹，見血而止。今斧創猶存。門閣三重，樓榭四所，三層壇一所，高丈餘，廣八丈。樹前有大井，極

香冷異於凡水，不知何代所掘，不嘗浚渫，而水旱不減。庫中有漢時故樂器及神車木偶，皆靡密巧麗。又有石勒建武十三年，未水貴侯張余上金馬一匹，高二尺餘，形制甚精。中廟去下廟五里，屋宇又崇麗於下廟。廟東西夾澗，上廟在山頂，即封禪處也。其水又屈而東，流入于汶水，又東南流逕南明堂。下漢武帝元封元年，封太山，降坐明堂於山之東北。陞武帝以古處險狹而不顯也，欲治明堂於奉高，傍而未曉其制。濟南人公玉帶上黃帝時明堂圖，圖中有一殿，四面無壁，以茅蓋之，通水園宮

垣爲復道上有樓從西南入名曰崑崙天子從之
入以拜祀上帝焉於是上令奉高作明堂於汶水
如帶圖也古引水爲壁雍處基瀆存焉世謂此水
爲石汶山海經曰環水出泰山東流注于江卽此
水也環水又左入於汶水汶水又西南流逕徂徠
山西山多松柏詩所謂岵岵之松也廣雅曰道梓
松也抱朴子稱玉策記曰千歲之松中有物或如
青牛或如青犬或如人皆壽萬歲又稱天陵有偃
蓋之松也所謂樓松也魯連子曰松樅高千仞而
無枝非憂王實之無柱也爾雅曰松葉柏身曰樅

鄒山記曰徂嶽山在梁甫奉高博三縣界猶有美
松亦曰尤嶽之山也赤眉渠帥樊崇所堡也故崇
自號尤嶽三老矣山東巢父廟山高十里山下有
陂水方百許步三道流注一水東北沿谿而下屈
逕縣南西北流入于汶一水北流歷澗西流入于汶
一水南流逕陽關亭南春秋襄公十七年逆臧紇
自陽關者也又西流入于汶水也

過博縣西北

汶水南逕博縣故城東春秋哀公十一年會吳伐
博者也灌嬰破田橫於城下屈從其城南西流不

在西北也汶水又西南逕龍鄉故城南春秋成公
二年齊侯圍龍龍囚頃公嬖人盧蒲就殺而膊諸
城上齊侯親鼓取龍者也漢高帝八年封謁者陳
署爲侯國汶水又西南逕亭亭山東黃帝所禪也
山有神廟水上有石門舊分水水下漑處也汶水又
西南逕陽關故城西本有平縣之陽關亭矣春秋
襄公十七年逆臧紇自陽關者也陽虎據之以叛
伐之虎焚萊門而奔齊者也汶水又南左會淄水
水出太山梁父縣東西南流逕菟裘城北春秋隱
公十一年營之公謂羽父曰吾將歸老焉故郡國

盧蒲就左
傳作盧蒲
就魁

據之舊本
作居之

志曰梁父有菟裘聚淄水又逕梁父縣故城南縣
北有梁父山開山圖曰太山在左亢父在右亢父
知生梁甫主成王者封太山禪梁甫故縣取名焉
淄水又西南逕柴縣故城北地理志曰太山之屬縣
也世謂之柴汶矣淄水又逕邲北漢高帝六年封
董濞爲侯國春秋齊師圍邲邲人伐齊飲馬於斯
水也昔孔子行於邲之野遇榮啓期於是衣鹿裘
被髮琴歌三樂之懽夫子善其能寬矣淄水又西
逕陽關城南西流注於汶水汶水又南逕巨平縣故
城東而西南流城東有魯道詩所謂魯道有蕩齊

列子榮啓期曰天
生萬物惟人爲貴
吾得爲人一樂也
男女之別男尊女
卑吾得爲男二樂
也人生有不見日
月不免襁褓者吾
行年九十矣是三
樂也

子由歸者也今汶上夾水有文姜臺汶水又西南
 流詩云汶水滔滔矣淮南子曰貉渡汶則死天地
 之性倚伏難彙固不可以情理窮也汶水又西南
 逕魯國汶陽縣北王莽之汶亭也縣北有曲水池
 亭春秋桓公十二年經書公會杞侯莒子於曲池
 左傳曰平杞莒也故杜預曰魯國汶陽縣北有曲
 水亭漢章帝元和三年東巡太山立行宮於汶陽
 執金吾耿恭潔屯城門於汶上基塹存焉世謂之
 闕陵城也汶水又西逕汶陽縣故城北而注注未
誤

又西南過蛇丘縣南

深苗水又逕梁父縣故城南

汶水又西洗水出焉又西逕蛇丘縣南縣治鑄鄉
 故城春秋左傳宣叔娶于鑄是也杜預曰濟北蛇
 丘縣所治鑄鄉城者也

是也一作者也

又西南過岡縣北

水出東北

地理志鄉故闡也王莽更之曰柔也應劭曰春秋
 經書齊人取讎及闡亭是也杜預春秋釋地曰闡
 在岡縣北岡城東有一小亭今岡縣治俗人又謂
 之關亭京相璠曰岡縣西四十里有闡亭未知孰
 是汶水又西蛇水注之水出縣東北太山西南流
 逕汶陽之田齊所侵也自汶之北平暢極目僖公

以賜季友蛇水又西南逕鑄城西左傳所謂蛇淵
 圃也故京相璠曰今濟北有蛇丘城城下有水魯
 圃也俗謂之濁須水非矣蛇水又西南逕夏暉城
 南經書公會齊侯于下謹是也今俗謂之夏暉城
 蓋春秋左傳桓公三年公子翬如齊齊侯送姜氏
 于下謹非禮是也世有夏暉之名矣蛇水又西南
 入汶汶水又西溝水注之水出東北馬山西南流
 逕棘亭南春秋成公三年經書秋叔孫僑如帥師
 圍棘左傳曰取汶陽之田棘不服圍之南去汶水
 八十里又西南逕遂城東地理志曰蛇丘隧鄉故

隧國也春秋莊公十三年齊滅隧而戍之者也京
 相璠曰隧在蛇丘東北十里杜預亦以為然然縣
 東北無城以擬之今城在蛇丘西北蓋杜預傳疑
 之非也又西逕下謹城西而入汶水汶水又西逕
 春亭北考古無春名唯平陸縣有崇陽亭然是東
 去岡城四十里進璠所注則符並所未詳也
 又西南過平章縣南

進一作推

地理志曰東平國故梁也景帝中和六年別為濟
 東國武帝元鼎元年為大河郡宣帝甘露二年為
 東平國王莽之有鹽城也章縣按世本任姓之國也齊

人降章者也故在無鹽城東北五十里汶水又西南有泌水注之水出肥縣東北自源西南流逕肥城縣故城南樂正子春謂其弟子曰子適齊過肥肥有君子焉左逕句窳亭北章帝元和二年鳳凰集肥城句窳亭後其祖而巡太山即是亭也泌水又西南逕富城縣故城西王莽之成富也其水又西南流注於汶汶水又西南逕桃鄉縣故城西王莽之鄆亭也世以此為鄆城非蓋因巨新之故目耳

成富舊本作城富

又西南過無鹽縣南又西南過壽張縣北又西南至

安民亭入于濟

汶水自桃鄉四分當其派別之處謂之四汶口其左二水雙流西南至無鹽縣之郕鄉城南魯叔孫昭伯之故邑也禍及鬪雞矣春秋左傳定公十二年叔孫氏墮郕今其城無南面汶水又西南逕其平陸縣故城北應劭曰古厥也今有厥亭汶水又西逕危山南世謂之龍山也漢書五行志曰哀帝時無鹽危山土自起覆草如馳道狀又報山石轉立晉灼曰漢注作報山山脇石一丈轉側起立高九丈尺六寸傍行一丈高四尺東平王雲及后謁

一丈漢書作一枚 高漢書作廣

自之石所祭治石象報山立石束倍草并祠之建
 平三年息夫躬告之王自殺后謁棄市國除漢書
 石立宣帝起之象也汶水又西合為一水西南入
 茂都澱澱陂水之異名也澱水西南出謂之巨野
 溝又西南逕致密城南郡國志曰須昌縣有致密
 城古中都也即夫子所宰之邑矣制養生送死之
 節長幼男女之禮路不拾遺器不彫偽矣巨野溝
 又西南入桓公河北水西出澱謂之臣良水西南
 逕致密城北西南流注洪瀆次一汶西逕郈亭北
 又西至壽張故城東遂為澤渚初平三年曹公擊

都也一作
郈城也

臣良一作
巨良

黃巾於壽張東鮑信戰歿於此其右一汶西流逕
 無鹽縣之故城南舊宿國也齊宣后之故邑所謂
 無鹽醜女也漢武帝元朔四年封城陽恭王子劉
 慶為東平侯即此邑也王莽更名之曰有鹽亭汶
 水又西逕洽鄉城南地理志曰所謂無鹽有洽鄉
 者也汶水西南流逕壽張縣故城北春秋之良縣
 也縣有壽聚漢曰壽良應劭曰世祖叔母名良故
 允武改曰壽張也建武十五年世祖封樊宏為侯
 國汶水又西南長直溝水注之水出須昌城東北
 穀陽山南逕須昌城東又南漆溝水注焉水出無

鹽城東北五里阜山下西逕無鹽縣故城北水側
 有東平憲王倉冢碑闕存焉元和三年章帝幸東
 平祀以太牢親拜祠坐賜御劔於陵前其水又西
 流注長直溝溝水奇分爲二一水西逕須昌城南
 入浦一水南流注於汶汶水又西流入浦故淮南
 子曰汶出弗其西流合浦高誘云弗其山名在朱
 虛縣東余按誘說是乃東汶非經所謂入浦者也
 蓋其誤證耳

西流合浦
淮南子作
流合於濟

水經第二十四 東嶽計澤水出於其西

水經第二十五

漢 桑欽撰

後魏 酈道元注

明 吳瑄校

泗水 沂水 洙水

泗水出魯卞縣北山

地理志曰出濟陰乘氏縣又云出卞縣北經言北
 山皆爲非矣山海經曰泗水出魯東北余昔因公
 事沿歷徐沅路逕洙泗因令尋其源流水出卞縣
 故城東南桃墟西北春秋昭公七年謝息納季孫

之言以孟氏成邑與晉而遷于桃杜預曰魯國卞縣東南有桃虛世謂之曰陶墟舜所處也井曰舜井皆為非也墟有澤澤方一十五里淥水微涼三丈如減澤西際阜俗謂之媯亭山蓋有陶墟舜井之言因復有媯亭之名矣阜則有三石穴廣圓三四尺穴有通瓦水有盈漏數夕之中則傾陂竭澤矣左右民居識其將漏預以木為曲狀約鄆穴口魚鼈暴鱗不可勝載矣自此連岡通阜西北四十許里岡之西際便得泗水之源也博物志曰泗出陪尾蓋斯阜者矣石穴吐水五泉俱導泉穴各徑

御覽引此舜所下有陶字非也作此也澤澤作漏澤

御覽阜則作阜側

御覽數夕上有漏則二字傾陂上無則字

尺餘水源南側有一廟枯柏成林時則謂之原泉祠非所究也泗水西逕其縣故城南春秋襄公二十九年季武子取卞曰聞守卞者將叛臣率徒以討之是也南有姑蔑城春秋隱公元年公及邾儀父盟于蔑者也水出二邑之間西逕郚城北春秋文公七年經書公伐邾三月甲戌取須句遂城郚杜預曰魯邑也卞縣南有郚城備邾難也泗水自卞而會於洙水也

西南逕魯縣北

泗水又西南流逕魯縣分為二流水側有一城為

二水之分會也。北爲洙，瀆。春秋莊公九年，經書冬，浚洙。京相璠曰：杜預並言洙水在魯城北，浚深之爲齊備也。南則泗水，夫子教于洙泗之間。今於城北二水之中，卽夫子領徒之所也。從征記曰：洙泗二水交於魯城東北十七里，闕里背洙泗，牆南北一百二十步，東西六十步，四門各有石闔。北門去洙水百步餘。後漢初，闕里荆棘自闕。從講堂至九里，鮑永爲相，因修饗祠，以誅魯賊彭、豐等。郭緣生言：泗水在城南，非也。余按國語：宣公夏，濫於泗淵，里革斷罟棄之。韋昭云：泗在魯上北。史記：冢記王

泗牆疑作面泗

聖賢冢墓記云：孔子冢塋中樹以百數，皆異種，世世無能名其樹者。其樹皆弟子持其方樹來種之，有柞、於、維、離、女、貞、五、味、龜、檀之屬。

隱地道記：咸言葬孔子於魯城北泗水上。今泗水南有夫子冢。春秋孔演圖曰：鳥化爲書，孔子奉以告天。赤爵銜書上化爲黃玉，刻曰：孔提命作應法。爲赤制說題辭曰：孔子卒，以所受黃玉葬魯城北。卽子貢廬墓處也。譙周云：孔子死後，魯人就冢，次而居者百有餘家。命曰孔里。孔叢子曰：夫子墓塋方一里，在魯城北六里，泗水上。諸孔氏封五十餘所，人名昭穆，不可復識。有銘碑三所，獸碣具存。皇覽曰：弟子各以四方奇木來植，故多諸異樹，不生棘木刺草。今則無復遺條矣。泗水自城北南逕魯城

西南合沂水沂水出魯城東南尼丘山西北山卽
顏母所祈而生孔子也。山東一十里有顏母廟山
南數里孔子父葬處禮所謂防墓崩者也平地發
泉流逕魯縣故城南水北東門外卽爰居所止處
也。國語曰海鳥曰爰居止於魯城東門之外三日
臧文仲祭之展禽譏焉故莊子曰海鳥止郊魯侯
觴之奏以廣樂具以太牢三日而死此養非所養
矣。門郭之外亦戎夷死處呂氏春秋曰昔戎夷違
齊如魯天大寒而後門與弟子宿於郭門外寒愈
甚謂弟子曰子與我衣我活我與子衣子活我國

士也爲天子惜子不肖人不足愛弟子曰不肖人
惡能與國士并衣哉戎歎曰不濟夫解衣與弟子
半夜而死沂水北對稷門昔圉人犖有力能投蓋
于此門服虔曰能投千鈞之重過門之上也杜預
謂走接屋之桶反覆門上也春秋僖公二十年經
書春新作南門左傳曰書不時也杜預曰本名稷
門僖公更高大之今猶不與諸門同故名高門也
其遺基猶在地八丈餘矣亦曰雩門春秋左傳莊
公十年公子偃請擊宋師竊從雩門蒙臯比而出
者也門南隔水有雩壇壇高三丈曾點所欲風舞

處也。高門一里餘。道西有道兒君碑。是魯相陳君立。昔曾參居此。梟不入郭。縣卽曲阜之地。少昊之墟。有大庭氏之庫。春秋豎牛之所攻也。故劉公幹魯都賦曰。戢武器於有災之庫。放戎馬於巨野之垆。周成王封姬旦於曲阜。曰魯。秦始皇二十三年。以爲薛郡。漢高后元年。爲魯國。阜上有季氏宅。宅有武子臺。今雖崩夷。猶高數丈。臺西百步有大井。廣三丈。深十餘丈。以石壘之。石似磬制。春秋宣公十二年。公山不狃帥費攻魯。公入季氏之宮。登武子之臺也。臺之西北二里有周公臺。高五丈。周五

十步。臺南四里許。則孔廟卽夫子之故宅也。宅大一頃。所居之堂。後世以爲廟。漢高祖十三年。過魯。以太牢祀孔子。自秦燒詩書經典。淪缺。漢武帝時。魯恭王壞孔子舊宅。得尚書春秋論語孝經。時人已不復知。有古文謂之科斗書。漢書秘之。希有見者。于時聞堂上有金石絲竹之音。乃不壞矣。廟屋三間。夫子在西門。東向。顏母在中間。南面。夫人隔東一間。東向。夫子牀前有石硯一枚。作甚朴。云平生時物也。魯人藏孔子所乘車於廟中。是顏路所請者也。獻帝時。廟遇火燒之。永平中。鍾離意爲魯

顏母舊本作徵母

曹植撰孔羨奉家
祀碑云以議郎孔
羨為宗聖侯邑百

戶奉孔子之祀令
魯郡修起舊廟置
百戶吏卒以守衛
之

相到官出私錢萬三千文付戶曹孔訢治夫子車
身入廟拭几席劔履男子張伯除堂下草土中得
玉璧七枚伯懷其一以六枚白意意令主簿安置
几前孔子寢堂牀首有懸甕意名孔訢問何等甕
也對曰夫子甕也背有丹書人勿敢發也意曰夫
子聖人所以遺甕欲以懸示後賢耳發之中得素
書文曰後世修吾書董仲舒護吾車拭吾履發吾
笥會稽鍾離意壁有七張伯藏其一意即名問伯
果服焉魏黃初二年文帝令郡國修起孔子舊廟
置百夫吏卒廟有夫子像列二弟子執卷立侍穆

百夫舊本
作百尺

穆有詢仰之容漢魏以來廟列七碑二碑無字括
柏猶茂廟之西北二里有顏母廟廟像猶嚴有修
栝五株孔廟東南五百步有雙石闕即靈光之南
闕北百餘步即靈光殿基東西二十四丈南北十
二丈高丈餘東西廊廡別舍中間方七百餘步闕
之東北有浴池方四十許步池中有釣臺方十步
池臺悉石也遺基尚整故王延壽賦曰周行數里
仰不見日者也是漢景帝程姬子魯恭王之所造
也殿之東南即泮宮也在高門直北道西宮中有
臺高八十尺臺南水東西一百步南北六十步臺

西水南北四百步東西六十步臺池咸結石為之
 詩所謂思樂泮水也泮水又西逕圓丘北丘高四
 丈餘泮水又西流昔韓雉射龍於斯水之上尸子
 曰韓雉見申羊於魯有龍飲於泮韓雉曰吾聞也
 出見虎搏之見龍射之今弗射是不得行吾聞也
 遂射之泮水又西右注泗水者也
 又西過瑕丘縣東屈從縣東南流濼水從東來注之
 瑕丘魯邑春秋之負瑕矣襄公七年季康子伐邾
 囚諸負瑕是也應劭曰瑕丘在縣西南昔衛大夫
 公叔文子升於瑕丘遽伯玉從文子曰樂哉斯丘

死則我欲葬焉伯玉曰吾子樂之則瑗請前刺其
 欲害民良田也瑕丘之名蓋因斯以表稱矣曾子
 弔諸負夏鄭玄皇甫謐並言衛地魯衛雖殊土則
 一也濼水出東海合鄉縣漢和帝永寧九年封馬
 光子復為侯國其水西南流入邾春秋襄公二年
 季孫斯伐邾取濼東田及泮西田是也濼水又逕
 魯國鄒山東南而西南流春秋左傳所謂嶧山也
 邾文公之所遷今城鄒山之陽依巖咀以墉固故
 邾婁之國曹姓也叔梁紇之邑也孔子生於此後
 乃縣之因鄒山之名以氏縣也王莽之鄒亭矣京

相璠曰地理志嶧山在鄒縣北繹邑之所依為名也山東西二十里高秀獨出積石相臨殆無土壤石間多孔穴洞達相通往往有如數間屋處其俗謂之嶧孔遭亂輒將處人入嶧外寇雖眾無所施害永嘉中大尉郗鑒將鄉曲逃此山胡賊攻守不能得今山南有大嶧名曰郗公嶧山北有絕巖秦始皇觀禮於魯登於嶧山之上命丞相李斯以大篆勒銘山嶺名曰畫門詩所謂保有鳧嶧者也鄒水又西南逕蕃縣故城南又西逕薛縣故城北地理志曰夏車正奚仲之國也竹書紀年梁惠成王

處人當作居人

畫門御覽引此作畫門俱誤山東通志作書門近是

三十一年邳遷于薛改名徐州城南山上有奚仲

冢晉太康地記曰奚仲冢在城南二十五里山上

百姓謂之神靈也齊封田文於此號孟嘗君有惠

喻今郭側猶有文冢結石為郭作制嚴固瑩麗可

尋行人往還莫不逕觀以為異見矣濼水又西逕

仲虺城北晉太康地記曰奚仲遷於邳仲虺居之

以為湯左相其後當周爵稱侯後見侵削霸者所

紂為伯任姓也應劭曰邳存薛徐廣史記音義曰

楚元王子郢以呂后二年封上邳侯也有下故此

為上矣晉書地道記曰仲虺城在薛城西三十里

按史記楚元王子劉郢客封上邳侯

地記下本無曰字謂之一作為之惠喻當作惠譽

澮水又西逕至湖陸縣入于泗故京相璠曰薛縣
澮水首受蕃縣西注山陽湖陸是也經言瑕丘東
誤耳

湖陸一作胡陸下同

又南過平陽縣西

縣即山陽郡之南平陽縣也竹書紀年曰梁惠成
王二十九年齊田盼及宋人伐我東鄙圍平陽者
也王莽改之曰黽平矣泗水又南逕故城西世謂
之漆鄉應劭十三州記曰漆鄉邾邑也杜預曰平
陽東北有漆鄉澮今見有故城西南方二里所未
詳也

又南過高平縣西洸水從北西來流注之

泗水南逕高平山山東西十里南北五里高四里
與衆山相連其山最高頂上方平故謂之高平山
縣亦取名焉泗水又南逕高平縣故城西漢宣帝
地節三年封丞相魏相為侯國高帝八年封將軍
陳錯為橐侯地理志曰縣故山陽之橐也王莽改
曰高平應劭曰章帝改按本志曰王莽更名章帝
因之矣所謂洸水者洙水也蓋洸洙相入受通稱
也

之橐舊本作之橐

史記漢書功臣表並作橐侯陳錯為將從擊陳豨有功舊本水經注亦作橐侯此注改作橐侯未知何據

方輿晉灼音房豫

又南過方輿縣東

水經

卷之二十一

三百〇四

漢哀帝建平四年縣女子田無嗇生子先未生二月兒啼腹中及生不舉葬之陌上三日人過聞啼聲毋掘養之

荷水從西來注之

荷水即沛水之所苞注以成湖澤也而東與泗水合於湖陵縣西六十里穀庭城下俗謂之黃水口黃水西北通巨野澤蓋以黃水沿注于荷故因以名焉

又屈東南過湖陸縣南洧洧水從東北來流注之

地理志曰故湖陸縣也荷水在南王莽更曰湖陸

應劭曰尚書一名湖陵章帝封東平王蒼子為湖

陵侯更名湖陵也泗水又東逕郟鑿所築城北又

東逕湖陸東城南昔桓溫北入也范曄擒慕容忠

於此城東有度尚碑泗水又左會南梁水地理志

曰水出蕃縣今縣之東北平澤出泉若輪焉發源

成川西南流分為二水北枝水西出逕蕃縣北西

逕滕城北春秋左傳隱公十一年滕侯薛侯來朝

爭長薛侯曰我先封滕侯曰我周之卜正也薛庶

姓也我不可以後之公使羽父請薛侯曰君辱在

寡人周諺有之曰山有木工則度之賓有禮主則

荷當作荷

洧洧宋本作洧洧注同更曰一作改

湖陸東城一作湖陵城東

世本云周文王子錯叔繡封於滕杜預世譜並同惟漢書地志沛郡公丘縣注謂滕是周懿王子錯叔繡所封故水經注仍其說

擇之周之宗盟異姓為後寡人若朝于薛不敢與諸任齒君若辱貶寡人則願以滕君為請薛侯許之乃長滕侯者也漢高帝封夏侯嬰為侯國號曰滕公鄧晨曰今沛郡公丘也其水又漑於丘焉縣故城在滕西北按地理志即滕也周懿王子錯叔繡文公所封也齊滅之秦以為縣漢武帝元朔三年封魯恭王子劉順為侯國世以此水漑我良田遂及百秭故有兩溝之名焉南梁水自枝渠西南逕魯國蕃縣故城東俗以南隣於濶亦謂之西濶水南梁水又屈逕城南應劭曰縣古小邾邑也地

既於一作
既公

理志曰其水西流注于沛沛在湖陸西而左注西泗沛合流故地記或言沛入泗泗亦言入沛互受通稱故有入沛之文關駟十三州志曰西至湖陸入泗是也經無南梁之名而有洧洧之稱疑即是水也戴延之西征記亦言湖陸縣之東南有洧洧水亦無記於南梁謂是吳王所道之瀆也余按湖陸西南止自是水延之蓋以國語云吳王夫差起師將北會黃池掘溝於商魯之間北屬之沂西屬于沛以是言之故是水為吳王所掘非也余以水路求之止自泗川耳蓋北達沂西北逕於商魯而接

於沛吳所浚廣耳非謂起自東北受沂西南注沛也假之有通非吳所趣年載誠眇人情厠近以今村古知一延之之不通情理矣泗水又南瀆水注之又逕薛之上邳城西而南注者也吳王夫差又南過沛縣東

昔許由隱於沛澤卽是縣也縣蓋取澤爲名宋滅屬楚左泗水之濱於秦爲泗水郡治黃水注之黃水出小黃縣黃鄉黃溝國語曰吳子會諸侯於黃池者也黃水東流逕外黃縣故城南張晏曰魏郡有內黃縣故加外也薛瓚曰縣有黃溝故縣氏焉

圈稱陳留風俗傳曰縣南有渠水於春秋爲宋之曲棘里故宋之別都矣春秋昭公二十五年宋元公卒於曲棘是也宋華元居於穆里宣公十五年楚鄭圍宋晉解楊圍楚致命于此宋人懼使華元乘闔夜入楚師登子反之牀曰寡君使元以病告弊邑易子而食析骨以爨城下之盟所不能也子反退一舍宋楚乃平今城東闔上猶有華元祠祠之不輟城北有華元冢黃溝自城南東逕蔡丘下春秋僖公九年齊桓公會諸侯于葵丘宰孔曰齊侯不務德而勤遠畧北伐山戎南伐楚西爲此會

東畧之不知西則否矣其有亂乎君務靖亂無勤
於行晉侯乃還卽此地也黃溝又東注大澤蒹葭
莞葦生焉卽世所謂大薺陂也陂水東北流逕定
陶縣南未安今東閩土餘亦準此風
又東逕山陽郡食林骨以嬰越王之盟不流也
成武縣之楚丘亭北黃溝又東逕郟城北成武縣
故城南王莽更之曰成安也黃溝又東北逕郟城
北春秋桓公三年經書取郟大鼎于宋戊申納于
大廟左傳曰宋督攻孔父而取其妻殺殤公而立
公子憑以郟大鼎賂公臧僖伯諫爲非禮十三州

志曰今成武縣東南有郟城俗謂之北郟者也黃
溝又東逕平樂縣故城南又東右合洳水卽豐水之
上源也水上承大薺陂東逕貫城北又東逕已氏
縣故城北王莽之已善也縣有伊尹冢崔駰曰殷
帝沃丁之時時伊尹卒葬于薄皇覽曰伊尹冢在
濟陰已氏平利鄉皇甫謐曰伊尹年百餘歲而卒
大霧三日沃丁葬以天子之禮親自臨喪以報大
德焉又東逕孟諸澤杜預曰澤在梁國睢陽縣東
北逕卽城縣故城南地理志曰山陽縣也王莽更
名之曰郟城矣故世有南郟北郟之論也又東逕

單父故城南昔密子賤之治也。孔子使巫馬期觀政入其境見夜漁者問曰子得魚輒放何也曰小者吾大夫欲長育之故也子聞之曰誠彼形此子賤得之善矣惜哉不齊所治者小也王莽更名斯縣爲利善矣世祖建武十三年封劉茂爲侯國又東逕平樂縣右合泡水水上承淮水於下邑縣界東北注一水上承淮水於杼秋縣界北流世又謂之瓠盧溝水積爲渚渚水東北流二渠雙引左合澧水俗謂之二泡也自下澧泡並得通稱矣故地理志曰平樂侯國也泡水所出又逕豐西潭謂之

淮水一作
淮水下同

豐水漢書稱高祖送徒麗山徒多亾到豐西澤有大蛇當徑拔劍斬之此卽漢高祖斬蛇處也又東逕大偃水分爲二又東逕豐縣故城南王莽之吾豐也水側城東北流右合枝水上承豐西大偃派流東北逕豐城北東注澧水澧水又東合黃水時人謂之狂水蓋狂黃聲相近俗傳失實也自下黃水又兼通稱矣水上舊有梁謂之泡橋王智深宋史云宋太尉劉義恭於彭城遣軍正稽玄敬北至城覘候魏軍魏軍於清西望見玄敬士衆魏南康侯杜道儻引趣泡橋沛縣民逆燒泡橋又於林中

軍正舊本
作軍王當
作軍主

六朝時每謂將帥爲
軍主如梁書韋粲令
軍主鄭逸逆擊侯景
是其例也

打鼓僞謂宋軍大至爭渡泡水水深酷寒凍溺死者殆半清水卽泗水之別名也沈約宋書稱魏軍欲渡清西非也泡水又東逕沛縣故縣城南秦末兵起蕭何曹參迎漢祖於此城高帝十一年封合陽侯劉仲子爲侯國城內有漢高祖廟廟前有三碑後漢立廟基以青石爲之階陛尚存劉備之爲徐州也治此袁術遣紀靈攻備備求救呂布布救之屯小沛招靈請備共飲布謂靈曰玄德布弟也布性不熹合鬪但熹解鬪乃植戟於門布彎弓曰觀布射戟小支中者當各解兵不中可留決鬪一

城南上縣
字疑衍

發中之遂解此卽布射戟支處也述征記曰城極大四周漸通豐水豐水於城南東注泗卽泡水也地理志曰泡水自平樂縣東北至沛入泗者也泗水南逕小沛縣東縣治故城南垞上東岬有泗水亭漢祖爲泗水亭長卽此亭也故亭今有高廟廟前有碑延熹十年立廟闕崩禱畧無全者水中有故石染處遺石尚存高祖之破黥布也過之置酒沛宮酒酣歌舞慷慨傷懷曰遊子思故鄉也泗水又東南流逕廣戚縣故城南漢武帝元朔元年封劉澤爲侯國王莽更之曰力聚也泗水又逕留縣

故城一作
故縣

而南逕垞城東城西南有崇侯虎廟道淪遺愛不知何因而遠有此圖泗水又南逕宋大夫桓魋冢西山抗泗水上而盡石鑿而爲冢今人謂之石郭者也郭有二重石作工巧夫子以爲不如死之速朽也

又東南過彭城縣東北泗水西有龍華寺是沙門釋法顯遠出西域浮海東還持龍華圖首創此制法流中夏自法顯始也其所持天基二石仍在南陸東基堪中其石尚尙潔可愛泗水又南淮水入焉而南逕彭城縣故城

東周顯王四十二年九鼎淪沒泗淵秦始皇時而鼎見於斯水始皇自以德合三代大喜使數千人投水求之不得所謂鼎伏也亦云系而行之未出龍齒齧斷其系故語曰稱樂大早絕鼎系當是孟浪之傳耳泗水又逕龔勝墓南墓碣尚存又經亞父冢東皇覽曰亞父冢在廬江縣郭東居巢亭中有亞父井吏民親事皆祭亞父於居巢廳上後更造祠於郭東至今祠之按漢書項羽傳歷陽人范增未至彭城而發疽死不言之居巢今彭城南有項羽掠馬臺臺之西南山麓上卽其冢也增不慕范蠡

之舉而自絕於斯可謂褊矣推考書墓事近於此也

又東南過呂縣南

呂宋邑也春秋襄公元年晉師伐鄭及陳楚子辛救鄭侵宋呂留是也縣對泗水漢景帝三年有白頸烏與黑烏羣鬪於縣白頸烏不勝墮泗水中死者數千京房易傳曰逆親親厥妖白黑烏鬪時有吳楚之反泗水之上有石梁焉故曰呂梁也昔宋景公以共工之弓彎弧東射矢集彭城之東飲羽於石梁卽斯梁也懸濤瀾湊實爲泗嶮孔子所謂

魚鼈不能游又云懸水三十仞流沫九十里今則不能也蓋惟嶽之喻未便極天明矣晉太康地記曰水出磬石書所謂泗濱浮磬者也泗水又東南流丁溪水注之溪水上承泗水於呂縣東南流北帶廣隰山高而注于泗川泗水冬春淺澁常排沙通道是以行者多從此溪卽陸賦所云乘丁水之捷岸排泗川之積汝者也晉太元九年左將軍謝玄於呂梁遣督護聞人奭用工九萬擁水立七拖以利運漕者

又東南過下邳縣西

晉書謝玄堰呂梁水植柵立七埭爲派擁二岸之流以利漕運

拖當作埭

泗水歷縣逕葛嶧山東卽奚仲所遷邳嶧者也泗水又東南逕下邳縣故城西東南流沂水流納注焉故東海屬縣也應劭曰奚仲自薛徙居之故曰下邳也漢徙齊王韓信爲楚王都之後乃縣焉王莽之閏儉矣東陽郡治文穎曰秦嘉東陽郡今下邳是也晉灼曰東陽縣本屬臨淮郡明帝分屬下邳後分屬廣陵故張晏曰東陽郡今廣陵郡也漢明帝置下邳郡矣城有三重其大城中有司馬石苞鎮東將軍胡質司徒王渾監軍石崇四碑南門謂之白門魏武擒陳宮於此處矣中城呂布所守

閏儉下一本無矣字

也小城晉中興北中郎將荀羨郗曇所治也昔太祖山吳伯武少孤與弟文章相失二十餘年遇於縣市文章欲毆伯武心神悲慟因相尋問乃兄弟也縣爲沂泗之會也又有武原水注之水出彭城武原縣西北會注陂南逕其城西王莽之樂亭也縣東有徐廟山山因徐徙以卽名之也山上有石室徐廟也武原水又南合武水謂之沭水南逕剛亭城又南至下邳入泗謂之武原水口也又有桐水出西北東海容丘縣東南至下邳入泗泗水東南逕下相縣故城東王莽之從德也城之西北有漢

太尉陳球墓墓前有三碑是弟子管寧華歆等所造初平四年曹操攻徐州破之拔取慮睢陵夏丘等縣以其父避難被害於此屠其男女十萬泗水為之不流自是數縣人無行跡亦為累矣泗水又東南得睢水口泗水又逕宿預城之西又逕其城南故下邳之宿留縣也王莽更名之曰康義矣晉元皇之為安東也督運軍儲而為邸閣也魏太和中南徐州治後省為戍梁將張惠紹北入水軍所次憑固斯城更增修郭壘其四面引水環之今城在泗水之中也

又東南入于淮

泗水又東逕陵柵南西征記曰舊陵縣之治也泗

水又東南逕淮陽城城北臨泗水昔苗丘訢飲馬

斬蛟眇目於此處也泗水又東南逕魏陽城北城

枕泗川陸機行思賦曰行魏陽之枉渚故無魏陽

疑卽泗陽縣故城也王莽之所謂淮平亭矣蓋魏

文帝幸廣陵所由或因變之未詳也泗水又東逕

角城北而東南流注于淮考諸地說或言泗水於

睢陵入淮亦云於下相入淮皆非實錄也

沂水出泰山蓋縣艾山

韓詩外傳東海有勇士苗丘訢過神泉飲馬馬為蛟所取訢拔劍入水三日三夜殺二蛟而出雷神隨而擊之眇其左目吳越春秋作椒丘訢云訢為齊王使吳過淮津飲馬於淮水神取其馬訢大怒袒裼持劍入水求神決戰連日乃出眇其一目

北臨上本少城字

鄭玄云出沂山亦或云臨樂山水有三源南源所
導世謂之柞泉屯水所發俗謂之魚窮山俱東南
流合成一川右會洛預水水出洛預山東北流注
之沂水東南左合桑預水水北出桑預山東流于
沂水沂水又東南螳螂水入焉出魯山東南流右注
沂水水又東逕蓋縣故城南東會連綿之水水發
連綿山南流逕蓋城東而南入沂沂水又東逕浮
來之山春秋經書公及莒人盟于浮來者也即公
來山也在邳鄉西故號曰邳來之間也浮來之水
入注之其水左控三川右會甘水而注于沂沂水又

御覽引此
三源作二
源屯水作
北水山作
泉

東流一作
東注

晉書地志云太康
元年分邳邳置東
莞郡此云黃初中
立未詳

南逕爆山西山有二峰相去一里雙巒齊秀負峙
若一沂水又東南逕東苑縣故城西與沂水合孟
康曰縣故鄴邑今鄴亭是也漢武帝元朔二年封
城陽共王弟吉為東苑侯魏文帝黃初中立為東
苑郡東燕錄謂之團城劉武帝北伐廣固登之以
聖王難魏南青州治左氏傳曰莒魯爭鄆為日多
矣今城北鄆亭是也京相璠曰琅邪姑幕縣南四
十里負亭故魯鄆邑世變其字非也郡國志東苑

東苑史漢
年表作東
莞

王難字誤
當作五龍
日多宋本
作日久

有鄆亭今在團城東北四十里猶謂之故東苑城
矣小沂水出黃孤山西南流逕其城北西南注于

沂沂水又南與閭山水合出閭山山東南流右佩
二水總歸于沂沂水南逕東安縣故城東而南合
時密水水出時密山莒地莒人歸共仲于魯及密
而死是也密水東流逕東安城南漢封魯孝王子
強為東安郡密水又東南流入沂沂水又南桑泉
水北出五女山東南流巨圍水注之水出巨圍之
山東南注于桑泉水桑泉水又東南堂阜水入焉
其水導源堂阜春秋莊公九年管仲請囚鮑叔受
之及堂阜而稅之杜預曰東莞蒙陰縣西北有夷
吾亭者是也堂阜水又東南注桑泉水桑泉水又

具二十
其口相
其國不
王請以

漢書王子侯表云城陽共王弟雍封雷侯按盧與雷古字通用周禮盧維讀作雷雍是也

東南逕蒙陰縣故城北王莽之蒙恩也又東南與
雙崗水合水有二源雙會東導一川俗謂之汶水
也東逕蒙陰縣注桑泉水又南東盧川水注之水
出鹿嶺山東南流左則二川臻湊右則諸葛泉源
斯奔亂流逕城陽之盧縣故蓋縣之盧上里也漢
武元朔二年封城陽共王弟劉稀為侯國王莽更
名之曰著善矣又東南注于桑泉水桑泉水又東
南右合蒙陰二水水出蒙陰山東北流昔琅邪承
宮避亂此山立性好仁不與物競人有認其黍者
捨之而去其水東北流入于沂沂水又南逕陽都

盧川一作

漢武下二本有帝字

流入下本無于字

沂水出蒙山陰東流逕陽都縣南東注沂水沂水又左合溫水水上承溫泉陂而西南入于沂水者也

縣故城東縣故陽國也齊同盟齊利其地而遷之者也漢高帝六年封將軍丁復為侯國沂水又南與蒙山水合水出蒙山之陰東流逕陽都縣南東注沂水沂水又左合溫水水上承溫泉陂而西南入于沂水者也
南過琅邪臨沂縣東又南過開陽縣東
沂水南逕中丘城西春秋隱公七年夏城中丘左傳曰書不時也沂水又南逕臨沂縣故城東郡國志曰琅邪有臨沂縣故屬東海郡有洛水注之水出太山南武陽縣之冠石山地理志曰冠石山洛水

所出應劭地理風俗志曰武水出焉蓋水異名也東流逕蒙山下有蒙祠洛水又東南逕顓臾城北郡國志曰縣有顓臾城季氏將伐之孔子曰昔者先王以為東蒙主社稷之臣也何以伐為冉有曰今夫顓臾固而便近於費者也洛水又東南流逕費縣故城南地理志東海之屬縣也為魯季孫之邑子路將墮之公山弗擾師襲魯弗克後季氏為陽虎所執弗擾以費畔即是邑也漢高帝六年封陳賀為侯國王莽更名之曰順從也許慎說文云沂水出東海費縣東西入泗從水斤聲吕忱字林

亦言是矣斯水東南所注者沂水在西不得言東南
南趨也皆為謬矣故世俗謂水為小沂水洛水又
東南逕祊城南春秋隱公八年鄭伯請釋太山之
祀而祀周公使宛歸泰山之祊而易許田杜預釋
地曰祊鄭祀泰山之邑也在琅邪費縣東南洛水又
東南流注于沂沂水又南逕開陽縣故城東縣故
邠國也春秋左傳昭公十八年邾人襲邠盡俘以
歸邠子曰余無歸矣從孥于邾是也後更名開陽
矣春秋哀公三年經書季孫斯叔孫州仇帥師城
啓陽者是矣縣故琅邪郡治也

又東過襄賁縣東屈從縣南西流又屈南過剡縣西

南西一作西南訛

魯連子稱陸子謂齊湣王曰魯費之衆臣甲舍于
襄賁者也王莽更名章信也邾故國也少昊之後
春秋昭公十七年邾子朝魯公與之宴昭子叔孫
媯問曰少昊鳥名官何也邾子曰吾祖也我知之
黃帝炎帝以雲火紀官太皞以龍紀少皞瑞鳳鳥
統歷鳥官之司議政斯在孔子從而學焉既而告
人曰天子失官學在四夷者也竹書紀年晉烈公
四年越子末句滅邾以邾子鳩歸縣故舊魯也東
海郡治秦始皇以為邾郡漢高帝二年更從今名

竹書紀年晉烈公六
年於越子朱句伐邾
以邾子鳩歸

卽王莽之沂平者也

又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳

子辭水道不可以行晉乃還是也地理志曰良城

王莽更名承翰矣沂水於下邳縣北西流分爲二

水一水於城北西南入泗一水逕城東屈從縣南

亦注泗謂之小沂水水上有橋徐泗間以爲圯昔

張子房遇黃石公於圯上卽此處也建安二年曹

操圍呂布於此引沂泗灌城而擒之

涑水出泰山蓋縣臨樂山

地理志曰臨樂山涑水所出西北至蓋入泗水或

作池字蓋字誤也涑水自山西北逕蓋縣漢景帝

中元五年封后兄信爲侯國又西逕泰山東平陽

縣春秋宣公八年冬城平陽杜預曰今泰山平陽

縣是也河東有平陽故此加東矣晉武帝元康九

年改爲新泰縣也

西南至卞縣入于泗

涑水西南流盜泉水注之泉出卞城東北卞山之

陰尸子曰孔子至於暮矣而不宿於盜泉渴矣而

不飲惡其名也故論撰考讖曰水名盜泉仲尼不

史記鄒陽傳注引尸子曰孔子至勝母縣暮矣而不宿而淮南子及鹽鐵論並云里名勝母曾子不入

漱即斯泉矣西北流注于洙水洙水又西南流于
卞城西西南泗水亂流西南至魯縣東北又分爲
二水水側有故城兩水之分會也洙水西北流逕
孔里此是謂洙泗之間矣春秋之浚洙非謂始導
矣蓋深廣之耳洙水又西南枝津出焉又南逕瑕
丘城東而南入石門門右結石爲水門跨於水上
也西南流世謂之杜武溝洙水又西南逕南平陽縣
之顯閭亭西邾邑也春秋襄公二十一年經書邾
庶期以漆閭丘來奔者杜預曰平陽北有顯閭亭
十三州記曰山陽南平陽縣又有閭丘鄉從征記

卞城西下西
南字疑衍
或有脫誤

此疑作北

門右一作
門又

曰杜謂顯閭丘也今按漆鄉在縣東北漆鄉東北
十里見有閭丘鄉顯閭非也然則顯閭自是別亭
未知孰是又南洙水注之呂忱曰洙水出東平上
水汶水於岡縣西闡亭東爾雅曰汶別爲闡其曰
洛之波矣洙水西南流逕盛鄉城西京相璠曰岡
縣西南有盛鄉城者也又南逕太山寧陽縣故城
西漢武帝元朔三年封魯共王子劉恬爲侯國王
莽改之曰寧順也又南洙水枝津注之水首受洙
西南流逕瑕丘城北又西逕寧陽城南又西南入
于洙水洙水又西南逕太山郡乘丘縣故城東趙

其曰一作
其由
洛之下本
有有字

史記世家趙肅侯二十三年韓舉與齊魏戰死於桑丘漢地志太山郡有桑丘乃史誤也

肅侯二十年韓將舉與齊魏戰于乘丘卽此縣也
漢武帝元朔五年封中山靖王子劉將夜侯國也
洸水又東南流注于洙水又南至高平南入于泗
水西有茅鄉城東去南平三十里京相璠曰今高
平縣西三十里有故茅鄉城者也

水經第二十五
水出東平土
未映境長又南流
十里其水
水經第二十五

水經第二十六

漢桑欽撰
後魏酈道元注
明吳瑄校

沫水

巨洋水

淄水

汶水

濰水

膠水

沫水出琅邪東莞縣西北山

大棄山與小太山連麓而異名也引控衆流積以

成川東南流逕邳鄉南南去縣八十許里城有三
面而不周於南故俗謂之半城沫水又東南流左

漢地理志術水出琅邪郡東莞縣南至下邳入泗過郡三行七百里一十里青州寔

右峴水北出大峴山東南流逕邳鄉東東南流注于沐水也

東南過其縣東

沐水左與箕山之水合水出東諸縣西箕山劉澄

之以為許由之所隱也更為巨謬矣其水西南流

注于沐水也

又東南過莒縣東

地理志曰莒子之國盈姓也少昊後列女傳曰齊

人杞梁殖襲莒戰歿其妻將赴之道逢齊桓公公

將弔之杞梁妻曰如殖有罪君何辱命焉如殖無

罪有先人之弊廬在下妾不敢與郊弔公旋車弔

諸室妻乃哭於城下七日而城崩故琴操云殖歿

妻援琴作歌曰樂莫樂兮新相知悲莫悲兮生別

離哀感皇天城為之墜即是城也其城三重並悉

崇峻唯南開一門內城方十二里郭周四十許里

尸子曰莒君好鬼巫而國亾無知之難小白奔焉

樂毅攻齊守嶮全國秦始皇縣之漢興以為城陽

國封朱虛侯章治莒王莽之莒陵也光武合城陽

國為琅邪國以封皇子京雅好宮室窮極伎巧壁

帶飾以金銀明帝時京不安莒移治間陽矣沐水

後漢書作章帝時又云移治開陽

又南表公水東出清山尋坤維而注沭沭水又南
潯水注之水出於巨公之山西南流舊竭以溉渚
田東西二十里南北十五里潯水又西南流入沭
沭水又南與葛陂水會水發三注山西南流逕辟城
城南世謂之辟陽城史記建元以來王子侯者年
表曰漢武帝元朔二年封城陽共王子節侯劉壯
為侯國也其水於邑積以為陂謂之辟陽湖西南
流注于沭水也

節侯一作劉侯

又南過陽都縣東入于沂

沭水自陽都縣又南會武陽溝水水東出倉山山

上有故城世謂之監官城非也即古有利城矣漢
武帝元朔四年封城陽共王子劉釘為侯國也其
城因山為基水導山下西北流謂之武陽溝又西
至即丘縣注于沭沭水又南逕東海郡即丘縣故
春秋之祝丘也桓公五年經書齊侯鄭伯如紀城
祝丘左傳曰齊鄭朝紀欲襲之漢立為縣王莽更
之就信也郡國志曰自東海分屬琅邪闕駟曰郎
祝魯之音蓋字承讀變矣沭水又南逕東海厚丘
縣王莽更之祝其亭也分為二瀆西南出今無水
世謂之枯水一瀆南逕建陵縣故城東漢景帝八

更之下本有日字

年封石縮為侯國王莽更之曰付亭也沫水又南
 逕陵山西魏正元中齊王之鎮徐州也立大堰遏
 水西流兩瀆之會置城防之曰曲沫戍自流三十
 里西注沫水舊瀆謂之新渠自厚丘西南出左會
 新渠南入淮陽宿預縣注泗水地理志所謂至下
 邳注泗者也經言於陽都入沂非矣沫水左瀆自
 大堰水斷故瀆東南出桑堰水注之水出襄賁縣
 泉流東注沫瀆又南左合橫溝水水發瀆右東入
 沫之故瀆又南暨于堰其水西南流逕司吾山東
 又逕司吾縣故城西春秋左傳楚執鍾吾子以為

大堰一作大塢

于堰舊本作于渴當作于塢

司吾縣王莽更之息吾也又西南至宿預注泗水
 也沫水故瀆自下堰東南逕司吾城東又東南歷
 祖相口城中祖相水出於楚之祖相地春秋襄公十年經
 書公與晉及諸侯會吳于祖相京相璠曰宋地今彭
 城偃陽縣西北有祖相水溝去偃陽八十里東南流
 逕偃陽縣故城東北地理志曰故偃陽國也春秋左
 傳襄公十年夏四月戊午會于祖相晉荀偃士匄請
 伐偃陽而封宋向戌焉荀瑩曰城小而固勝之不
 武弗勝為笑固請丙寅圍之弗克孟氏之臣秦堇
 父輦重如役偃陽人啓門諸侯之士門焉縣門發

鄆人紇挾之以出門者狄虎彌建大車之輪而蒙之以甲以為櫓左執之右拔戟以成一隊孟獻子曰詩所謂有力如虎者也主人縣布董父登之及堞而絕之墜則又縣之蘇而復上者三主人辭焉乃退帶其斷以徇於軍三日諸侯之師久於偃陽請歸智伯怒曰七日不克爾乎取之以謝罪也偃白士攻之親受矢石遂滅之以偃陽子歸獻子于武宮謂之夷俘偃陽妖姓也漢以為縣漢武帝元朔三年封齊孝王子劉就為侯國王莽更之輔陽也郡國志曰偃陽有祖水祖水而南亂于沂而注于

鄆人在傳作聊人

沫謂之祖口城得其名矣東南至煦縣入游注海也也

巨洋水出朱虛縣泰山北過其縣西

泰山即東小泰山也巨洋水即國語所謂具水矣袁宏謂之巨昧王韶之以為巨曩亦或曰胸瀾皆一水也而廣其目焉其水北流逕朱虛縣故城西漢惠帝二年封齊悼惠王子劉章為侯國地理風俗記曰丹山在西南丹水所出東入海丹水由朱虛丘阜矣故言朱虛城西有長坂遠峻名為破車峴城東北二十里有丹山世謂之凡山縣在西南

非山也丹凡字相類音從字變也山導丹水有二源各導一山世謂之東丹西丹水也西丹自穴山北流逕劇縣故城東東丹水注之出方山山有三水一水卽東丹水也北逕縣合西丹水而亂流又東北出逕洺薄澗北洺水亦出方流入平壽縣積而爲渚水盛則北東南流屈而東北流逕平壽縣故城西而北入丹謂之魚合口丹水又東北逕望臺東東北注海蓋亦縣所氏者也

又北過臨朐縣東

巨洋水自朱虛北入臨朐縣熏冶泉水注之水出

西谿飛泉側瀨於窮坎之下泉谿之上源麓之側有一祀日之爲冶泉祀祠按廣雅金神謂之清明斯地蓋古冶官所在故水取稱焉水色澄明而清冷特異淵無潛石淺鏤沙文中有古壇參差相對後人微加功飾以爲嬉遊之處南北邃岍凌空疎木交合先公以太和中作鎮海岱余總角之年持節東州至若炎夏火流閑居倦想提琴命友嬉娛永日桂筍尋派輕林委浪琴歌旣洽懽情亦暢是焉棲寄實可憑衿小東有一湖佳饒鮮筍匪直芳齊芍藥實亦潔並飛鱗其水東北流入巨洋謂之熏

九經 卷之二十一
冶泉又逕臨朐縣故城東城古伯氏駢邑也漢武帝元朔二年封菑川懿王子劉奴侯國應劭曰臨朐山名也故縣氏之朐亦水名其城側川臨朐是以王莽用表厥稱焉其城上下泚水悉是劉武皇北伐廣固營壘所在矣巨洋又東北逕委粟山東孤阜秀立形若委粟又東北洋水注之水西出石膏山西北石澗口東南逕逢山下祠西洋水又南東歷逢山下卽石膏山也麓三成壁立直上山上有石鼓鳴則年凶郭緣生續述征記曰逢山在廣固南三十里有祠拜石鼓齊地將亂石人輒打石鼓

聞數十里洋水歷其陰而東北流世謂之石溝水東北流出於委粟山北而東注于巨洋謂之石溝水曰然是水下流亦有時通塞及其春夏水泛川瀾無輟亦或謂之爲龍泉水地理志石膏山洋水是出也今於此縣唯是瀆當之似符羣證矣巨洋又東北得邳泉口泉源西出平地東流注于巨洋巨洋又北會建德水水西發逢山阜而東流入巨洋水也

又北過劇縣西

巨洋水又東北合康浪水水發縣西南嶼山無事

樹木而負峭孤峙巒岿分立左思齊都賦曰嶼嶺
其左是也康浪水北流注於巨洋巨洋又東北逕
劇縣故城西古紀國也春秋莊公四年紀侯不能
下齊以與弟季大去其國違齊難也後改曰劇故
魯連子曰胸劇之人辯者也漢文帝十八年別為
菑川國後并北海漢武帝元朔二年封菑川懿王
子劉錯為侯國王莽更之愈縣也城之北側有故
臺臺西有方地晏謨曰西去齊城九十七里耿弇
破張步於臨淄追至巨洋水上僵尸相屬即是水也
巨洋又東北逕晉龍驤將軍幽州刺史辟閭渾墓

巨洋舊本作巨昧

東而東北流渾側有一墳甚高大時人咸謂之為
焉陵而不知誰之丘壟也巨洋水又東北逕益縣

焉陵一作馬陵

故城東王莽更之滌蕩也晏謨曰南去齊城五十
里司馬宣王伐公孫淵北徙豐人住於此城遂改
名為南豐城也又東北積而為潭枝津出焉謂之
百尺溝西北流逕北益都城也漢武帝元朔三年
封菑川懿王子劉胡為侯國又西北流而注于巨

淀矣

淀當作洋

又東北過壽光縣西
巨洋水自湖東北流逕縣故城西王莽之翼平亭

也漢光武建武二年封更始子鯉爲侯國城之西
南水東有孔子石室故廟堂也中有孔子像弟子
問經旣無碑誌未詳所立巨洋又東北流堯水注
之水出劇縣南有崩山卽故義山也俗人以其山
角因名爲角崩山亦名爲角林山皆世俗音譌也
水卽蕤水矣地理志曰劇縣有義山蕤水所出也
北逕嶼山東俗亦名之爲青水矣堯水又東北逕
東西壽光二城間應劭曰壽光縣有灌亭杜預曰
在縣東南斟灌國也又言斟亭在平縣壽東南平
壽故城在白狼水西今北海郡治水上承營陵縣

之下流東北逕城東西入別畫湖亦曰朕懷湖湖
東西二十里南北三十里東北入海斟亭在漑水
東水出桑犢亭東覆醜山亭故高密郡治世謂之
故郡城山謂之塔山水曰鹿孟水亦曰戾孟水皆
非也地理志曰桑犢故亭北海之屬縣矣有覆醜
山漑水所出北逕斟亭西北今日狼水按地理志
北海有斟縣京相璠曰故斟尋國禹後西北去灌
亭九十漑水又北逕寒亭西郡國志曰平壽有斟
灌東薛瓚漢書集注云按汲郡古文相居斟灌東
郡灌是也明帝以封周後改曰衛斟尋在河南非

平壽也又云太康居斟尋羿亦居之桀又居之尚書序曰太康失國兄弟五人徙于洛汭此卽太康之居爲近洛也余考瓚所據今河南有尋也衛國有觀土國語曰啓有五觀謂之姦子五觀蓋其名也所處之邑其名曰觀皇甫謐曰衛也又云夏相徙南丘依同姓之諸侯于斟灌斟尋氏卽汲冢書云相居斟灌也旣依斟尋明斟尋非一居矣窮后旣仗善射篡相韓浞亦因逢蒙弑羿卽其居以生澆因其室而有殪故春秋襄公四年魏絳曰澆用師滅斟灌及斟尋氏處澆於過處殪于戈是以伍

古韓寒字通用

員言於吳子曰過澆殺斟灌以伐斟尋是也有夏之遺臣曰靡事羿羿之歿也逃于隔氏今隔縣也收斟灌尋二國之餘燼殺韓浞而立少康滅之有窮遂亾也是蓋寓其居而生其稱宅其業而表其邑縱遺文泐禡亭郭有傳未可以彼有灌目謂此專此爲捨此尋名而專彼爲是以上推傳應氏之據亦可按矣堯水又東北注巨洋伏琛晏謨並言堯嘗頓駕於此故受名焉非也地理志曰蕤水自劇東北至壽光入海泐其逗趣卽是水也

又東北入于海

逗疑作逗

水經 卷之二十六
巨洋水東北逕望海臺西東北流伏環晏謨並以
爲平望亭在平壽縣故城西北八十里古縣又或
言秦始皇升以望海因曰望海臺未詳也按史記
漢武帝元朔二年封菑川懿王子劉賞爲侯國又
東北注于海也

淄水出泰山萊蕪縣原山

淄水出縣西南山下世謂之原泉地理志曰原山
淄水所出故經原山之論矣淮南子曰水出自飴
山蓋山別名也東北流逕萊蕪谷屈而西北流逕
其縣故城南從征記曰城在萊蕪谷當路咀絕兩

山間道由南北門漢末有范史雲爲萊蕪令言萊
蕪在齊非魯所得引舊說云齊靈公滅萊萊民播
流此谷邑落荒蕪故曰萊蕪禹貢所謂萊夷也夾
谷之會齊侯使萊人以兵劫魯侯宣尼稱夷不亂
華是也余按太無萊祚並山名也郡縣取目焉漢
高祖置左傳曰與之無山及萊祚是也應劭十三
州記曰太山萊蕪縣魯之萊祚邑淄水又西北轉
逕城西又東北流與一水合水出縣東南俗謂之
家桑谷水從征記名曰聖水列仙傳曰鹿皮公者
淄川人也少爲府小吏才巧舉手成器岑山上有

神象人不能到小吏白府君請木工斧三十人作轉輪造縣閣意思橫生數十日梯道成上其嶺作祠屋留止其傍其二間以自固食芝華飲神泉七十餘年淄水未下呼宗族得六十餘人命上山半水出盡漂一郡没者萬計小吏辭遣宗室令下山著鹿皮衣升閣而去後百餘年下賣藥齊市也其水西北流注淄水淄水又北出山謂之萊蕪口東北流者也

又東北過臨淄縣東

淄水自山東北流逕牛山西又東逕臨淄縣故城

封禪書云秦始皇東遊海上禮祀名山大川及八神八神者一曰天主祠天齊天齊淵水居臨淄南郊山下者二曰地主祠太山梁父三曰兵主祠蚩尤在東平陸監鄉齊之西境也四曰陰山主祠三山五曰陽主祠之眾六曰月主祠之萊山七曰日主祠成山八曰四時主祠琅邪

南東得天齊水口水出南郊山下謂之天齊淵五泉並出南北三百步廣十步山即牛山也左思齊都賦曰牛嶺鎮其南者也水在齊八祠中齊之為名起於此矣地理風俗記曰齊所以為齊者即天齊淵名也其水北流注於淄水又東逕四豪冢北水南山下有四冢方基員墳咸高七尺東西直列是田氏四王冢也淄水又東北逕陽陰里西水東有冢一基三墳東西八十步是列士公孫接田開疆古冶子之墳也晏子惡其勇無禮投桃以斃之歿葬陽里即此也淄水又北逕其城東城臨淄水

故曰臨淄王莽之齊陵縣也爾雅曰水出其前左
為營丘武王以其地封太公望賜之以四履都營
丘為齊或以為都營陵史記周成王封師尚父于
營丘東就國道宿行遲萊侯與之爭營丘逆旅之
人曰吾聞時難得而易失客寢安殆非就封者也
太公聞之。夜衣而行。至營丘陵亦丘也獻公自營
丘徙臨淄余按營陵城南無水唯城北有一水世
謂之白狼水西出丹山俗謂凡山也東北流山爾
雅出前左之文不得以為營丘矣營丘者山名也
詩所謂子之營兮遭我乎徂之間兮作者多以丘

東北流下
山字疑行
或有脫誤

陵號同又去萊羌近咸言太公所封考之春秋經
書諸侯城緣陵左傳曰遷杞也毛詩鄭注並無營
字瓚以為非近之今臨淄城中有丘在小城內周
迴三百步高九丈北降丈五淄水出其前故有營
丘之名與爾雅相符城對天齊淵故城有齊城之
稱是以晏子言始爽鳩氏居之逢伯陵居之太公
居之又曰先君太公築營之丘季札觀風聞齊音
曰泱泱乎大風也哉表東海者其太公乎回巴入
齊過淄自鏡郭景純言齊之營丘淄水逕其南及
東也非營陵明矣獻公之徙其猶晉氏深翼居絳

羌近一作
差近

新序云田巴臨淄水
而觀形自知醜惡

回巴當作
巴

非謂自營陵而之也其外郭即獻公所徙臨淄城也世謂之虜城言齊湣王伐燕燕王噲歿虜其民寶居因郭以名之秦始皇三十四年滅齊為郡治臨淄漢高六年封子肥於齊為王國王莽更名濟南也戰國策曰田單為齊相過淄水有老人涉淄而出不能行坐沙中單乃解裘於斯水之上也

又東過利縣東

淄水自縣東北流逕東安平城北又東逕巨淀縣故城南征和四年漢武帝幸東萊臨大海三月耕巨淀即此也縣東南則巨淀湖蓋以水受名也淄

水又東北逕廣饒縣故城南漢武帝元鼎中封菑川靖王子劉國為侯國淄水又東北馬車瀆水注之受巨淀淀即濁水所注也呂忱曰濁水一名溷

受字上疑脫首字

水出廣縣為山世謂之治嶺山東北流逕廣固城西城在廣縣西北四里四周絕澗咀水深隍晉永嘉中東萊人曹嶷所造也水側山際有五龍口義熙五年劉武帝伐慕容超於廣固也以藉嶮難攻兵力勞弊河間人玄文說裕云昔趙攻曹嶷望氣者以為繩水帶城非可攻拔若塞五龍口城當必陷石虎從之嶷請降降後五日大雨雷電震開後

寶當作實因郭當作郭因

以密模寫謂以蠟模
搨其迹也樹提加經
云庶人然脂諸侯然

蜜天子然漆晉書
山濤傳有蜜章亦
謂以蠟封奏章也

慕容恪之攻拔龕十旬不拔塞城而龕降降後無
幾又震開之舊基猶存宐城修築裕塞之超及城
內男女皆悉脚弱病者大半超遂出奔為晉所擒
也然城之所跨實憑地嶽其不可固城者在此濁
水東北流逕堯山東從征記曰廣固城北三里有
堯山祠堯因巡狩登此山後人遂以名山廟在山
之左麓廟像東面華宇修整帝圖嚴飾軒冕之容
穆然山之上頂舊有土祠今也毀廢無復遺式盤
石上尚有人馬之跡徒黃石而已唯刀劍之蹤逼
真矣至於燕鋒代鏐魏鉞齊銘與今劍莫殊以密

齊銘宋本
作齊銘疑
作齊鐔

模寫知人功所制矣西望胡公陵孫暢之所云青
州刺史傅弘仁言得銅棺隸書處濁水又東北流
逕東陽城北東北流合長沙水水出逢山北阜世
謂之陽水也東北流逕廣縣故城西舊有州刺史
治亦曰青州城陽水又東北流石井水注之水出
南山頂洞開望若門焉俗謂是山為磐頭山其水
北流注井井際廣城東側三面積石高深一匹有
餘長津激浪瀑布而下澎聶之音驚川聒谷崩湔
之勢狀同洪井北流入陽水余生長東齊極遊其
下於中闊絕乃積綿載後因王事復出海岱郭金

磐當作劈

北史酈範字世則
范陽涿鹿人太武
時給事東宮太武
踐祚追錄先朝舊
勳賜爵永寧男為
征南大將軍慕容

白曜司馬及定三
齊範多進策白曜
皆用其謀遂表為
青州刺史進爵為
侯

紫惠同石井賦詩言意彌日嬉娛尤慰羈心但恨
此水時有通塞耳陽水東逕故七級寺禪房南水
北則長廡徧駕迴閣承阿林之際則繩坐疏班錫
鉢閒設所謂修修釋子眇眇禪棲者也陽水又東
東逕陽城東南義熙中晉青州刺史羊穆之築此
以在陽水之陽即謂城之東陽城世以濁水為西
陽水故也水流亦有時窮通信為靈矣昔在宋世
是水絕而復流劉晃賦通津焉魏太和中此水復
竭輟流積年先公滁州即任未暮是水復通澄映
盈川所謂幽谷枯而更溢窮泉輟而復流矣海岱

徧駕舊本
作徧駕

之士又頌通津焉平昌耆民孫道相頌曰唯彼繩
泉竭踰三齡祈盡珪璧謁窮斯牲道從隆替降由
聖明耆民河間趙嶷頌云敷化未暮玄澤潛施枯
源揚瀾涸川滌陂北海郭欽曰先政輟津我后通
洋但頌廣文煩難以具載陽水又北屈逕漢城陽
景王劉章廟東東注于巨洋後人竭斷令北注濁
水時人通謂濁水為陽水故有南陽北陽水之論
二水渾流世謂之為長沙水也亦或通名之為繩
水故晏謨伏琛為齊記並云東陽城既在繩水之
陽宜為繩陽城非也世又謂陽水為洋水余按羣

耆民一作
厖民

耆民一作
耆民

書盛言洋水出臨朐縣而陽水導源廣縣兩縣雖
 隣川土不同於事疑焉濁水又北逕臧氏臺西又
 北逕益城西又北流注巨淀地理志曰廣縣為山
 濁水所出東北至廣饒入巨淀巨淀之右又有女
 水注之水出東安平縣之蛇頭山從征記曰水西
 有相公冢甚高大墓方七十餘丈高四丈員墳圍
 二十餘丈高七丈餘一墓方七丈二墳晏謨曰依
 陵記非葬禮如承世故與其母同墓而異墳伏琛
 所不詳也冢東山下女水原有相公祠侍其衡奏
 魏武王所立曰近日路次齊郊瞻望相公墳壘在

南山之阿請為立祀祠為塊然之主郭緣生述征記
 曰齊相公冢在齊城南二十里因山為墳大冢東
 有女水或云齊相公女冢在其上故以名水也女
 水導川東北流甚有神焉化隆則水生政薄則津
 竭燕建平六年水忽暴竭玄明惡之寢病而亾燕
 太上四年女水又竭慕容超惡之燕祚遂淪女水
 東北流逕東平安縣故城南續述征記曰女水至
 安平城南伏流一十五里然後更流注北楊水城
 故鄒亭也春秋魯莊公三年紀季以鄒入齊公羊
 傳曰季者何紀侯弟也賢其伏罪請鄒以奉五祀

史記齊襄王入臨淄
 封田單為安平君集
 解云安平城在青州
 臨淄縣東十九里古
 紀之鄒邑也

按韓非子曰齊桓公入山問父老此為何谷答曰臣舊畜牛生犢以子買駒少年謂牛不生駒遂持而去

有隣謂臣愚遂名為愚公谷

田成子單之故邑也後以為縣博陵有平故此加東也世祖建武七年封菑川王子劉茂為侯國又逕安平城東東北逕壟丘東東北入淀地理志曰菑頭山女水所出東北至臨淄入巨淀又北為馬車瀆北合淄水又北時繩之水注之時水出齊城西南北二十五里平地出泉即如水也亦謂之源水因水色黑俗又目之為黑水西北逕黃山東又北歷愚山山東有愚公冢時水又屈而逕杜山北有愚公谷齊桓公時公隱於谿隣有認其駒者公以與之山即杜山之通阜以其人狀愚故謂之愚

公故山水有石梁亦謂為石梁水又有澶水注之水出時水東去臨淄城十八里所謂澶中也俗以澶水為宿留水西北入于時水孟子去齊三宿而後出澶故世以此而變水名也水南山西有王歆墓昔樂毅伐齊賢而封之歆不受自縊而歆水側有田引水溉跡尚存時水又西北逕西安縣故城南本渠也齊大夫雒稟之邑矣王莽更之曰東寧時水又西至石洋堰分為二水謂之石洋口枝津西北至梁鄒入沛時水又北逕西安城西又北京水系水注之水出齊城西南世謂寒泉也東北流

雖稟左傳作雍廩

直申門西京相璠杜預並言申門卽齊城南面西
第一門矣爲申池昔齊懿公遊申池邴戎庸職二
人害公於竹中今池無復髣髴然水側尚有小小
竹木以時遺生也左思齊都賦注申池左海濱齊
藪也余按春秋襄公十八年晉伐齊戊戌伐離門
之荻巳亥焚雍門壬寅焚東北二郭甲辰東侵及
沂而不言北掠于海且晉獻子尚不辭歿以逞志
何容對仇敵而不徵暴草木于海隅乎又炎夏火
流非遠遊之辰懿公見弑蓋是白龍魚遯見困近
郊矣左氏捨近遺遠考古非議杜預泛言有推據

左傳作邴
歌闕職

耳系水傍城北流逕陽門西水次有故封處所謂
齊之稷下也當戰國之時以齊宣王喜文學遊說
之士鄒衍淳于髡田駢接于慎到之徒七十六人
皆賜列第爲上大夫不治而論議是以齊稷下學
士復盛且數百十人劉向別錄以稷爲齊城門名
也談說之士期會於稷門下故曰稷下也鄭志曰
張逸問贊云我先師棘下生何時人鄭玄答云齊
田氏時善學者所會處也齊人號之棘下生無常
人也余按左傳昭公二十二年莒子如齊盟于稷
門之外漢以叔孫通爲博士號稷嗣君史記音義

曰欲以繼蹤齊稷下之風矣然棘下又是齊城內地名左傳定公八年陽虎劫公伐孟氏入自土東門戰于南門之內又戰于棘下者也蓋亦儒者之所萃焉故張逸疑而發問鄭玄釋而辯之雖異名于見大歸一也城內有故臺有營丘有故景王祠卽朱虛侯章廟矣晉起居注云齊有大蛇長三百步負小蛇長百餘步逕於市中市人悉觀自北門所入處也北門外東北二百步有齊相晏嬰冢宅左傳晏子之宅近市景公欲易之而嬰弗更爲誠曰吾生則近市死豈易志乃葬故宅後人名之曰

清節里系水又北逕臨淄城西門北而西流逕梧宮南昔楚使躬齊齊王饗之梧宮卽是宮矣其地猶梧臺里臺甚層秀東西一百餘步南北如減卽古梧宮之臺臺東卽關子所謂宋愚人得燕石處臺西有石柱碑碑猶存漢靈帝熹平五年立其題云梧臺里系水又西逕葵丘北春秋莊公八年襄公使連稱管至父戍葵丘京相璠曰齊西五十里有葵丘地若是無戍之僖公九年齊桓會諸侯于葵丘宰孔曰齊侯不務修德而勤遠畧葵丘不在齊也引胡廣汾陰葵丘山陽西北葵城宜在此非

石柱一作石

成之下疑有脫誤

也余原左傳連稱管至父之戍葵丘以瓜時而往
 還之期請代弗許將為齊亂故令無寵之妹候公
 於宮因無知之絀遂害襄公若出遠無代寧得謀
 及婦人而為公室之亂乎是以杜預稽春秋之旨
 即傳安之注于臨淄西不得捨近託遠苟成已異
 於異可殊即義為負然則葵丘之戍即此地也時
 水西左迤為潭又西逕高陽僑郡南魏所立也又
 西北流注于時時水又東北流繩水注之水出營
 城東世謂之漢溱水也西北流逕營城北漢景帝
 四年封齊悼惠王子劉信都為侯國繩水又西逕

樂安南博昌縣故城南應劭曰昌水出東萊昌陽
 縣道遠不至取其嘉名闕駟曰縣處勢平故曰博
 昌繩水西歷貝丘京相璠曰博昌縣南近繩水有
 地名貝丘在齊西北四十里春秋莊公八年齊侯
 田于貝丘見公子彭生豕立而泣齊侯墜車傷足
 於是處也繩水又西北入時水從征記又曰水出
 臨淄縣北逕樂安博昌南界西入時水者也自下
 通謂之為繩也昔晉侯與齊侯宴齊侯曰有酒如
 繩指喻此水也時水又屈而東北逕博昌城北時
 水又東北逕齊利縣故城北又東北逕巨淀縣故

淮南所引孔子白公語出列子說符篇及呂氏春秋審應覽

城北又東北逕廣饒縣故城北東北入淄水地理風俗志曰淄入濡淮南子曰白公問微言曰若以水投水如何孔子曰淄繩之水合易牙嘗而知之謂斯水矣淄樂安對昌南界西入泲水者也又東北入于海淄水又西北入泲水泲水出於白下淄水入馬車瀆亂流東北逕琅槐故城南又東北逕馬井城北與時繩之水互受通稱故邑流其號又東北至皮丘沈入于海故晏謨伏琛並言淄繩之水合於皮丘沈西地理志曰馬車瀆至琅槐入于海也蓋舉縣言也南齊書曰昌水出東萊昌水

列子呂覽俱作淄澠

汶水出朱虛縣泰山國世風海王以徒事于公誓曰山上有長城西接岱山東連琅邪巨海千有餘里蓋田氏之所造也竹書紀年梁惠成王二十年齊築防以為長城竹書又云晉列公十二年文王命韓景子趙列侯及我師翟員伐齊人長城史記所謂齊威王越趙侵伐我長城者也伏琛晏謨並言水出縣東南嶧山山在小泰山東者也北齊書高帝八年北過其縣東汶水又東北至冀青州陳史終高墓西

汶水自縣東北逕嶧城北地理風俗記曰朱虛縣東四十里有嶧城亭故縣也又東北逕管寧家東

水經

卷之二十一

十一

故晏謨言柴阜西南有魏獨行君子管寧墓墓前有碑又東北逕柴阜山北山之東有徵士邴原冢北碑誌存焉汶水又東北逕漢青州刺史孫嵩墓西有碑碣汶水又東逕安丘縣故城北漢高帝八年封將軍張說爲侯國地理志曰王莽之誅邳也孟康曰今渠丘亭莒渠丘城是也伏琛晏謨齊記並言亭在丘城東北十里非城也城對牟山山之西南有孫賓碩兄弟墓碑志並在也又王二十二年齊又北過淳于縣西又東北入于縣淳于縣在千石里故夏后氏之斟灌國也周武王以封淳于公號曰

淳于國春秋桓公六年冬周公如曹傳曰淳于公如曹度其國危遂不復也其城東北則兩川交會也水出沂泉縣北外山東南流沂泉縣東又東南

濰水出琅邪箕縣

北登箕縣對城西又西沂泉水出

琅邪山名也越王勾踐之故國也勾踐并吳欲霸中國徙都琅邪秦始皇二十六年滅齊以爲郡城卽秦王之所築也遂登琅邪大樂之山作層臺於其上謂琅邪臺臺在城東南十里孤立特顯出于衆山上下周二十里餘傍濱巨海秦王樂之因留三月乃徙黔首三萬戶於琅邪山下復十二年所

水經 卷之三十六
作臺基三層層高三丈上級平敞方二百餘步高五里刊石立碑紀秦功德臺上有神淵淵主靈焉人汗之則竭齊潔則通神廟在齊八祠中漢武帝亦嘗登之漢高帝呂后七年以爲王國文帝三年更名爲郡王莽改曰填夷矣澠水導源澠山許慎呂忱云澠水出箕屋山淮南子曰澠水出覆舟山蓋廣異名也東北逕箕縣故城西又西析泉水注之水出析泉縣北松山東南流析泉縣東又東南逕仲固山東北流入于澠地理志曰至箕縣北入澠者也澠水又東北逕諸縣故城西春秋文公十

二年季孫行父城諸及鄆傳曰城其下邑也王莽更名諸并矣澠水又東北涓水注之出馬耳山山高百丈上有二石並舉望齊馬耳故世取名焉東去常山三十里涓水發于其陰北逕婁鄉城東春秋昭公五年經書夏莒牟夷以牟婁防茲來奔者也又分諸縣之東爲海曲縣故俗人謂此城爲東諸城涓水又北注于澠水昔唱其水也澠水東北過東武城縣西西北流合并其水也澠水縣因岡爲城城周三十里漢高帝六年封郭蒙爲侯國王莽更名之曰祥善矣又北左合扶淇之水

水出西南常山東北流注濰晏謨並以濰水為扶
 淇之水以扶淇之水為濰水非也按經脉誌濰自
 箕縣北逕東武縣西北流合扶淇之水晏謨伏琛
 云東武城西北二里濰水者即扶淇之水也濰水
 又北右合盧水即久台水也地理志曰水出琅邪
 橫縣故山王莽之合丘也山在東武縣故城東南
 世謂之盧山也西北流逕昌縣故城西東北流齊
 地記曰東武城東南有盧水水側有勝火木方俗
 音曰檉子其木經野火燒灰不滅故東方朔不
 灰之木者也其水又東北流逕東武縣故城東而

西北入濰地理志曰久台水出東南逕東武入濰
 者也尚書所謂濰淄其道矣水未明也又
 又北過平昌縣東水出平昌縣故城東南

濰水又北逕石泉縣故城西王莽之養信也地理
 風俗記曰平昌縣東南四十里有石泉亭故縣也
 濰水又北逕平昌縣故城東荆水注之水出縣南
 荆山阜東北流逕平昌縣故城東漢文帝封齊悼
 惠王肥子永為侯國城之東南角有臺臺下有井
 與荆水通物墜於井則取之荆水昔常有龍出入
 于其中故世亦謂之龍臺城也荆水又東北流注

史記齊悼惠王子
 劉不封平昌侯
 濰水出平昌縣
 荆山阜在平昌縣
 東南四十里有石泉亭

漢地理志云靈門
縣有高原山壺山
浯水所出注云原
古柘亭平昌縣

于淮水又北浯水注之水出浯山世謂之巨平山也地理志曰靈門縣有高原山與浯一山浯水所出東北入淮今是山西接浯山許慎說文言水出靈門山世謂之浯汶矣其水東北逕姑幕縣故城東縣有五色土王者封建諸侯隨方受之故薄姑氏之國也闕駟曰周成王時薄姑與四國作亂周公滅之以封太公是以地理志曰或言薄姑也王莽曰季睦矣應劭曰左傳曰薄姑氏國太公封焉薛瓚漢書注云博昌有薄姑城未知孰是浯水又東北逕平昌縣故城北古竭此水以溢溉田南注

荆水浯水又東北流而注于淮水也

又北過高密縣西

應劭曰縣有密水故有高密之名也然今世所謂百尺水者蓋密水也水有二源西源出奕山亦曰鄆日山晏謨曰山狀鄆日是有此名伏琛曰山上鄆日故名鄆日山也其水東北流東源出五弩山西北流同瀉一壑俗謂之百尺水古人竭以溉田數十頃北流逕高密縣西下注淮水自下亦兼通稱焉亂流歷縣西碑產山西又東北水有故堰舊鑿石豎柱斷淮水廣六十許步掘東畔激通長渠

東北逕高密故城南明帝中元中封鄧震為侯國
縣南十里蓄以為塘方二十餘里古所謂高密之
南都也溉田一頃許陂水散流下注矣安澤澠水
自堰北逕高密縣故城西漢文帝十六年別為膠
西國宣帝平始元年更為高密國王莽之章牟也
澠水又北昔韓信與楚將龍且夾澠水而陣於此
信夜令為萬餘囊盛沙以遏澠水引軍擊且偽退
且追北信決水水大至且軍半不得渡遂斬龍且
於是水水西有鴈阜阜上有漢司農卿鄭康成冢
右碑猶存又北逕昌安縣故城東漢明帝中元中

封鄧襲為侯國也郡國志曰漢安帝延光元年復
也

又北過淳于縣東

維水又北左會汶水北逕平城亭西又東北逕密

鄉亭西郡國志淳于縣有密鄉地理志皆北海之

屬縣也應劭曰淳于縣東北六十里有平城亭又

四十里有密鄉亭故縣也澠水又東北逕下密縣

故城西城東有密阜地理志曰有三石山祠余按

應劭密者水名是有下密之稱俗以名阜非也

又東北逕都昌縣東

郡國志下
一本有亭

俗以下一本
有之字

又淮水東北逕逢萌縣人也少有大節耻給事縣亭
遂浮海至遼東復還在不其山隱學明帝安車徵
萌以佯狂免又北逕都昌縣故城東漢高祖六年
封朱軫為侯國北海相孔融為黃巾賊管玄所圍
於都昌也太史慈為融求救劉備持的突圍其處
也予西滄國志對千緯百密味此野志皆北
又東北入于海水北逕平姑亭西又東北逕
膠水出黔陬縣膠山北過其縣西

齊記曰膠水出五弩山蓋膠山之殊名也北逕祝
茲縣故城東漢武帝元鼎中封膠東康王子延為

侯國又逕扶縣故城西地理志琅邪之屬縣也漢
文帝元年封呂平為侯國膠水又北逕黔陬故城
西袁崧郡國志曰縣有介亭地理志曰故介國也
春秋僖公九年介葛盧來朝聞牛鳴曰是生三犧
皆用之問之果然晏謨伏琛並去縣有東西二城
相去四十里有膠水非也斯乃拒艾水也水出縣
西南拒艾山即齊記所謂黔艾山也東北流逕拒
縣故城西王莽之袂國也世謂之王城又謂是水
為洋洋水矣又東北逕晏伏所謂黔陬城西四十
里有膠水者也又東入海地理志曰琅邪有推縣

按前漢地理志云
琅邪有拒縣注云
根艾水東入海如

故介一作
古介

高祖一作
高帝

推縣宋本
作推縣

郡今地志作郡音夫又音扶

珍鄧禹子

拒艾水出焉東入海即斯水也今膠水北逕晏伏所謂西黔陬城東高密郡側有黔陬縣地理志曰膠水出郡縣王莽更之純德矣疑即是縣所未詳又北過夷安縣東

縣王莽更名之曰原亭也應劭曰故萊夷邑也太史公曰晏平仲萊之夷維之人也漢明帝中元中封鄧珍為侯國西去濰水四十里膠水又北逕膠陽東晏伏並謂之東亭自亭結路南通夷安地理風俗記曰淳于縣東南五十里有膠陽亭故縣也又東北逕左會一水世謂之張奴水水發夷安縣

未詳下本有也字

水東南阜下西北流歷膠陽縣注于膠水之左東北為澤水渚百許里謂之夷安潭潭之澤周四十里亦濰水枝津之所注也膠水又東北逕下密縣故城東又東北逕膠東縣故城西漢高帝元年別為國景帝封子寄為王國王莽更之郁秩也今長廣郡治伏琛晏謨言膠水東北迴達于膠東城北百里流注于海

又北過當利縣西北入于海

縣故王莽更之東萊亭也又北逕平度縣漢武帝元朔二年封菑川懿王子劉衍為侯國王莽更名

坑玉篇作航音坑
云鹽澤也北史楊
義臣以遼東還兵
入豆子航討賊為
寫作航又省作坑

之曰利盧也縣有土山膠水北歷土山注于海海
南土山以北悉鹽坑相承修煮不輟北眺巨海杳
冥無極天際兩分白黑方別所謂之溟海者也故
地理志曰膠水北至平度入海者也

水經第二十六

水經第二十六

